

Jesu'walaŋ Mede Momoonŋ Jondi youkuk

Yodakale Mede

Jon adi Jesu'walaŋ Mede Momoonŋ youlene tububihila indiŋ yoguk. Jesu adi Bepaŋ'walaŋ Mede hatihatinit. Ala adi mebineŋ tububihila Bepaŋ iŋgoŋ hatiguk. Jesu adi Bepaŋ'walaŋ Maŋiŋ Mede hatiŋila Bepaŋ'walaŋ saŋiniŋ foloŋ nemenemek hogohogok kunum gineŋ be kwetfoloŋ hakiŋ tubumintaguk. Iŋgoŋ e' kwetfoloŋ metam ne'walaŋ namandapŋiye indi kadakaŋ liwe titindok tinene nibune tuwot mu tuguk, kaŋ kunum gineŋ Bepaŋ eŋ Munabuli hatigukdi meeniŋ indi'walaŋ folonamandap gineŋ mintaŋ meeniŋ indi'walaŋ baŋamneŋ ipilat tiŋa hatiguk. Pepa i youkuk woŋadi Jesu adi kwetfoloŋme indi'walaŋ Tubulodanik hinek kuyoŋ agaŋ Bepaŋ'walaŋ mihiŋiŋ hinek, ala metamdi mede i yokunali Jesu nadisukilitimineŋ adi yadi hatihati fafaŋeniŋ kahileŋ kunumdok gigit tineŋ. Unduŋ nadiŋa youkuk.

Kwetfoloŋ metamdi Jesu adi Bepaŋ'walaŋ mihiŋiŋ unduŋ nadisukilitidok Bepaŋ'walaŋ saŋiniŋ foloŋ kunumneniŋ kudi wapuhi tuluguk. Kaŋ metam nolidi u kaŋ Jesu nadisukilitimiŋiŋ eŋ nolidi welekwambuŋ tigiŋ (Fiye 13-17). Tiŋa agaŋ meeniŋ nediyeŋ Jesudok welekwambuŋ tigiŋdi Jesu mede gineŋ kameeŋ utubukada-tauuyeŋ kolonŋdabek foloŋ ulukumuŋa wenefulagiŋ. Kaŋ Bepaŋ'walaŋ saŋiniŋdi tubukaikaune pilali kwetfoloŋ muniniŋ kabe hatiŋila mihiŋiye mintahebi tiyemiŋa nadisukilitihik tubukilitiyemiŋa kunum gineŋ kotigoŋ udaneŋ loguk. Agaŋ kefile tam niŋ'walaŋ mede kahat fek [] indiniŋ maaneŋ youliŋit hatak (Fiye 8.1-11) u Jon ne youkuk be mu youkuk u mintadakale hinek mu tilak. Wondok adi nadinadime nolidi kougoŋ kiyonadi tiŋ.

Jondi momoonŋ hinek yodakaleŋ niniŋguk uye indiŋ. Bepaŋdi Jesu kwetfoloŋ metam inditok siloŋ tobogoŋ tinimiŋa niŋkulune foguk wondiniŋ foloŋ indiŋ hatak. Jesu adi kunum gineŋ uunŋdok Talik, Jesu adi Mede Biyagoŋ, eŋ Jesu adi Hatihati Fafaŋeniŋ.

Jon adi meeniŋ indi kunum gineŋ nemek hebihat tilak wondiniŋ mebi didimeneŋgoŋ nadidakaledok nadiŋa inde'walaŋ titiŋnik gineŋ kamekaŋ yoyout mede fee youtnimŋguk. U iŋdiŋ. Ime, belet, hauta, dompa yabudoko, dompa, agaŋ wain kwedei, taŋeniŋ eŋ foloŋ gilenit, unduŋ foloŋ kamekaŋ kunum diniŋ nemek foloŋ hinek u nadidakale-hinakadok youtnimŋguk.

Jon'walaŋ mede diniŋ yohebet

1.1–18 Wele youyout mede

1.19–51 Jon Imeyout Tububihit eŋ Jesudi mihiniye timentimeŋ yehineguk

2.1–12.50 Jesudi metam'walaŋ kwanai tuguk

13.1–19.42 Jelusalem eŋ yokwet magimagi yawooŋ kwanai tuguk

20.1–31 Jesu adi Bepaŋ'walaŋ saŋiniŋ foloŋ kaikaŋ pilali hatiŋa mihiniye mintahebi tiyemiŋguk

21.1–24 Mindaŋ hinek Galili imengwaŋ gagayeŋ mintayemiŋa mede yeniŋguk

21.25 Jon ne Jesu'walaŋ Mede Momooŋ pepa gineŋ youkuk wondok yodakaleeŋ yodapmaguk

Jesu adi Bepaŋ'walaŋ maŋiŋ mede

1 ¹Maŋiŋ Mede adi agaŋ koomkwaha kwetkunum mu mintalune hatitabuŋa hatiguk. Tiŋa Maŋiŋ Mede adi hatihatiŋiŋ Bepaŋ'walaŋkade halune hatiguk. Eŋ Maŋiŋ Mede negoŋ Bepaŋ hatiguk.

²Adi tububihit gineŋgoŋ Bepaŋ dut hatiŋila ³nemenemek adutgoŋ noŋgoŋ yehitubu-mintagumuk. Nemek noli u adi mokit nemu yehitubu-mintaguk. ⁴Tiŋa adi yadi hatihati molom doktiŋa metam hogohogok hauta tubumintayemguk. ⁵Kaŋ hauta adi mambip gineŋ hautaune mambipdi hefuladok moŋ tikaŋ wabiguk.

⁶⁻⁷Unduŋ mintaune Bepaŋ adi metamdi medeŋiŋ nadiŋa nadisukiliti tubumintadok yoŋa tipilapilaye-meŋiŋ niŋ wou Jon kameune buŋa metam hauta wondiniŋ gigit yenhautaguk. ⁸Jon ne adi hauta molom moŋ, adi yadi tobo Hauta wondiniŋ gigit u metam yenhautaguk. ⁹Hauta woŋ adi folooŋ hinekdi metam hogohogok hautanimilak. Adi yadi kwetfoloŋ mintaguk.

¹⁰Tiŋa Maŋiŋ Mede negoŋ kwet kunum yehitubu-mintaguk ala adi kwetfoloŋ iŋoŋ hatiguk, iŋgoŋ metamdi mu kadakalegiŋ. ¹¹Eŋ ne yolikwelineŋ uune metamdi mu kahilegiŋ. ¹²Kaŋ nolidigoŋ kahileeŋ nadisukilitimiŋiŋ, doktiŋa Bepaŋ'walaŋ wapmihi mintadok yenindapmaguk. ¹³Unduŋ doktiŋa adi kwetfoloŋ metam'walaŋ wapmihi moŋ, be kwetfoloŋ metam nehi'walaŋ nadinadihik gineŋ mu mintagiŋ, adi yadi Bepaŋ ne'walaŋ kohokudi doktiŋa Bepaŋ negoŋ Behik hatilak.

¹⁴Maŋiŋ Mede adi mehinek mintaŋ indi lekiŋgoŋnik gineŋ Bepaŋ'walaŋ siloŋ tobogoŋ eŋ mede biyagoŋnit hatiguk. Kaŋ indi Bepaŋ'walaŋ Mihiniŋ kubugoŋ hinek yoŋa wougigit eŋ holiholiŋe miŋguk u miŋgoŋ kagumun.

¹⁵Jondi aditok yoŋa indiŋ yohautaguk, “Nu me yendegoŋ indiŋ yogut, ‘Me mindaŋ bulak adi nu mu mintawe koom hatiguk. Adi nu nalakapmen tilak.’ ”

¹⁶Indi adi'walaŋ siloŋ tobogoŋ u dapmandapmaŋnit mokit mongokumundi mongokam. ¹⁷Moses adi Yodoko Mede nimguk kaŋ Jesu Kilisto adi siloŋ tobogoŋ mede biyagoŋ nimguk. ¹⁸Bepaŋ adi nebek niŋdi nemu hinek kaguk. Mihiniŋ kubugoŋ hinek ne'walaŋ hebeŋ gineŋ hatilakdi gigitjiŋ tiŋa fooŋ yohautaguk.

Jon Imeyout Tububihitdi ne'niŋ mebi yobihikuk
(*Matiyu 3:1-12; Mak 1:7-8; Luk 3:15-17*)

¹⁹Jelusalem uŋoŋ Judame heki'walaŋ me wapuhi adi Siloŋyot diniŋ talitimenŋhiye eŋ tubuloda mehiye yeniŋkulune Jon'walaŋ wooŋ ninadigiŋ, “Du nedigoŋ hinek?”

²⁰Kaŋ Jon adi mebiŋiŋ kamehebi mu tiŋa miŋgilaŋgoŋ indii yenihautaguk, “Nu Kilisto moŋ.”

²¹Unduŋ yeniimbune gigne tiŋa ninadigiŋ, “Kaŋ du neeŋ? Du Ilaija be?” Ninadigiŋ kaŋ yeniŋguk, “Nu adi moŋ.”

Unduŋ yeniambu ninadigiŋ, “Kaŋ du Polofetnik be?”^a

Yobu “Moŋ” yeniŋguk.

²²Mede u nadiŋa niŋgiŋ, “Unduŋ ale du datok dediŋ yolaŋ u ninimbune wooŋ me wapuhi niniŋkulune bumun u yeninim.”

²³Unduŋ ninadigiŋ kaŋ polofet Aisaiyadi mede indiiŋ youkuk u yeniŋguk,

“Me niŋ kwet fileŋ indiiŋ kutilak, ‘Wapum'walaŋ talik didimeŋgoŋ imindok.’

Mede unduŋ yoguk u nu iŋakoŋ.”

²⁴Unduŋ yeniimbune nohiye Falisi heki wanaŋ bugiŋdi indiiŋ nintogiŋ, ²⁵“Du Kilisto moŋ, be du Ilaija moŋ, tiŋa du Polofet moŋ, iŋgoŋ deti Imeyout kwanai tilaŋ?”

²⁶Unduŋ nimbune Jondibo yoguk, “Nu adi ime hinekdi hogok youyemulat iŋgoŋ me niŋ lekiŋgoŋhik gineŋ mintaaŋ hatilak u hidi mu kakiyondaiŋ. ²⁷Adi yadi mindaŋ bulak, nu aindiniŋdi gulalikniŋ tagimimbitdok tuwot moŋ.”^b

²⁸Nemenemek u Jondi Imeyout kwanai hautitugukneŋ Jodaŋ ime fukuniŋ Betani uŋoŋ tigiŋ.

Jesu adi Bepaŋ'walaŋ Domba Mihiniŋ

²⁹Unduŋ tigiŋ ala heleune Jondi yali kaune Jesu kweetniŋgoŋ gwaŋ buguk kaŋ yoguk, “Bepaŋ'walaŋ Domba Mihiniŋ gu bulak oŋ. Adikuyen

^a 1:21 Mebi indiiŋ doktiŋa Polofetnik yogiŋ. Mosesdi koom Yodoko Mede gineŋ indiiŋ yeniŋguk, ‘Bepaŋ Wapumhikdi polofetjiŋ nu napmeguk undiniŋgoŋ kamehambaak.’

^b 1:27 Gilik mede gineŋ indiiŋ youkiŋ, “Nu aindiniŋdi kayoŋnamokopŋiŋ diniŋ tawa kwihikulimindok tuwot moŋ.”

kwetfoloŋ metam'walaŋ kadakaninŋhik tumolokulaak. ³⁰Nu me wondegoŋ indiŋ haniŋgut, 'Me mindaŋ bulak adi nu mu mintagutneŋ hatiguk doktiŋa adi nu nalakapmeŋ tilak.' ³¹Nu na koom mu nadidakalemiŋgut iŋgoŋ Isilae metam indi daunik gineŋ mintadakaledok yoŋa Imeyout kwanai tububihikut."

³²Unduŋ yoŋa netok indiŋ yeniŋguk, "Nu yali kawene Uŋgoŋiŋ Munabulidi kunum gineniŋ butigili wele tiŋa fooŋ Jesu foloŋ ikuk. ³³Nu na hogok me u tuwot mu nadidakalemimbe tugut iŋgoŋ me naniŋkut tuguk adi indiŋ naniŋguk, me niŋ Imeyout timimbaaŋ kaŋ Uŋgoŋiŋ Munabulidi adi foloŋ founē kawaŋ adi kuyeŋ metam Munabulidi youyembaak. ³⁴Nu adi uŋakoŋ kaŋgut doktiŋa mebiŋiŋ indiŋ hanilat, adi Bepaŋ Mihiniŋ."

Mehekidi tububihila Jesu adi Kilisto u kakiyondaŋ kelegiŋ

³⁵Heleune Jon adi mihiniŋyat lufom dut noŋgoŋ yaŋiŋ ³⁶ala Jesu buŋa uune kaŋ yeniŋguk, "Bepaŋ'walaŋ Domba Mihiniŋ gu kademek."

³⁷Unduŋ yenimbune nadiŋa meyat u Jesu kelegumuk. ³⁸Kaŋ Jesudi udaneŋ yaŋuŋa yeniŋguk, "Hidi maŋgoŋ kaliŋ bamuk?"

Unduŋ yenimbune yogumuk, "Hinale, du yot daŋ itoulaŋ?"

³⁹Unduŋ ninadigumuk kaŋ yeniŋguk, "Buŋa kademek." Mele agaŋ fofōŋ tibe tulune yenianagila ugiŋ. Wooŋ kaŋ uŋgoŋ noŋgoŋ iŋiŋ.

⁴⁰Meyat Jon'walaŋ mede nadiŋa kelegumuk adi'walaaniŋ niŋ adi wou Endulu, adi Saimon kwayaŋ. ⁴¹Kaŋ adi pilap wooŋ dali tubumintaŋ niŋguk, "Indi Mesiya agaŋ kamut." (Mesiya adi Gilik mede gineŋ Kilisto yoyagiŋ.)

⁴²Unduŋ niŋa Saimon nagila Jesu'walaŋ ugumuk kaŋ Jesudi Saimon kaŋ niŋguk, "Du adi Jon mihiniŋ ala wohoge Saimon iŋgoŋ kobuk adi wohoge Sifas ganilat." (U Gilik mede gineŋ Pita yoyagiŋ, mede mebi 'kawade hakat'.)

Jesudi tomboyoula me noli maŋ yaŋbukahileŋ kutiyeniŋguk

⁴³Unduŋ tiŋa iŋiŋ ala heleune Jesudi Galilide wene tiulidokoŋ wooŋ Filip tubumintaŋ niŋguk, "Du buŋa nehikeleweŋ." ⁴⁴(Filip tiŋa Endulu eŋ Pita adi Besaidahi.)

⁴⁵Ala Filipdibo wooŋ Nataniyel tubumintaŋ niŋguk, "Indi me koom Mosedi Yodoko Mede gineŋ medeŋiŋ youkuk eŋ polofet hekidi maŋ aditok mede youkiŋ u agaŋ kamun. Adi Josep mihiniŋ Jesu, Nasaletniŋ."

⁴⁶Nataniyeldi mede u nadiune tuwot mu tubune yoguk, "Nasalet uŋoŋ nemek fofōŋ kedembe mintawek."

Unduŋ yobu Filipdi niŋguk, "Unda buune noŋgoŋ wooŋ kadim."

⁴⁷Unduŋ yoŋa ugumuk, wooŋ Nataniyeldi Jesu hakukneŋ tubudulalune Jesudi kaŋ indiŋ yoguk, "Me yoŋ adi Isilae me foloŋ hinek. Weleŋ maaneŋ kadakaninŋ be yalaŋ nemu hatak."

48 Unduŋ yobune Nataniyeldibo ninadiguk, “Du deti nadinamulaŋ?”

Unduŋ ninadiguk kaŋ Jesudibo yoguk, “Du Filipdi mu wooŋ kutiganiŋak uŋaniŋ bem yooŋneŋ hatune gabuŋat.”

49 Unduŋ yoguk kaŋ Nataniyeldibo niŋguk, “Hinale, biyagoŋ hinek, du adi Bepaŋ Mihiniŋ, Isilaehi’walaŋ mapme.”

50 Unduŋ nimbune Jesudibo yoguk, “Du bem yoonerŋ gabuŋat yoot wendok-kube tiŋa nadisukilitilaŋ? Kudi kobuk mintaraŋak i kuyaniŋ-kabe kaŋaŋ. Ingoŋ oŋ, kougoŋ adi kudi wapuhi hinek mintatawaak kaŋ yabaanŋ.”

51 Unduŋ yeniŋa tomboyoula indinŋ yeniŋguk, “Nu biyagoŋ hinek hanilat, hidi kunum dilitombune Bepaŋ’walaŋ aŋeloŋiye Me Kobumuŋ’walaŋkade loŋatfoŋat tubune yabunerŋ.”

Jesudi kunumneniŋ kudi saŋiniŋnit timentimeŋ hinek tuguk

2 ¹Helebufa lufom dapmaune Galili kwet wapum Kana yokwetneŋ metam lufomdi kohokukut tubune hinaŋ wapum tigiŋ.^c Nai uŋaniŋ Jesu miŋ ²er Jesu tiŋa mihiniŋiye adi maanŋ wooŋ nananeŋ noŋgoŋ nanandok yenimbu ugiŋ. ³Wooŋ nananeŋ nananŋ hatiŋa wain nadapmagiŋ kaŋ Jesu miŋdi yoguk, “Wain agaŋ dapmalak.”

⁴Unduŋ nimbune Jesudi yoguk, “Du nemenemek titiŋdok mu nanimberŋ. Nu’walaŋ nai kougoŋ mintawaak.”

⁵Unduŋ nimbune Jesu miŋdi tipilapilaye-metam indinŋ yeniŋguk, “Hidi Jesudi mede hanimbek wondok tuwot keleŋ tineŋ.”

⁶Nai uŋaniŋ yot uŋoŋ kwetkabet kweheyeŋi ⁶boigiŋ, u Judame heki nehi’walaŋ titiŋhik keleŋ kohoyoutet titiŋdok yoŋa boiune ikagiŋ. Kwetkabet u kuyahi moŋ, wapuhi hinek.^d ⁷Ala Jesudi tipilapilaye-metam yenimbune ime gilaŋa buŋa kwetkabet wapuhi gineŋ utokotaugiŋ. ⁸Kaŋ yeniŋguk, “Agaŋ ale neeŋ gila wooŋ me hinamuni kadokolak mimbune naanŋ kawek.”

Unduŋ yenimbune ime wain mintaguk u gila wooŋ mimbune ⁹naanŋ wain deŋaniŋ buguk u mu nadiguk. Tipilapilaye metam heki adi agaŋ nadigiŋ ingoŋ adi mu nadiguk doktiŋa me kohokukut tuguk u kutinimbu buune niŋguk, ¹⁰“Me hinamuni tiŋiŋ adi metam timeŋ wain kobahi yembu naanŋ kabe-nadibubuyeune mindanŋ wain hogohi yemiŋ kaŋ naiŋ, ingoŋ du deti wain fofooŋ i kamehebi hali kobugoŋ ti bulaŋ.”

¹¹Jesu adi Bepaŋ kunumneniŋ’walaŋ kudi miŋgoŋ tububihila tubune mintadakaleguk. Kudi i yokwet wapum Kana, Galili kwetneŋ uŋoŋ tuguk. Nai uŋaniŋ saŋiniŋniŋ miŋgoŋ mintaune mihiniŋyedi kaŋ nadisukilitimiŋgiŋ.

^c 2:1 Judahi’walaŋ titiŋ indinŋ: Adi metam kobutdi kohokukut tubune mindanŋkade hinaŋ wapum tagiŋ.

^d 2:6 Kwetkabet kubugoŋ u kalasin palastik 30 be 40 unduŋdi ugoloune tokowek. Bombonŋi mede gineŋ 75 be 100 lita yoiŋ.

¹²Unduŋ tiŋa Jesu adi miŋ kwayaniye eŋ mihiniye dut Kafanaumde wooŋ helebufa noli uŋgoŋ hatigiŋ.

Kigili mede youkudip gineŋ hakuk u folooŋ Jesudi tubumintaguk
(*Matiyu 21:12-13; Mak 11:15-18; Luk 19:45-46*)

¹³Aŋelodi Yabukiyondaanŋ Yalakapmeguk diniŋ hinamuni^e titiŋdok nai dulaune Jesu adi maanŋ Jelusalemde loguk. ¹⁴Loonŋ kaune Silonŋyot diniŋ hamuhe gineŋ metamdi makau, eŋ dompa, eŋ butigili heki boiŋa kibikibi tigiŋ kaŋ metam noli kweetniŋ bugiŋdi muneenŋhik moŋgola falik foloŋ boiŋa tubudidimeenŋ Judahi'walaŋ muneenŋ begiŋ.^f ¹⁵Unduŋ tigiŋ kaŋ Jesu adi yabuŋa tawa moŋgola bilibet tubune kwadi mintaune woŋgoŋ kale heki widihi yehikeleune fakanŋ fougiŋ. Tiŋa falik heki kwatapene moŋgoloune muneenŋ makwanegiŋ. ¹⁶Kaŋ me butigili boiyakiŋ u indiŋ yeniŋguk, “Bomboŋhik moŋgola founeŋ. Batne'walaŋ yoli i kibikibi yot mu titiŋdok.”

¹⁷Unduŋ yobune mihiniye adi Youkudip Mede indiŋ yolak u naditomgiŋ, “Nu yokedok nadiwe uŋgoniŋ tilak doktiŋa uŋgoniŋ unduŋoŋ hahatdok gigne tilat.”

¹⁸Jesudi unduŋ tubune Judame heki'walaŋ talitimenŋ hekidibo indiŋ tubu-udaneenŋ niŋgiŋ, “Du unduŋ tilaŋ doktiŋa Bepaŋ'walaŋ kudi neenŋ tubune gabaŋa nadine biyagoŋ du kwanai wendegoŋ ganindapmagiŋ unduŋ tibek.”

¹⁹Unduŋ yogiŋ kaŋ Jesudibo yeniŋguk, “Bepaŋ'walaŋ yot i uyakulune nu helebufa lufomkulitniŋ maaneŋ kedem tubupilalaat.”

²⁰Yenimbu mede fafaŋeniŋ indiŋ niŋgiŋ, “Wapmuhiniye adi gulet 46 unduŋ kaŋ Silonŋyot i madapmagiŋ iŋgoŋ du melenai lufomkulitniŋ maaneŋ hogok kedembe tubupilalaanŋ yo yolaŋ?”

²¹Jesu adi ne sigiŋ gitnemdok nadiŋa yoguk. ²²Ala kougoŋ kumuŋ gineŋ kaikaanŋ pilalu mihiniye adi mede u nadidakaleenŋ Youkudip Mede eŋ Jesu ne mede yoguk u nadisukilitigiŋ.

Jesu adi kadapmaŋ molom

²³Aŋelodi Yabukiyondaanŋ Yalakapmeguk diniŋ hinamuni Jelusalem kwetneŋ ha tigiŋ nai uŋaniŋ Jesu adi Bepaŋ kunumneniŋ'walaŋ kudi mebimebi tubune metamdi kaŋ nadisukilitimiŋgiŋ. ²⁴Tiŋa Jesu adi welehiŋ maaneŋ agaŋ yabunadidapmaguk doktiŋa mu nadisukilitiyemguk. ²⁵Nebek niŋdi adi'walaŋ mebihiŋ Jesu ninindok tuwot moŋ. Maŋgoŋde, woŋadi agaŋ ne yabunadidapmaguk.

^e 2:13 Hinamuni u bomboŋgi mede gineŋ Pasova yoyagiŋ. ^f 2:14 Metam Bepaŋ'walaŋ feknit mokit heki'walaŋ muneenŋ adi kadakaniŋnit yoyagiŋ doktiŋa Silonŋyotneŋ moŋgo fofonŋdok kamehep hatiguk. Unduŋ doktiŋa adi'walaŋ muneenŋ moŋgola buŋa tubudidimeenŋ Judahi'walaŋ muneenŋ beŋa wooŋ Bepaŋdok siloŋ tagiŋ.

Bepañ'walañ Hatihati Uñgoniñ u dedinñ tiña kahiledok mede

3 ¹Falisi heki'walaaniñ me nohik niñ hatiluguk wou Nikodimas.

Adi Judame heki'walañ me talitimenñ wapum maañ hatiluguk.

²Ala heleniñ timiñ wooñ Jesu kañ niñguk, “Hinale, indi mebige agañ nadiyam. Nebek niñdi ne hogok hatiña du Bepañ kunumneniñ'walañ kudi tilañ undiniñ tuwot mu tibetik, doktiña Bepañdi hinale gapmeune buguñ u agañ nadiyam.”

³Unduñ yoguk kañ Jesudibo niñguk, “Nu biyagoñ hinek ganimbe nadiweñ. Nebek niñdi mintaminta kobuli mu mintawaak adi Bepañ'walañ hebeñ gineñ Hatihati Uñgoniñ tuwot mu kahilewaak.”

⁴Yobune Nikodimasdi sukule tiña indinñ yoguk, “Kei! Me agañ bedinaditom tiñ undihidi dedinñ tiña kotigoñ mehiye welehiñ maanenñ foñ eyañ mintanenñ?”

⁵Unduñ yoguk kañ Jesudibo indinñ tubu-udanemiñguk, “Biyagoñ hinek ganilat. Nebek niñdi ime eñ munabuli gineñ kobuli mu mintawaak adi Bepañ'walañ Hatihati Uñgoniñ mu kahilewaak. ⁶Mede wendiniñ mebi indinñ. Kwetfoloñ me'walaaniñ mintalak adi yadi meeniñ. Eñ Munabuli'walaaniñ mintalak adi yadi munabuli. ⁷Nu eyañ nabugoñ kotigoñ mintañ Hatihati Uñgoniñ kahiledok mede ganilat i nadiña boho mu tibeñ. ⁸Sububadi kaka feditak. Kañ du gigilitiñ nadilañ, iñgoñ deñandiñ tububihila bulak be deñandiñ wooñ dapmalak u mu kalañ. Metam Munabulidi yehitubu-mintalak adi'walañ mebihik undihi kuyoñ.”

⁹Unduñ yobune Nikodimasdi indinñ tubu-udanemiñguk, “U dedinñ tiña unduñ tibek ou!”

¹⁰Yobune Jesudi niñguk, “Du Isilaehi'walañ hinale wapum iñgoñ deti mu nadidakalelañ! ¹¹Biyagoñ hinek ganilat. Indi nemek kagumun be nadiyam wendiniñ mede yoyam iñgoñ hidi adi nadihanjinda tiñ. ¹²Hidi nemek kwetfoloñ diniñ mede yobene mu nadisukilitiñdi dedinñ tiña kunum gineñ nemek hebihat tilak wondok yobene kadem nadisukilitineñ? ¹³Tiña nebek niñdi kunum gineñ nemu loguk, mokoñ. Toboniñ Me Kobumuñ adi kunum gineniñ foguk.

¹⁴“Mosesdi koom kwet fiileñ uñoñ mingembet welewele tiñaloñ kambiyakuk undugoñ Me Kobumuñ adi mañ tiñaloneñ. ¹⁵Unduñ tubune nediyeñ nadisukilitimimbaak adi hatihati dapmandapmañnit mokit kahilewaak.

¹⁶“Bepañ adi metam welenñdi hinek yabukahileguk doktiña Mihiniñ kubugoñ hinek kameu foguk. Adi unduñ tuguk doktiña metam adi nadisukilitimineñ hogohogok adi kadaka tiña fiit mu tineñ, adi tobo hatihati dapmandapmañnit mokit kahileneñ. ¹⁷Unduñ doktiña Bepañ adi Mihiniñ kwetfoloñ iñoñ kameu foguk adi metam mede gineñ yapmeenñ yehitubu-kadaka titiñdok mu yonja kameu foguk.

Adi tobo yehitubu-loda titiŋdok yoŋa kameu foguk. ¹⁸Nebek niŋ adi-Mihiŋiŋ nadisukilitimilak aditok adi mede yodapmaŋ nai gineŋ kibikoŋ malabumuŋ hekidok mu nindapmawaak. Eŋ nebek niŋ adi Bepaŋ Mihiŋiŋ mu nadisukilitimimbaak aditok adi kibikoŋdok mede agaŋ yodapmaŋit hatak. Maŋgoŋde, adi yadi Bepaŋ Mihiŋiŋ kubugoŋ hinehinek adi'walaŋ wou mu nadisukilitilak doktiŋa malabumuŋ hekiwaaak.

¹⁹“Kibikoŋ diniŋ mebi adi indiiŋ; Bepaŋ'walaŋ hautadi kwetfoloŋ mintaguk iŋgoŋ metam adi titiŋhik hogohi doktiŋa hauta gineŋ uuŋdok lakata tiŋa mambip gineŋ hatidok nadigiŋ. ²⁰Nebek niŋ kadakaniiŋ tilak adi hatihatiiŋiŋ diniŋ mebi mintadakalewaaakneŋ yoŋa hauta kaŋ muntaaŋ tabamiŋ tilak. ²¹Me nediyen mede biyagoŋ nadiŋa keleen hatibaak adi hauta gineŋ hatibaak. Unduŋ tiŋa titiŋiŋdi Bepaŋ'walaŋ maŋiŋ mede tagimneen hatilak unduŋ mintadakalewaaak.”

Jon Imeyout Tububihit dut Jesu'walaŋ mebihik

²²Unduŋ tiŋa hatiŋa Jesudi mihiŋiŋye yahaŋeen yokwet biŋa Judiya magimagineŋ uguŋ, wooŋ adut hatiŋa Imeyout kwanai tigiŋ. ²³Adi unduŋ tulune Jon maŋ undugoŋ Inon, Selimkade uŋoŋ ime fee doktiŋa metam feedi uune Imeyout kwanai tiyemguk. ²⁴(Jon yot fafaŋeniŋneŋ mu kamegiŋneŋ, nai uŋaniŋ kwanai u tuguk.)

²⁵Jon mihiŋiŋye noli adi Judame niŋdut Imeyout tali dediiŋ gineŋ tiŋa Bepaŋ'walaŋ namanda foloŋ uŋgoŋiŋ hatidok wendok siwenegiŋ. ²⁶Siweneen Jon'walaŋ wooŋ yogiiŋ, “Hinale, du Jordan ime guŋandiŋ hatibune me niŋ gehitubu-mintaune adi'walaŋ mebi ninindakaleguŋ, adi nai indidegoŋ Imeyout kwanai tubune metam feedi adi'walaŋkade uune Imeyout tiyemulak.”

²⁷Unduŋ yogiiŋ kaŋ Jondibo yeniŋguk, “Nebek niŋdi nemenemek ne tuwot mu moŋgotak, Bepaŋdi mimbune kedem moŋgotak. ²⁸Nu koom indiiŋ haniŋgut, hidi u agaŋ nadiiŋ. ‘Nu adi Kilisto moŋ, nu adi gigitiiŋ yohautadok hogok.’ ²⁹Me nediyen tam titiŋdok gigit nimbu hatilak adi tam tubune me neen gebiiŋ yalimilak adi nadifo tilak. Nu nadifo undiniŋ agaŋ mintanamulak. ³⁰Adi'walaŋ wougigitdi lowek kaŋ nu'walaŋ fofonit tibek.”

Jon Imeyout Tububihitdi Jesu'walaŋ mebi yodakaleguk

³¹Jondi unduŋ yoŋa indiiŋ tomboyoula yeniŋguk, “Me kunum gineniŋ adi yadi loloŋnit hinek tilak kaŋ metam hogohogok adi fofonit tiŋ. Tiŋa me kwetfoloŋniŋ adi kwetfoloŋ nemenemek mintalak wondok yolak, kaŋ me kunum gineniŋ foguk adi yadi metam hogohogok yalakapmedapmaŋ loloŋnit hinek tilak.” ³²Tiŋa adi nemenemek kunum gineŋ kaŋ nadiguk

§ 3:31 ‘Me kunum gineniŋ’ adi Jesu, eŋ ‘me kwetfoloŋniŋ’ adi Jon Imeyout Tububihit.

u yolak kaŋ metamdi medeŋiŋ mu nadimiin. ³³Kaŋ nebek niŋdi medeŋiŋ nadiŋa nadidahi tilakdi Bepaŋ'walaŋ mede biyagoŋ yoŋa hatilak. ³⁴Bepaŋdi Mihiniŋ kameu buguk u Munabuli dapmandapmaŋnit mokit milak doktiŋa Bepaŋ'walaŋ medeŋiŋ uŋakoŋ yolak. ³⁵Tiŋa Beudi Mihiniŋdok uŋgoŋiŋ hinek nadimiŋguk doktiŋa nemenemek hogohogok adi kohoŋ gineŋ mindapmaguk. ³⁶Unduŋ doktiŋa nebek niŋ Mihi nadisukilitimilak adi yadi hatihati dapmadapmaŋnit mokit u agaŋ indidegoŋ kahileŋ hatilak, eŋ nebek niŋ Mihi medeŋiŋ mu nadiwaak adi yadi hatihati mu kahilewaak, tobo Bepaŋ'walaŋ kwihitadi adut haliwoon halaak.”

Samaliyaniŋ tamdi Jesu adi wapumŋiŋ u kadakaleguk

4 ¹Falisi heki adi Jesu'walaŋ kahat indiiŋ nadigiŋ. Adi metam fee yahaneŋ Jon kalakapmeŋ Imeyout kwanai tilak. ²Iŋgoŋ folooŋ hinek adi Jesu ne mu tuluguk, adi mihiniyedi youyemagiŋ. ³Unduŋ yogiŋ kaŋ Jesudi mede u nadiŋa Judiya kwet bikabuŋa Galilide udaneŋ uguk. ⁴Unduŋ tiŋa wooŋ Samaliya talik keletawooŋ ⁵Saika yokwet u Samaliya kwet lekiŋgoŋ hakukneŋ uŋoŋ wosuwiguk. Kwet woŋ adi Jekopdi mihiniŋ Josepdok nindapmaguk. ⁶Ala Jesu adi talik uge uge mele lekiŋgoŋ tubune gweheyeŋ Jekop'walaŋ Ime Bom gagayeŋ uŋgoŋ ikula tulune ⁷⁻⁸mihiniye adi nanaŋ tuwane yokwet maaneŋ ugiŋ. Kaŋ Samaliya tam niŋ adi ime gilene buguk kaŋ Jesudi niŋguk, “Ime neŋ gitnambu nawit.”

⁹Unduŋ niŋguk kaŋ Samaliya tamdibo niŋguk, “Du Judame kaŋ nu Samaliyaniŋ, iŋgoŋ deti nu ime gikambit yoŋa nanilaŋ?” (Nai uŋaniŋ Judame heki adi Samaliyahi dut not momooŋgoŋ mu tagiŋ.)

¹⁰Unduŋ yobune Jesudibo niŋguk, “Du Bepaŋ siloŋniŋ diniŋ mebi, be me imedok ganilat nu'walaŋ mebine u maŋ mu nadidakalelaŋ. U nadidakaleluweŋ binek adi dubo naninadiune nubo ime hatihatinit gamuliwit.”

¹¹Unduŋ niŋguk kaŋ tamdibo niŋguk, “Wapum, ime bom i fuliŋmamaŋ hinek kaŋ du ime toutge nemoŋ, iŋgoŋ hatihati diniŋ ime mayeŋ gile yolaŋ? ¹²Ime bom yadi koom Jekop tiŋa mihiniye eŋ kale makauniye dut nayagiŋ ala inditok niŋguk. Ale du Jekop kalakapmeŋ kedembe ime niŋ tubumintawit yo yolaŋ?”

¹³Unduŋ yoguk kaŋ Jesudibo niŋguk, “Nebek niŋ ime i nawaak adi yadi maŋiŋ kotigoŋ galiwaak, ¹⁴eŋ ime nu mimbit adi naaŋ welaŋ maaneŋ ime dawineŋ sila bulak undiniŋ naŋgatnit mokit haliuluwaak. Kaŋ ime wendigoŋ hatihati tubumintamimbaak doktiŋa imedok kotigoŋ mu nadiwaak.”

¹⁵Unduŋ niŋguk kaŋ tamdibo yoguk, “Wapum, ime u nambu naaŋ kotigoŋ imedok mu nadiluwaat eŋ ime kaliŋ iŋoŋ kotigoŋ mu buluwaat.”

16 Unduŋ nimbune Jesudibo yoguk, “Wooŋ yohoge niŋa kotigoŋ budemek.”

17 Nimbune tamdibo yoguk, “Nu yohone moŋ.”

Unduŋ yoguk kaŋ Jesudibo niŋguk, “Du yohoge moŋ u biyagoŋ hinek yolaŋ. 18 Iŋgoŋ du me yokunathik kohofukuŋ tibiŋtibiy tugoŋ, tiŋa me kobuk hatiyamuk adi du’walaŋ yohoge moŋ doktiŋa u biyagoŋ hinek nanilaŋ.”

19 Unduŋ yobune tamdibo yoguk, “O wapumne, nu kamiŋ gabunadi-dakalelat. Du polofet. 20 Ale kedembe nanimbu nadiwit. Koom wapuhiniye adi kweboboe yendok foloŋ bopneej Bepaŋ niutumbadok niniŋgiŋ, iŋgoŋ Judame hidi yadi Jelusalem uŋoŋ bopneej niutumbadok yoiŋ.”^h

21 Unduŋ yobune Jesudibo niŋguk, “Biyagoŋ hinek indiŋ ganilat. Nai niŋ baakneŋ uŋoŋ hidi kweboboe yeŋdok be Jelusalem uŋoŋ bopneej Bepaŋ mu niutumbaneej. 22 Tiŋa Samaliyahi hidi mu nadidakaleej niutumbaiŋ iŋgoŋ tutumbatutumba u Judahi indi’walaŋ mintaguk doktiŋa indi agaŋ nadidakaleej niutumbayam. 23 Nai niŋ agaŋ dulalak uŋoŋ Bepaŋ’walaŋ kayoŋbopŋiye hinek adi Bepaŋ folooŋ hinek nadidakaleej welehikdigoŋ hinek niutumbaneej. Bepaŋ adi metam undihidok nadiyembune utumba tilak. 24 Bepaŋ adi Munabuli doktiŋa metam adi Munabuli’walaŋ saŋiniŋ foloŋ biyagoŋ hinek niutumbayaneej.”

25 Unduŋ yoguk kaŋ Samaliya tamdibo niŋguk, “Nu Kilistoⁱ baak u agaŋ nadilat ale adi buŋa nemenemek hogohogok kedem ninindakalewaak.”

26 Kaŋ Jesudibo niŋguk, “Mede ganilat nu na iŋakoŋ.”

Samaliyahi metam feedi Jesu nadisukilitimiŋgiŋ

27 Jesu adi Samaliya tam dut unduŋ ha-yolu mihiŋiye adi udaneej buŋa yabuŋa boho tigiŋ. Tiŋa mihiŋiyedi Jesu “Tam u maŋgoŋdok ninadilaŋ,” be “Dediŋ doktiŋa ninadilaŋ,” unduŋ ninadidok nadibedi tiŋa wabi tigiŋ.

28 Kaŋ tam u imetoutŋiŋ uŋgoŋ kameej kiyaneej yokwet maaneŋ wooŋ metam indiŋ yeniŋguk, 29 “Ai! Hidige! Me i nu nemenemek koom tugut be kobuk tilat hogohogok u nanimbihitak doktiŋa Kilisto uŋakoŋ binek, ale buŋa wooŋ kanej.” 30 Unduŋ yobune metamdi yokwet bikabuŋa Jesu kane ugiŋ.

31 Adi unduŋ tulune Jesu adi mihiŋiyedi nanaje neej nawej yoŋa niŋgiginegiŋ.

32 Kaŋ yeniŋguk, “Nu nanajene niŋ hatnamulak u hidi mu nadiiŋ.”

^h 4:20 Kweboboe yoguk u wou Gelasim. Ala ime bom kweboboe hapmeneŋ uŋgoŋ hatuguk.

ⁱ 4:25 Samaliya tam adi Kilisto ej Mesiya yoguk.

³³Unduŋ yeninguk kaŋ mihinŋiye adi nehi uŋgoŋ yonadiŋa yogiŋ, “Nanaŋe nebek neeŋ bidak moŋgola buŋa miŋjit.”

³⁴Unduŋ yogiŋ kaŋ Jesudi u nadiŋa yeninguk, “Me napmeune fogot adi’walaŋ maŋiŋ tagimneeŋ kwanai titawooŋ tubudapmawaat wendi nanaŋene folooŋ. ³⁵Hidi indiŋ yoiŋ: muyakip lufolufom dapmaune nanaŋe folooŋ mintawaak. Iŋgoŋ nu indiŋ hanilat, dinina gineŋ baigoŋ hinek diwekaneeŋ. Nanaŋe adi agaŋ kita tiŋj.^j ³⁶Me moŋgoboi tilak adi tuwaŋiŋ agaŋ moŋgotak eŋ nanaŋe folooŋ wendi hatihati fafaŋeniŋdok gigit tibaak. Kaŋ me diniyeti tilak be me moŋgoboi tilak adi wanaŋ nadifo tidemeek.^k ³⁷Doktiŋa mede indiŋ yoiŋ u biyagoŋ, me niŋdi diniyeti tubune me niŋdi moŋgoboi tilak. ³⁸Hidi kwanaimiŋ mu tigiŋ iŋgoŋ nolidi kwanaimiŋ tubune mintagukneeŋ wooŋ moŋgo bopnedok yoŋa haniŋkutat.”

³⁹Kaŋ Samaliya tamdi yolineeŋhi indiŋ yeninguk, “Nu nemek tugut be tilat u nanimbihidapmaŋak.”

Unduŋ yobune Samaliyahi feedi Jesu nadisukilitimiŋgiŋ ⁴⁰doktiŋa uŋgoŋ hatidok niŋgiŋ kaŋ adut melenai lufom hatiguk.

⁴¹Uŋoŋ hatiŋa gigitmede yenimbune metam noliyeŋ maŋ nadisukilitimiŋgiŋ, ⁴²tiŋa tam u niŋgiŋ, “Koom du’walaŋ kahatge doktiŋa nadisukilitigumun, iŋgoŋ kobuk adi inde ne maŋiŋ gineŋ hinek mede foune nadihinakayam. Tiŋa adi biyagoŋ hinek kwetkwet hogohogok metam hatiyam indi’walaŋ Tubulodanik.”

Kiap niŋdi Jesu’walaŋ medeŋiŋ nadisukilitiune mihinŋiŋ kedebaguk

⁴³Hele lufom dapmaune Jesu Galilide uguk. ⁴⁴Tiŋa Jesu ne koom indiŋ yoguk, “Polofet ne yolikwelineŋ adi nintiloloŋ mu tiŋj.”

⁴⁵Iŋgoŋ Galili wosuwaune metam adi koom Jelusalem uŋoŋ Aŋelodi Yabukiyondaŋ Yalakapmegukdok hinamuni nai foloŋ bopneune Bepaŋ kunumneniŋ’walaŋ kudi mebimebi tubu kagiŋ doktiŋa uŋoŋ uune niutumbagiŋ.

⁴⁶Kaŋ Jesu adi kotigoŋ Kanade uguk. Adi koom yokwet uŋoŋ mede yobune imedi wain mintaguk. Ala uŋoŋ uune kiyap niŋ adi mihinŋiŋ niŋ yagit kisaŋ hinek tiŋa Kafanaum uŋoŋ hakuk. ⁴⁷Ala adi Jesu Judiya kwet agaŋ bikabuŋa Galili kwetneeŋ wosuwaguk nadiŋa wooŋ kaŋ indiŋ ninadiguk, “Mihine kumuŋ tibe tilak ale kedembe wooŋ tubukedebaweeŋ?”

⁴⁸Unduŋ ninadiguk kaŋ Jesudibo niŋguk, “Hidi adi nadisukiliti tifit tifit mu tiŋj. Adi nemek kudi folooŋ u dauhikdigoŋ kaŋ medene nadisukilitinamiŋj.”

^j 4:35 Dinina adi kwetfoloŋ metam hogohogokdok kamekaŋ yolak. Eŋ nanaŋe kita tiŋj woŋ adi metam Jesu nadisukilitimindok tiŋj wendok kamekaŋ yolak. ^k 4:36 Me moŋgoboi tilak adi yadi nebek metam yehitubu-lodaune nadisukiliti tiŋj wendok kamekaŋ yolak.

⁴⁹Unduŋ yobune kiyapdibo niŋguk, “Wapum, mihine agaŋ kumumbe tilak ale fiit buune udim.”

⁵⁰Unduŋ nimbune Jesudibo yoguk, “Kedem ale weŋ. Mihige agaŋ kedebaŋak.”

Unduŋ nimbune me u Jesu medeŋiŋ nadisukilitiŋa udaneen uguk.

⁵¹Talipmeŋ ulune tipilapilaye mihiniye adi mede tiŋa buŋa tubumintaan niŋgiŋ, “Mihige agaŋ kedebaŋak.”

⁵²Unduŋ nimbune adibo yeninadiguk, “Maŋgoŋ nai foloŋ kedebaŋak?”

Yeninadiguk kaŋ “Kwe 1 kilok tebele kedebaŋak,” niŋgiŋ. ⁵³Kaŋ me u Jesudi nai uŋaniŋgoŋ hinek, “Mihige agaŋ kedebaŋak” niŋguk u naditomguk. Tiŋa ne’walaŋ naŋgat dikiniye eŋ adut itougiŋ adi wanaŋ Jesu nadisukilitimiŋgiŋ. ⁵⁴Jesudi Judiya kwetneŋniŋ udaneen Galili buŋa kudi u tubune nai lufom tuguk.

Jesudi me niŋ Betesida imeguŋguŋ gagayeŋ tubukedebaŋak

5 ¹Unduŋ tiŋa hatigene Judame heki’walaŋ gulet wapum niŋ dulaune Jesu adi Jelusalemde loguk. ²Uŋoŋ looŋ yeme niŋ wou Domba Yeme gagayeŋ uŋoŋ imeguŋguŋ niŋ hatuguk wou Betesida. Ala imeguŋguŋ gagayeŋ walanda kohofukuŋ tigiŋ. ³Ala uŋoŋ metam yagithinit feedi deihakagiŋ. Yagit indih: dauhik sipmakahi, kayohik kumuhi eŋ foloohik gweheyeŋi. Undihidi ime mede tobune nadiŋa fofonŋdok woom hakagiŋ ⁴ala Wapum’walaŋ aŋelo niŋdi nai indigoŋ imeŋgwaŋ gineŋ foŋ ime utoluguk. Utolune nediyeŋ nadiŋa timen foluguk adi yagitiŋiŋ kedebaluguk.

⁵Nai uŋaniŋ me niŋ folooŋ kumuŋ tubu hatibune gulet 38 wondok tuwot tuguk. ⁶Adi uŋgoŋ deihatu Jesudi wooŋ kaŋ yagit u tihatibu gulet unduŋ dapmalak u agaŋ nadiŋa indin ninadiguk, “Du maŋbe kedebawe nadilaŋ?”

⁷Unduŋ ninadiune me kada yendi niŋguk, “Wapum, nedi mehinetneyeŋ adi ime mede tobu nadiŋa nanagila ime gineŋ nehifulawek? Moŋ doktiŋa na fowit yo nadilat iŋgoŋ nolidi nalakapmeen foŋiŋ.”

⁸Unduŋ yobune Jesudibo niŋguk, “Pilali gulupge ulaŋa weŋ.”

⁹Nimbune nai uŋaniŋgoŋ me u kedebaŋ pilali gulupniŋ ulaŋa uguk.

¹⁰Bepaŋ’walaŋ kudi u Sabat nai foloŋ tuguk kaŋ Judame heki’walaŋ talitimeŋdi me kedeba tuguk u kaŋ niŋgiŋ, “Kamiŋ adi Sabat kaŋ Yodoko Medenikdi kwanai mu titiŋdok yolak iŋgoŋ du deti gulupge ulaŋa bulaŋ?”

¹¹Niŋgiŋ kaŋ adibo yoguk, “Me nehitubu-kedeba tiŋakdi gulupne ulaŋa uŋdok naniŋak doktiŋa ulaŋa bulat.”

¹²Yoguk kaŋ ninadigiŋ, “Me wou neeŋdi ganimbu tilaŋ?”

¹³Ninadigiŋ iŋgoŋ metam fee yalu Jesu adi baŋamhik gineŋ wooŋ uguk doktiŋa nediyeŋ tubukedebaŋak u mu nadiguk.

¹⁴Unduŋ tiŋa kougoŋ Jesudi me kedeba tuguk u Silonyot wawalineŋ kaŋ niŋguk, “Agaŋ kedebaŋaŋ ala tigene malabumuŋ wapum kotigoŋ mintagambaakneŋ doktiŋa kadakanieŋ kotigoŋ mu tuluwaaŋ.”

¹⁵Unduŋ nimbune me u Jesu nai uŋanieŋ kadakaleeŋ wooŋ Judame heki’walaŋ talitimeŋ indieŋ yenieŋguk, “Me nehitudu-kedebaŋak wou Jesu.” ¹⁶Unduŋ yenimbune kwihita tiŋa Jesu Sabat foloŋ tubukedeba kwanai tilak yoŋa mik timine tigiŋ.

¹⁷Kaŋ Jesudi yenieŋguk, “Batne adi kwanai tomboyoutnit tilak doktiŋa nu maŋ undugoŋ tilat.”

¹⁸Mede u yenimbune Judame heki’walaŋ talitimeŋ adi nadiŋa agaŋ ulukumudok welehiŋ yout tuguk. U Sabat foloŋ kwanai tuguk wondok hogok moŋ, adi Bepaŋ u ne’nieŋ beu hinek yoguk wondoktiŋa Judahi’walaŋ talitimeŋ heki adi nadiune Jesu adi Bepaŋ dut wanawanaŋ tamuk yobune ulukumune yogiŋ.

Jesu adi beudi kwanai titiŋdok saŋinieŋ miŋa nindapmaguk

¹⁹Unduŋ yogiŋ kaŋ Jesudi indieŋ tubu-udaneŋ yenieŋguk, “Nu biyagoŋ hinek hanimbe nadiŋeŋ. Mihi adi ne nadinadiŋieŋ gineŋ nemenemek hogohogok tuwot mu tibek. Baŋdi tubune kaŋ tilak. Adi dedieŋ tilak undugoŋ hinek Mihidi maŋ tilak. ²⁰Tiŋa Baŋ adi welenŋdi hinek Mihieŋiŋ kahilelak doktiŋa nemenemek ne tilak u Mihieŋiŋ nimbune kadapmalak. Tiŋa nemenemek i kaiŋ hogok moŋ. Kougoŋ wapum hinek tubune hidi kaŋ boho tineŋeŋ. ²¹Eŋ Baŋdi me kumuŋ gineneŋ yehitudu-pilali hatihati yemulak undugoŋ hinek Mihidi adi be adi tubupilali hatihati mimbe nadiŋa kedem tibetik. ²²Be Baŋdi metam kibikoŋdok mede mu yenindapmalak, kwanai u adi Mihi kohoŋ gineŋ kameguk. ²³Unduŋ tubune metam adi Baŋ nintiloŋiŋ undugoŋ Mihi maŋ nintiloneŋeŋ. Unduŋ doktiŋa nebek nieŋ Baŋdi Mihi kameu buguk u mu nintilolak adi yadi Baŋ maŋ mu nintilolak.

²⁴“Biyagoŋ hinek hanimbe nadiŋeŋ: Nebek nieŋdi medene nadidahieŋa me napmeune bugut u nadisukilitimilak adi indidegoŋ hatihati fafaŋeŋ u kahilelak. Tiŋa adi kibikoŋdok gigit mu tiŋa kumuŋ sigilulum timieŋa hatihati fafaŋeŋdok gigit tibaak. ²⁵Tiŋa indieŋ maŋ nadiŋeŋ: Nai nieŋ agaŋ dulalak, uŋanieŋ kumuŋhinitdi Bepaŋ Mihieŋiŋ’walaŋ medeŋieŋ nadiŋa nadidahi tineŋ heki adi hatihati kahileneŋeŋ. ²⁶U Baŋdi hatihati diniŋ mebi tilak undugoŋ Mihidi hatihati diniŋ mebi titiŋdok yo nindapmaguk. ²⁷Adi Me Kobumuŋ hatilak doktiŋa metam’walaŋ mede yodapmaŋdok saŋinieŋ miŋa nindapmaguk. ²⁸Hidi mede u nadiŋa boho mu tineŋ. Nai nieŋ mintawaakneŋ me kumuŋ tigiŋ, meyoŋtneŋ hakiieŋ adi Mihi’walaŋ kutikutinieŋ u nadiŋa piladapmaneŋeŋ. ²⁹Me titiŋ kedem tigiŋ adi hatihati kahilenene pilatneŋeŋ, eŋ kadakanieŋ tigiŋ adi pilalune kadakanieŋhikdok kibikoŋ yenindapmawaak.”

Jesu beudi biyagoŋ kameu foguk u kwanaiŋiŋ gineŋ mintadakaleguk

³⁰“Nu na’walaŋ nadinadine gineŋ kwanai i tuwot mu tibit. Me napmeune bugut adi’walaŋ mede keleen mede yodapmandapmaŋ kwanai tilat. Tiŋa undugoŋ na’walaŋ nadinadine mu takalilat. Moŋ. Me napmeune bugut adi’walaŋ nadinadi takalilat doktiŋa kwanai u didimeŋgoŋ hinek tilat. ³¹Eŋ nu na mebine yodakalewit adi nadiune folooŋnit mokit tibek. ³²Unduŋ doktiŋa me niŋdi mebine kedeŋ yodakalelak. Unduŋ yobune nu me weŋ’walaŋ mede nadiwe folooŋnit tilak. ³³Hidi Jon ninadigiŋ kaŋ adi mede biyagoŋ hinek hanindakaleguk. ³⁴Nu kwetfoloŋ meeniŋdi mebine hanindakaledok mu nadiŋa yolat. Adi hide hatihati talik gineŋ yaliŋa hatidok yoŋa hanilat. ³⁵Jon adi kamaŋ dabugoŋ hautaguk kaŋ hidi hautaŋiŋ u nai muniniŋ-kabe kagalikaŋ hatigiŋ. ³⁶Jon adi nutok mede biyagoŋ yoguk. Kaŋ nemek niŋ maŋ Jon’walaŋ mede kalakapmeeŋ mebine miŋgoŋ hinek yodakalelak. Woŋ adi Baŋdi kwanaiŋiŋ tubudapmandok naniŋkulu fooŋ kwanaiŋiŋ tibe folooŋ mintaune Baŋdi napmeune fogut u miŋgoŋ mintadakalelak. ³⁷Tiŋa me Baŋ napmeu bugut ne maŋ mebine yobihitak. Hidi adi’walaŋ maŋiŋ medeŋiŋ mu nadiiŋ be namanda maŋ mu kaiŋ. ³⁸Tiŋa hidi me kameune buguk adi’walaŋ medeŋiŋ nadihaŋinda tiŋ doktiŋa medeŋiŋ welehiŋ maaneŋ mu hatak. ³⁹Hidi Youkudip Mede gineŋ hatihati fafaŋeniŋ kamehebigiŋ u kahileneem yoŋa hati kunatnadiiŋ, u nu iŋakoŋ. ⁴⁰Iŋgoŋ hidi yadi nu’walaŋkade buŋa hatihati kahiledok yo hanilat iŋgoŋ fiit mu nadiiŋ.

⁴¹“Nu adi kwetfoloŋ metamdi naniutumba titiŋdok mu nadilat. ⁴²Tiŋa hidi Bepaŋ welehikdigoŋ hinek mu kahileiŋ u mebihik agaŋ nadilat. ⁴³Nu adi Baŋ’walaŋ maŋiŋ mede tagimneeŋ fogut iŋgoŋ hidi fiit mu nadinamiŋ. Iŋgoŋ me niŋ ne nadinadiŋiŋde buŋa haniliwek binek adi nadimiyaneeŋ. ⁴⁴Hidi Bepaŋ’walaŋ youtumba mu nadiŋa kwetfoloŋ me dut kiniutumba titiŋdok hogok nadiiŋ, hidi undihidi deti nadisukilitineŋ?

⁴⁵“Tiŋa hidi indiŋ mu nadineŋ. Nu me Baŋ’walaŋ namanda foloŋ mede gineŋ haniŋkadaka tibaat. Nu adi moŋ. Mosesdi tibaak. Hidi adi’walaŋkade ulolokeneyam yoŋa tibitaŋ tiŋ doktiŋa ne haniŋkadakawaak. ⁴⁶Adi nutok mede uŋakoŋ youkuk doktiŋa hidi Moses’walaŋ mede biyagoŋ nadisukilitimine tigiŋ binek nu maŋ nadisukilitinamaneeŋ. ⁴⁷Iŋgoŋ hidi Moses’walaŋ mede mu nadisukilitiŋdi nu mede yolat u deti nadisukilitineŋ.”

Jesudi nanane kale foloŋ Bepaŋ kunumneŋ’walaŋ kudi tuguk

(Matiyu 14:13-21; Mak 6:30-44; Luk 9:10-17)

6 ¹Hatigene heleniŋ Jesu Galili Imeŋgwaŋ (Taibiliya yoyagiŋ) fokolok loguk. ²Kaŋ metam fee hinekdi yagithinit yehitubu-kedebau kayagiŋ

doktiņa keleen ugiņ. ³Kaņ Jesu adi mihiniye yahaņeen kweboboe foloņ looņ ikin. ⁴Nai uņaniņ Anjelodi Yabukiyondaan Yalakapmegukdok hinamuni titiņdok nai dulagak.

⁵Kaņ Jesu adi ila kaune metam fee hinek bulune yabuņa Filip niņguk, “Metam i nanaņe daņ tuwayemne nanen?” ⁶Jesu adi kougoņ dediņ tibek u agaņ nadiņa hogok niņkamanda tuguk.

⁷Unduņ ninadiguk kaņ Filipdibo yoguk, “Metam hogohogok i yemtoidok nadiņa 200 Kina’ unduņdi nanaņe tuwanim iņgoņ wendi tuwot mu tibek.”

⁸Unduņ yobune Jesu mihiniņ niņ Saimon Pita kwayaņ, wou Endulu, adibo yoguk, ⁹“Mihi niņ adi belet^m yawe kohofukuņ (5) eņ pisi lufomuk moņgo buņak, iņgoņ metam hogohogok yendi u naaņ natokineņdok tuwot moņ.”

¹⁰Unduņ yobune Jesudi yeniņguk, “Metam yenimbu kilihikit momooņ foloņ fo itneņ.” Unduņ yenimbu metam hogohogok kilihikit momooņ haliugukneņ uņgoņ fooņ ilaugiņ. Mewoi hogok diniņ kunakunathik 5 tausen tuguk.

¹¹Foilaugiņ kaņ Jesudi belet tiņa Bepaņ niutumbaaņ wobuņa metam uņoņ ilaugiņ hogohogok yembu nagiņ kaņ pisi maaņ moņgola undugoņ tuguk kaņ metamdi naaņ tuwot tigiņ. ¹²Kaņ mihiniye yeniņguk, “Nanaņe diki ila kadaka tineneņ doktiņa moņgo boineņ.” ¹³Unduņ yenimbune belet yawe kohofukuņ (5) yemguk diniņ nadikidiki moņgola bondibondi 12 kadahitokogiņ.

¹⁴Bepaņ kunumneniņ’walaņ kudi u tubune kaņ metamdi yogiņ, “O, biyagoņ hinek me yoņ adi Polofet kwetfoloņ fofoņdok yogiņ iņakoņ.”

¹⁵Metamdi unduņ yoņa honeeņ mapmehik kambiyatdok yoņa tigiņ. Kaņ Jesudi u yabukiyondaan momoņ kweboboe foloņ ne hogok loguk.

Jesudi Bepaņ kunumneniņ’walaņ kudi ime foloņ tuguk (*Matiyu 14:22-27; Mak 6:45-52*)

¹⁶Kwet tebele dalune Jesu mihiniye adi kotigoņ ime magineņ foņ ¹⁷muwagehik foloņ looņ ime meņeņa Kafanaumde udaneņ une tigiņ. Iņgoņ kwet mambip tubune Jesu adi mu foguk doktiņa nehi hogok ugiņ. ¹⁸Kiņ gineniņ tububihila wooņ ime lekiņgoņ u kunakunat fek 6 kilomita wondok tuwot ulune fiņigobut kisaņ tiņa ime tubugiyondagak. ¹⁹Unduņ tubune Jesu adi imetabe foloniņgoņ yalitabuņa muwage tubudulalune mihiniye adi kaņ munta tigiņ. ²⁰Kaņ Jesudi yeniņguk, “Nagoņ bulat ale munta mu tineņ!” ²¹Unduņ yenimbune adi nadiņa nagila muwage foloņ kameu looņ ilune nai uņaniņgoņ kwet daņ une ugiņneņ wosuwaņiņ.

Metamdi Jesu lohigiņ

²²Metam nanaņe naaņ uņgoņ deikiņdi heleune pilali indiiņ yogiņ, “Kwe muwage kubugoņ hogok yalu kagumun. U mihiniyedi Jesu iņgoņ

¹ 6:7 Melenai 200 wondok tuwot bombonģi kwanai tiņa muneeņ moņgokagiņ wendok foloņ kamekaaņ yoguk. ^m 6:9 Belet woņadi bali belet. Diksineli gineņ mebi kunali nadiweņ.

bikabuŋa nehi hogok ugiŋ.” ²³Unduŋ ha yolu Taibiliyahi noli adi muwagehik foloŋ buŋa heleŋ nanaje nagiŋ uŋgoŋ wosuwagiŋ. ²⁴Kaŋ metamdi Jesu tiŋa mihiŋiye uŋoŋ yolohigiŋ moŋ kaŋ Taibiliyahi’walaŋ muwage foloŋ looŋ Kafanaumde wooŋ uŋoŋbo lohigiŋ.

Jesu adi kunumneniŋ nanaje

²⁵Metam adi wooŋ Jesu ime fokolok tubumintaarŋ niŋgiŋ, “Hinale, du deniŋ buŋarŋ?”

²⁶Ninadigiŋ kaŋ yeniŋguk, “Nu mebihik a nadilat. Hidi Bepaŋ’walaŋ kudi tugut wendoktiŋa mu nolohiiŋ. Hidi adi belet naarŋ tuwot tigiŋ wendoktiŋa nolohiiŋ. ²⁷Hidi nanaje kwetfoloŋ liwewaak wendok kwanai hogok mu tiyaneerŋ, adi hatihati fafaŋerŋ diniŋ nanaŋedok kwanaiŋiŋ maarŋ tiyaneerŋ. Baŋ Bepaŋdi Me Kobumundok nadimimbune uŋgoniŋ hinek tilak doktiŋa hidi adi’walaŋkade uune hatihati diniŋ nanaje kedem hamuluwaak.”

²⁸Unduŋ yeniŋguk kaŋ adibo indiŋ ninadigiŋ, “Indi dediŋ tiŋa Bepaŋ’walaŋ kwanai tinim?”

²⁹Unduŋ ninadigiŋ kaŋ adibo yeniŋguk, “Me niŋkulu buguk adi nadisukilitiminiŋ. U adi Bepaŋ’walaŋ kwanai hinek uŋakoŋ.”

³⁰Yeniŋguk kaŋ niŋgiŋ, “Unda, du nemek Bepaŋ kunumneniŋ’walaŋ kudi neerŋ tubune kaŋ indi kedem nadisukilitigamnim. ³¹Koom mamani-papaniye adi kwet fiilerŋ mana nagiŋ wendoktiŋa Yodoko Mededi indiŋ yolak, ‘Adi nanaje kunum gineniŋ yembu nayagiŋ.’”

³²Unduŋ yogiŋ kaŋ Jesudibo yeniŋguk, “Biyagoŋ hinek hanilat, Mosesdi kunum gineniŋ nanaje mamahi-papahiyedok mu yemguk. Kunum gineniŋ nanaje folooŋ hinek adi Batnedi hamulak.

³³Bepaŋ’walaŋ nanaje folooŋ hinek adi kunum gineniŋ fooŋ kwetfoloŋ me hatihati tubumintahamulak.”

³⁴Unduŋ yeniŋguk kaŋ niŋgiŋ, “Wapum, nanaje u helemahelamaŋ nimbu nayaneem.”

³⁵Niŋgiŋ kaŋ Jesudibo yeniŋguk, “Hatihati diniŋ nanaje adi nu. Unduŋ doktiŋa nebek niŋ nu’walaŋkade buluwaak adi yadi map mu tuluwaak, erŋ nebek niŋdi nu nadisukiliti-namuluwaak adi yadi maŋiŋ mu galiwaak. ³⁶Ale i nadiŋerŋ, hidi nu nabiŋiŋ iŋgoŋ nabukabeleerŋ mu nadisukilitinamiŋiŋ. ³⁷⁻³⁸Nu kunum gineniŋ fooŋ na’walaŋ nadinadine mu keleerŋ kwanai i tilat. Baŋ’walaŋ nadinadi kelelat doktiŋa metam nedigoŋ Baŋdi nutok namulak adi nu’walaŋkade buune sigilulum mu tiyemiluwaat. ³⁹Tiŋa Batne’walaŋ nadinadiŋiŋ adi indiŋ: me nedigoŋ nutok namguk adi fitneenerŋ doktiŋa yabudokoŋ yehibopneerŋ hatigene nai wapum gineŋ wanakaŋ hinek yehitubu-pilalaat. ⁴⁰Unduŋ doktiŋa Batne adi indiŋ nadilak: me nediyerŋ Mihi nadisukilitimiŋiŋ adi yadi hatihati fafaŋerŋdok gigit tineerŋ. Kaŋ nu nai wapum gineŋ yehitubu-pilalaat.”

⁴¹Jesu adi “Nu kunumneniŋ nanaje fogut” unduŋ yoguk doktiŋa Judame heki adi nadikadakaanŋ tonŋiyonda tiŋa indiiŋ yogiŋ, ⁴²“Me yadi a nadimiyam. Adi Josep mihiniŋ. Miŋbeu agariŋ nadiyemam iŋgoŋ dediiŋ doktiŋa kunum gineniŋ fogut yolak.”

⁴³Unduŋ yogiŋ kaŋ Jesudi yeniŋguk, “Hidi mede wendok nadikadaka mu tineŋ. ⁴⁴Nebek niŋ adi ne’walaŋ nadinadiŋiŋde nu’walaŋkade tuwot mu bek. Adi Baŋdi tubulodaune kedem bek, kaŋ nai wapum gineŋ tubupilalaat. ⁴⁵Polofet hekidi mede indiiŋ youkiŋ,

‘Bepariŋ ne metam hogohogok u yenindidimewaak.’

Unduŋ doktiŋa nebek niŋ Baŋ’walaŋ mede nadiŋa nadidahi tilak adi nu’walaŋkade bulak. ⁴⁶Nebek niŋdi Batne nemu kaguk. Bepariŋ’walaaniŋ buguk ne hogok kaguk.

⁴⁷⁻⁴⁸“Biyagoŋ hinek hanilat. Nu adi hatihati fafaŋeniŋ diniŋ nanaje doktiŋa nebek niŋdi nu nadisukilitinambaak adi hatihati fafaŋeniŋ kahilewaak. ⁴⁹Koom mamani-papaniyedi mana kwet fileŋ nagiŋ iŋgoŋ fiit kumuŋ tigiŋ, ⁵⁰eŋ nanaje kunum gineniŋ foguk adi naŋ kumuŋ mu titiŋdok u nu iŋakoŋ. ⁵¹Nanaje hatihatiniŋ kunum gineniŋ foguk u nu, ala nebek niŋdi nanaje u nawaak adi hatitawooŋ hatibaak. Foloonedii nanaje folooŋ tilak u metamdi hatihati tubumintadok hambaat.”

⁵²Judahi adi mede u nadiŋa kisaŋ hinek kwihitaŋ yogiŋ, “Me i ne’walaŋ gomniŋ deti nimbune nanim yo yolak?”

⁵³Unduŋ yogiŋ kaŋ Jesudi yeniŋguk, “Biyagoŋ hinek hanimbe nadineŋ, hidi Me Kobumuŋ’walaŋ gom naŋgat u mu naneŋ adi hatihatiniŋ mokit hatineŋ. ⁵⁴Nebek niŋ nu’walaŋ gomne eŋ naŋgatne naluwaak adi yadi hatihati fafaŋeŋ kahilewaak, kaŋ nu nai wapum gineŋ tubupilalaat. ⁵⁵Nu’walaŋ gomne adi nanaje hinek eŋ naŋgatne adi ime hinek doktiŋa yolat. ⁵⁶Unduŋ doktiŋa nebek niŋdi nu’walaŋ gomne eŋ naŋgatne nalak adi yadi nukut hatilak kaŋ nu adut hatilat. ⁵⁷Me Baŋ hatihati molomdi napmeu fogut doktiŋa nu kaipmuŋ hatilat. Undugoŋ hinek nebek niŋdi gomne eŋ naŋgatne nalak adi yadi kaipmuŋ hatiluwaak. ⁵⁸Nanaje kunum gineniŋ foguk diniŋ mebi indiiŋ. Koom mamani-papaniye adi mana nagiŋ iŋgoŋ fiit kumuŋ tigiŋ, eŋ nebek niŋdi nanaje i nawaak adi hatihati fafaŋeŋ kahilewaak.”

⁵⁹Jesudi Kafanaum uŋoŋ Judahi’walaŋ bopyotneŋ hatiŋa mede i yenindidimeguk.

Jesu ne’niŋ mede adi munabuliniŋ eŋ hatihatiniŋ

⁶⁰Metam keleyau tagiŋ adi’walahi feedi mede i nadiŋa indiiŋ yogiŋ, “Mede i nadine malabumuŋ hinek tilak doktiŋa nediyeŋ nadiwek.”

⁶¹Mede u yolakata tigiŋ kaŋ Jesudi welehiŋ maaneŋ u kaŋ yeniŋguk, “Hidi mede i nadiune welehiŋ maaneŋ tuwot mube tilak? ⁶²Kaŋ Me Kobumuŋ udaneŋ kunum gineŋ loune hidi kaŋ dediiŋ nadineŋ!

⁶³ Siginikdi kwanai tilak adi hatihatinit mokit. Kaŋ Munabulidi kwanai tilak adi hatihati folooŋ tubumintanimilak. Unduŋ doktiŋa mede i hanilat adi Munabulinit eŋ hatihatinit. ⁶⁴ Iŋgoŋ noli hidi nadisukiliti mu tiinŋ.” (Jesu adi nediyen nadisukiliti mu timineen be memik heki’walaŋ kohohik foloŋ kameneen u agaŋ koom yabukiyondaan nadiguk doktiŋa mede u yeninguk.) ⁶⁵ “Unduŋ doktiŋa indin haninat, me nedigoŋ nin Baŋdi mu tubulodaune adi yadi nu’walaŋkade bubuŋdok tuwot moŋ.”

⁶⁶ Mede unduŋ yenimbu metam feedi Jesu keleyawagiŋ adi uŋoŋ hatidok lakata tiŋa sigilulum timiŋa ugiŋ.

⁶⁷ Kaŋ Jesudi u yabuŋa mihinŋiye 12 yeninadiguk, “Kaŋ hidi maanbe binabuŋa une tiinŋ?”

⁶⁸ Unduŋ yoguk kaŋ Saimon Pitadi niŋguk, “Wapum, du dagoŋ hatihati diniŋ mede ninilaŋ kaŋ indi du bigabuŋa neen’walaŋkade unim yoŋa nininadilaŋ?”

⁶⁹ Tiŋa indi du Bepaŋ’walaŋ me uŋgoŋin hinek u agaŋ nadiŋa nadisukilitiyam.”

⁷⁰ Unduŋ yobune Jesudi indin tubu-udaneyemguk, “Me 12 hidi nagoŋ habudakaleen hanagikut iŋgoŋ hidi’walaaniŋ nin adi yabap kadakaninŋ.” ⁷¹ Mede u Judas Kaliotniŋ, Saimon mihinŋindok yoguk. Judas adi Jesu ne mihinŋin nin uŋakoŋ iŋgoŋ kougoŋ Jesu memik heki kohohik foloŋ kamewaak doktiŋa yoguk.

Jesu ne’niŋ kwayaŋiye adi mu nadisukilitimigiŋ

7 ¹ Jesu adi mede unduŋ yobune Judame heki’walaŋ me wapuhi Judiya kwetneŋ utne yogin doktiŋa adi uŋoŋ mu yaunŋa Galili kwetneŋ hogok hatiluguk. ² Judahi’walaŋ Yoholaŋ diniŋ hinamuni nai wapum dulaune ³ Jesu kwayaŋiyedi nintifo mede indin niŋgiŋ, “Metam fee Judiya kwetneŋ unen doktiŋa du maan foŋ kudi iŋoŋ tilaŋ u tubune metamgedyedi kanenŋ. ⁴ Me niŋ adi wou miŋgoŋ mintadakaledok nadiŋa kaŋ adi kwanai kabup mu tilak. Du kwanai unduŋ tilaŋ doktiŋa Judiya kwetneŋ wooŋ mintadakaleen tubune gabunenbe?” ⁵ Kwayaŋiye adi mu nadisukilitimigiŋ doktiŋa mede unduŋ niŋgiŋ.

⁶ Unduŋ yogin kaŋ Jesudibo yeninguk, “Hidi nai fifit indigoŋ hinamuni titiŋdok une nadiŋa kedem une tiŋit. Iŋgoŋ nu’walaŋ nai mu dulalak. ⁷ Kwetfoloŋ metam adi hidi habukwihita mu tiinŋ eŋ nu adigili titiŋhik be hatihatihik hogoli u yohautalat doktiŋa nabukwihita tiinŋ. ⁸ Kedem ale hidi hinamunide unenŋ, kaŋ nu adi naine hinek mu dulalak doktiŋa hidut mu wit.” ⁹ Unduŋ yeniŋa Galili kwetneŋ uŋgoŋ hatiguk.”

Judame talitimenŋ heki adi Jesudi mede yoguk u nadiŋa boho tigin

¹⁰ Unduŋ yenimbu adi timenŋ ugiŋ kaŋ adi mindaŋ kabukabup uguk. ¹¹ Kaŋ hinamuni nai tubune Judame heki’walaŋ me wapuhi adi Jesu lohiŋa yoginŋ, “Me u maanbe buŋak?”

ⁿ 7:9 Metam nolidi mede yendok kiliki nin indin binek yonadiinŋ: Jesu adi kougoŋ Jelusalem gwaŋ ne Kilisto yobihilune ulukumuneen wendok nadiŋa mede u yoguk.

¹²Unduŋ yobune metam feedi lekiŋgoŋhik gineŋ aditok mede kiyonadi tigiŋ, tiŋa nolidi yogiŋ, “Adi yadi me momooŋ,” eŋ nolidi yogiŋ, “Moŋ, adi yadi metam nadinadihik tubugiyonda tilak.” ¹³Unduŋ yohakene adi’walaaniŋ nebek niŋdi Judahi talitimeŋ heki namandahik gineŋ Jesudok mede yodok munta tiŋa wabi tigiŋ.

¹⁴Jesu adi kabukabup hatitawooŋ hinamuni nai lekiŋgoŋ tulune Siloŋyot walanda foloŋ looŋ metam yenindidimeguk. ¹⁵Kaŋ Judame talitimeŋ heki adi kaŋ boho tiŋa yogiŋ, “Me i indut nadinadi yotneŋ nemu foguk iŋgoŋ deti buŋa Bepaŋ’walaŋ mede mebi hinek utawaŋ yolak.”

¹⁶Unduŋ yogiŋ kaŋ Jesudi yeniŋguk, “Nu mede yohauta tilat u na’walaŋ kwanai mu tilat. Me napmeune bugut adi’walaŋ kwanai tilat. ¹⁷Nebek niŋdi Bepaŋ’walaŋ mede nadilak adi mede yolat u Bepaŋ’walaaniŋ be na’walaaniŋ mintalak u kedem nadidakalewek. ¹⁸Nebek niŋ ne’walaŋ nadinadi gineŋ be ne’walaŋ saŋiniŋ gineŋ kwanai tilak adi ne’walaŋ wougigit mintawekdok tilak. Eŋ niŋ adi kwanai molomdok youtumba mintadok kwanai tilak adi me didimeniŋ. Mede biyagoŋ hogok yolak. ¹⁹Moses adi Yodoko Mede haniŋguk iŋgoŋ hidi’walaaniŋ niŋdi nemu kelelak. Kaŋ hidi maŋgoŋde nulukumune tiŋiŋ?”

²⁰Unduŋ yoguk kaŋ metamdibo yogiŋ, “Nediyeŋ gulukumumbe tilak? Yabapdi be fogambu mede unduŋ yobubuyelaŋ.”

²¹Unduŋ yogiŋ kaŋ Jesudibo yeniŋguk, “Nu Bepaŋ kunumneniŋ’walaŋ kudi Sabat foloŋ tibe kaŋ yonadibedi tiŋiŋ.” ²²Hidi mihihiye’walaŋ sigihik gitnem diki foloŋ fek tiyemiŋ u adi Mosesdi mu tububihikuk. U adi koom Bepaŋdi Abalaham heki yenimbune tububihila tigiŋ. Iŋgoŋ hidi Mosesdi nimiŋak yoŋa Sabat foloŋ maŋ tiŋiŋ. ²³Unduŋ doktiŋa hidi Moses’walaŋ Yodoko Mede lahulu folooŋnit mokit tibaakneŋ yoŋa Sabat foloŋ mihihiye’walaŋ sigihik gineŋ fek tiŋiŋ iŋgoŋ Sabat foloŋ me niŋ tubukedebagut kaŋ maŋgoŋde kwihita tinamiŋ? ²⁴Hidi mede yone kaŋ dauhikdi hogok mu kaŋ yoyaneŋ. Mede mebi nadidakale hinek tiŋa yoyaneŋ.”

Metamdi Jesudok welelufom timiŋiŋ

²⁵Jelusalemhi metam nolidi Jesu kaŋ yogiŋ, “Me wapuhiniyedi me uurdok yo tiŋiŋ iŋakoŋ binek? ²⁶Iŋgoŋ deti adi metam bop wapum gineŋ mede miŋgoŋ yali yolak kaŋ me talitimeŋ heki kamehep mu timiŋ. Be adi Kilisto bidak yoŋa bikabiŋ? ²⁷Unduŋ iŋgoŋ u maŋ moŋ. Kilisto baak kaŋ mebiŋiŋ be yolikweli u mu nadidakaleneem, iŋgoŋ me yoŋ adi mintamintaŋiŋ kwet agaŋ nadiyam.”

²⁸Siloŋyot walanda foloŋ yaliŋa metam yayenindidimelune nadiŋa mede hamahamap unduŋ yonadigiŋ, kaŋ Jesudi yabunadiŋa indiŋ

° 7:21 Mede folooŋ u Jon 5:8-10 gineŋ hatak.

kutifiyeen yeninguk, “Ai! Hidi na be, be mintaminta kwetne u agan nadinamiij. Ingoŋ nu adi na nadinadinede mu fogut. Mede biyagon Molom adi napmeu fogut, ingoŋ hidi adi mu nadimiij. ²⁹Nu yadi adi’walaaniŋ, tiŋa ne napmeune bugut doktiŋa nu agan nadimilat.”

³⁰Unduŋ yenimbune honeeŋ ulukumundok nadigiŋ ingoŋ naiŋiŋ mu dulaguk doktiŋa kohohik malabudaune bikabugiŋ. ³¹Ingoŋ metam fee adi nai uŋaniŋ nadisukilitimiŋa yogiŋ, “Kilisto baak adi me yendi Bepaŋ’walaŋ kudi tilak u kalakapmeŋ tibaak bidak? Moŋ. Adi nemenemek hogohogok agan tubudapmalak.”

Judahi adi Jesudi mede yobune mu nadidakalegiŋ

³²Falisi heki adi metamdi Jesudok mede hamahamap yogiŋ u nadiŋa me Siloŋyot diniŋ talitimeŋ wapuhi yeniŋa wanaŋ mikme yapmeune Jesu nagitne ugiŋ. ³³Kaŋ Jesudi yeninguk, “Nu hidut iŋoŋ muniniŋ-kabe hatiŋa me napmeune bugut’walaŋ udaneeŋ waat. ³⁴Kaŋ hidi nu waatneŋ uŋoŋ tuwot mu uneeŋ doktiŋa nolohineeŋ ingoŋ mu nehitubu-mintaneeŋ.”

³⁵Unduŋ yeninguk kaŋ Judame heki’walaŋ me wapuhi nehi uŋoŋ indiŋ yonadigiŋ, “Daŋoŋ uune indi mu kaneem doktiŋa unduŋ yolak. Notniye noli Gilik kwetneŋ itowiij wooŋ yenindidimewe bidak yolak. ³⁶Adi indiŋ yolak, ‘Indi lohineem ingoŋ tuwot mu tubumintaneem be adi waakneŋ indi tuwot mu uneem.’ U mebi dedinŋdok yolak?”

Metam feedi Jesu adi polofet eŋ Kilisto u agan kadakalegiŋ

³⁷Hinamuni nai wapum dapmandapmande^p metam fee bopneune Jesudi pilali yali mede gibitaŋ indiŋ yohautaguk, “Nebek niŋdi imedok nadikaŋ nu’walaŋkade buŋa ime nawek. ³⁸Adi nu nadisukilitinambek kaŋ Youkudip Mede yolak undugoŋ hinek ime naŋgat mu tilak u weleŋ maaneŋ mintamimbune hatiluwaak.”

³⁹Jesu adi Uŋgoŋiŋ Munabulidok nadiŋa mede u yeninguk. Nai uŋaniŋ Jesu kunum hautaŋiŋ gineŋ mu udaneeŋ loguk, doktiŋa metam nadisukilitimiŋiŋ adi Uŋgoŋiŋ Munabulidi mu fotokoyemguk.

⁴⁰Metam noli adi mede u nadiŋa Jesudok indiŋ yogiŋ, “Biyagoŋ, adi polofetnik wapum.” ⁴¹Eŋ nolidi yogiŋ “adi Kilisto kuyoŋ.” Kuŋgoŋ nolidi yogiŋ “dediŋ tiŋa Kilisto adi Galili kwetneŋ mintawe tiŋak. ⁴²Youkudip Mededi indiŋ yolak. Kilisto adi Dewit’walaŋ yolikwelineŋ Betelehem uŋoŋ mintawaak eŋ adi’walaŋ naŋgat dikiŋiye gineŋ mintawaak.”

⁴³Metam adi Jesudok unduŋ yoŋa nehi uŋoŋ daneeŋ bop lufom tigiŋ.

⁴⁴Tiŋa nolidi honeeŋ nagi wooŋ yot fafaŋeniŋneŋ kameŋdok yo nadigiŋ ingoŋ nebek niŋdi nemu lodaŋ honeguk.

^p 7:37 Yoholaŋ diniŋ hinamuni adi melenai 7 wondok tuwot tagiŋ. Ala melenai 8 wondok foloŋ nemek wapum hinek tiŋa kudupdelet hedapmaŋ tagiŋ.

⁴⁵Unduŋ tigiŋ kaŋ mikme hekidi udaneeŋ talitimeŋ wapuhi eŋ Falisi heki'walaŋ uune adi indiŋ yeninadigiŋ, “Hidi maŋgoŋde mu nagila biin?”

⁴⁶Yeninadiune mikme heki adi indiŋ yeniŋgiŋ, “Adi mede yolak u kwetfoloŋ me niŋeŋ yobekdok tuwot moŋ.”

⁴⁷Yobune Falisi me heki adi indiŋ yeniŋtogiŋ, “Be hidi maŋ wele tubufit tihamuŋak? ⁴⁸Me wapuhi be Falisi heki indi'walahi nebek adut neeŋbe wooŋ galiŋak? ⁴⁹Moŋ. Wa me hogohi Yodoko Mede mu nadidakaleiŋ adi hogok. Adi kuyeŋ hamdok gigit tineeŋ oŋ.”

⁵⁰Kaŋ me adi'walaaniŋ niŋ wou Nikodimas adi koom Jesu timiŋ wooŋ kaguk adi indiŋ yeniŋguk, ⁵¹“Unda, hidi yoneŋ. Me niŋ adi mebiŋiŋ be kadakaniiŋniŋ nemu kaŋ nadiŋa mede gineŋ hogok kamefit titiŋdok u Yodoko Mede gineŋ neeŋbe youkiŋ?”

⁵²Kaŋ noliŋiyedi yogiŋ, “Unda, du maŋ Galiliniŋ binek? Youkudip Mede u baigoŋ kunali kaweŋ. Galili kwetneŋniŋ polofet nemu mintawaak.”

Talitimeŋ hekidi Jesu Yodoko Mede gineŋ talamukiŋ

[⁵³Unduŋ tiŋa metam mowoŋa yohite ugiŋ.

8 ¹kaŋ Jesu adi Oliwa Tuwai foloŋ loguk. ²Ala heleune haniŋ kotigoŋ Siloŋyot walanda foloŋ wooŋ founa metamdi kisaŋ hinek buŋa adi yakukneŋ bopneune foila kotigoŋ Bepaŋ'walaŋ mede yenindidimeguk. ³Bepaŋ'walaŋ mede ila yolune Yodoko Mede hinale tiŋa Falisi heki adi tam niŋ yohoinitdi kefilefile tuguk u nagila buŋa metam namandahik gineŋ kameune yakuk.⁴

⁴Kameu yalune Jesu niŋgiŋ, “Tam i kefilefile tiŋak kaŋ nagila bam. ⁵Tiŋa Yodoko Medenik gineŋ Mosesdi tam undihi adi kawadedi widihikumunŋ titiŋdok yoguk. Ale du dediŋ nadilaŋ?”

⁶Unduŋ ninadiune Jesudi dediŋ ya yobubuyeune mede gineŋ kameŋdok yoŋa niŋkamanda tigiŋ, iŋgoŋ Jesu adi duwokeneeŋ kohoŋdi kudi kwet gineŋ ha-youkuk. ⁷Kaŋ uŋgoŋ yali nilu nilu Jesudibo pilali yeniŋguk, “Nebek hidi'walaaniŋ niŋdi kadakaniiŋ-kabe nemu tuguk nadiŋa kaŋ kawade timeŋ kedem kula ulune tubulodaŋ utneŋ.”

⁸Unduŋ yeniŋa kotigoŋ duwokeneeŋ kohoŋdi kwet gineŋ kudi ila youkuk. ⁹Kaŋ mede u nadiŋa gawadahidi timeŋ tiŋa uune metam kubugoŋ kubugoŋ diliteleeŋ wooŋ udapmagiŋ. Kaŋ tam u Jesu'walaŋ hebeŋ gineŋ ne hogok yalune ¹⁰Jesudi pilali kaŋ ninadiguk, “Tam, metam i daŋ wiin? Nebek niŋdi du mede gineŋ gapmeŋdok nemu be hatak?”

¹¹Kaŋ tamdibo niŋguk, “O Wapum, nemu hatak.”

⁴ 8:3 Mede yendi Judahi'walaŋ mede gineŋ mebi lufom tilak. Noli agaŋ youliŋit hatak uŋakoŋ. Kaŋ noli adi indiŋ, tamkuyadi me tamŋiŋnit dut hatifilefile tuguk.

Nimbu yoguk, “Nu maan kibikonḍok mede mu ganimbit ale kedem weḅ. Woonḅ hatiḅa kadakaninḅ kotigonḅ mu tuluwaanḅ.”]

Jesu ne adi kwetfoloḅ metam’walaḅ hauta

¹²Unduḅ tiḅa metam bu bopneune Jesudi mede kotigonḅ tomboyoula indinḅ yeniḅguk, “Nu adi kwetfoloḅ memetam’walaḅ hauta, doktiḅa nebek ninḅi nu nehikelewaak adi hatihati dininḅ hauta kahileeḅ mambip gineḅ mu hatiluwaak.”

¹³Unduḅ yoguk kaḅ Falisi hekidibo ninḅinḅ, “I du dagoḅ mebigē yodakalelaḅ doktiḅa medege u nadine folooḅnit mokit tilak.”

¹⁴Yoginḅ kaḅ Jesudi yoguk, “Nu deḅandininḅ bugut be deḅandinḅ waat u agaḅ nadilat, doktiḅa na mebine yodakalewe folooḅnit mokit mu tilak. Inḅoḅ hidi adi nu deḅandininḅ bugut be deḅandinḅ waat u mu nadinḅ. ¹⁵Tiḅa hidi yadi meeniḅ dininḅ mebihik me nadinadi talik foloḅ wahingonḅ yoiḅ, inḅoḅ nu adi unduḅ mu tilat. ¹⁶Nu adi Baḅ napmeune bugut adi nehitubu-lodaune kwanai tilat doktiḅa nu titinḅhik be hatihatihik dininḅ mebi yodakalewe u biyagoḅ yolat tilak. ¹⁷Hidi’walaḅ Yodoko Mede gineḅ mede indinḅ youkinḅ doktiḅa yolat, ‘Me lufomdi mede ninḅok kikasop tubune folooḅnit tibetik.’ ¹⁸Nu na’walaḅ mebine yodakalelat kaḅ Baḅ napmeune bugut adi maanḅ mebine yodakalelak.”

¹⁹Unduḅ yeniḅguk kaḅ ninadiginḅ, “Kaḅ baha de?”

Nimbune yeniḅguk, “Hidi na be, be Batne indi mu nadinimiinḅ. Inḅoḅ nu nadinamanēḅ binek adi Batne maanḅ kedem nadimiyanēḅ.”

²⁰Jesudi Siloḅyot maaneḅ muneēḅ boiboi malinḅ ikiḅneḅ uḅoḅ yali mede u yenindidimeguk. Kaḅ honeēḅ uutdok nai mu dulaguk doktiḅa nebek ninḅi nemu honeginḅ.

Jesu adi kunumneninḅ foguk yobune metam feedi nadisukilitimiginḅ

²¹Mede unduḅ yeniḅa kotigonḅ indinḅ yeniḅguk, “Nu hapmeēḅ waat kaḅ hidi nolohi tineēḅ, inḅoḅ kadakaninḅhinit hati kumuneēḅ doktiḅa nu waatneḅ tuwot mu uneēḅ.”

²²Unduḅ yeniḅguk kaḅ Judahidi indinḅ yoginḅ, “Adi dedinḅ nadinḅa mede unduḅ yolak? Ne siginḅ bidak kule yolak.”

²³Yoginḅ kaḅ Jesudibo yeniḅguk, “Hidi adi kwetfoloḅ inḅahi eḅ nu adi kunumneninḅ fogut. Eḅ hidi kwetfoloḅhi eḅ nu adi kwetfoloḅninḅ moḅ.

²⁴Unduḅ doktiḅa indinḅ hanilat, hidi kadakaninḅhinit hati kumuneēḅ. Nu na inḅakoḅ mebine hanimbe mu nadisukilitiinḅ doktiḅa kadakaninḅhik uḅgoḅ hahambu kumuneēḅ kuyoḅ.”

²⁵Unduḅ yeniḅguk kaḅ ninḅinḅ, “Kaḅ du nedigoḅ?”

Ninadiune yeniḅguk, “Agaḅ koom tububihit gineḅ haniḅgut. ²⁶Tiḅa nu adi hidi’walaḅ titinḅhik dininḅ mede yodapmanḅdok u tuwot boi hatat. Me napmeune bugut adi yadi mede biyagoḅ hinek yolak kaḅ nu manḅinḅ gineḅ nadinḅa kwetfoloḅ inḅoḅ yohautalat.”

²⁷Adi mede u Beudok yenimbune mu nadidakalegin. ²⁸Unduŋ doktiŋa Jesudi tomboyoula indinŋ yeninguk, “Nu na nadinadine ginereŋ kwanai i mu tilat. Baŋdi naniŋdidimeguk uŋakoŋ keleeŋ yolat. Doktiŋa hidi Me Kobumuŋ tiŋa looŋ tebiŋa nai uŋaniŋ mebine nadidakaleneeŋ be mede yolat u maanŋ nadidakaleneeŋ. ²⁹Me napmeu bugut adi nukut hatilak. Adi nemek tugut be tilat u kaune momooŋ tilak doktiŋa mu binabulak.”

³⁰Unduŋ yobune metam feedi mede u nadiŋa nadisukilitimiginŋ.

Mede biyagoŋ u nadidakaleeŋ foloknit mokit hatidok

³¹Kaŋ Jesudi Judahi metam nadisukilitimiginŋ u indinŋ yeninguk, “Hidi mede hanilat i keleeŋ hatineeŋ adi nu’walaŋ wapmihineye hinek tineeŋ. ³²Tiŋa nu’walaŋ mede biyagoŋ u nadidakaleune wendi folok gineneŋ hehifiyalune geyamnit mokit hatineeŋ.”

³³Unduŋ yenimbune niŋginŋ, “Indi tipilapilaye kwanai tuwaŋit mokit nemu tugumun. Indi Abalaham me wapum’walaŋ yalakiŋiye, kaŋ du dedinŋ doktiŋa folok gineneŋ nihifiyale yolaŋ?”

³⁴Yoginŋ kaŋ Jesudibo yeninguk, “Biyagoŋ hinek hanimbe nadiŋeŋ. Metam hogohogok kadakaninŋ tiinŋ adi yadi kadakaninŋ dininŋ tipilapilaye kwanai tiinŋ. ³⁵Tiŋa tipilapilaye-me adi me wapumŋin’walaŋ yolineŋ tomboyoutnit mu hatibetik. Eŋ mihiŋinŋ hinek adi beu’walaŋ yolineŋ helemahelamaŋ hatilak. ³⁶Unduŋ doktiŋa Mihi adi folok gineneŋ hehifiyalune biyagoŋ hinek folok ginereŋ mu hatineeŋ.

³⁷“Hidi Abalaham’walaŋ yalaki u agaŋ nadilat inŋoŋ medene mu nadiinŋ doktiŋa nulukumune yoiŋ. ³⁸Nu Batne’walaŋ nemek kanadigut uŋakoŋ yolat kaŋ hidi adi behikdi haniŋguk uŋakoŋ tiinŋ.”

³⁹Unduŋ yeninguk kaŋ niŋginŋ, “Indi adi Abalaham’walaŋ wapmihiniye.”

Yobune indinŋ yenintoguk, “Hidi Abalaham’walaŋ wapmihiniye yoiŋ inŋoŋ dedinŋ doktiŋa adi’walaŋ titinŋ u mu keleeŋ. ⁴⁰Adi Bepaŋ’walaŋ kwanai-me nemu ulukumunŋguk. Inŋoŋ nu adi Bepaŋ’walaŋ mede biyagoŋ hinek nadigut u hanilat, kaŋ hidi nulukumune yoiŋ. ⁴¹Hidi adi behikdi tilak uŋakoŋ keleeŋ.”

Yeninguk kaŋ yoginŋ, “Indi betnik mokit hogok mintafit mu tugumun. Indi Betnik adi Bepaŋ kubugoŋ.”

⁴²Unduŋ yoginŋ kaŋ yeninguk, “Nu na nadinadinede mu fogut. Bepaŋdi napmeu fogut doktiŋa hidi Behik Bepaŋ u biyagoŋ binek nadiyanereŋ adi nu not tinamanereŋ. ⁴³Hidi dedinŋ tiŋa hatibune medenedi welehek maaneŋ mu folak? Nu mede yolatneŋ magihik momooŋgoŋ mu kameereŋ nadiinŋ doktiŋa uŋakoŋ ya yoiŋ.

⁴⁴“Hidi adi Sadaŋ’walaŋ wapmihi doktiŋa behik’walaŋ nadinadi hogoli keleeŋ. Adi koomkwaha metam yehitubu-kadaka titabugukdi titabulak. Eŋ mede biyagoŋ u sigilulum timinŋguk doktiŋa welerŋ maaneŋ mede

biyagoŋ nemu hatak. Adi yalaŋ molom doktiŋa yalaŋ mede yoyo wendi nanaje imeŋiŋ tilak. ⁴⁵Wendoktiŋa mede biyagoŋ hanilat u hidi medene mu nadisukilitinamiŋ. ⁴⁶Hidi'walaaniŋ niŋdi kedembe nu kadakanŋ tugut u nanimbek? U tuwot moŋ, kaŋ dediŋ doktiŋa mede biyagoŋ u hanilat kaŋ medene mu nadisukilitinamiŋ? ⁴⁷Niŋ adi Bepaŋdok gigit hatilakdi medeŋiŋ nadilak. Hidi adi'walaŋ moŋ doktiŋa medeŋiŋ mu nadimiŋ.”

Abalaham mu mintagukneŋ Jesu adi koomkwaha hatiguk

⁴⁸Mede unduŋ yobu Judahidi indiŋ tubu-udaneŋ niŋgiŋ, “Mumbe yo kagumun! Du adi Samaliyaniŋ me yabapnit!”

⁴⁹Kaŋ Jesudibo yoguk, “Nu yabapdi welene gineŋ mu hatak. Nu adi Batne niŋa tiloloŋ tilat kaŋ hidi nanintifo tiŋ. ⁵⁰Nu na wotnene tiloloŋdok mu yolat. Nu wotnene yohautadok kwanai u me niŋ'walaŋ kaŋ adi mede yodapmaune folooŋnit hinek tilak. ⁵¹Nu biyagoŋ hinek hanimbe nadineŋ. Nebek niŋdi nu'walaŋ mede kame hatilak adi kumuŋ mu tibaak.”

⁵²Unduŋ yobu Judahidi pilap hinek indiŋ niŋgiŋ, “Biyagoŋ hinek, da yabapgenit yoyam. Abalaham adi kumuŋ tuguk, eŋ polofet heki adi maan kumuŋgiŋ, iŋgoŋ du nebek niŋdi medege kame hatilak adi kumuŋ mu tibaak yolaŋ. ⁵³Betnik Abalaham eŋ polofet heki adi loloŋhinit hinek iŋgoŋ kumuŋgiŋ. Kaŋ du dediŋ doktiŋa sigige kisaŋ hinek tilolaŋ?”

⁵⁴Unduŋ niŋgiŋ kaŋ Jesudibo indiŋ yeniŋguk, “Nu na sigine tilowene adi tuwot mu tibek. Batne hatilak, hidi Bepaŋhik yoiŋ, adikuyeŋ nanintilolak. ⁵⁵Hidi adi mu nadidakalemiŋ iŋgoŋ nu adi agaŋ nadidakalemiŋa medeŋiŋ kame hatilat doktiŋa adi mu nadimilat yobit adi yalaŋ yoŋa hidi nabugoŋ tibit. ⁵⁶Tiŋa behik Abalaham adi nu'walaŋ mintaminta nai dulaune kakaŋdok nadifo wapum tiŋa hatiguk. Ala agaŋ folooŋ mintaune kaŋ nadifo tuguk.”

⁵⁷Unduŋ yoguk kaŋ Judame hekidi niŋgiŋ, “Du guletge 50 mu tuguk iŋgoŋ Abalaham deti kaguŋ yo yolaŋ.”

⁵⁸Ninadigiŋ kaŋ yoguk, “Nu biyagoŋ hinek hanimbe nadineŋ. Abalaham adi mu mintaŋ hatigukneŋ nu koom hatigutdi hatilat.”

⁵⁹Unduŋ yobune kawade moŋgola utnim yo tubune Jesu Siloŋyotneniŋ wodimaŋ fouguk.

Me dausipmik niŋ'walaŋ kahat

9 ¹Jesu adi unduŋ tiŋa talipmeŋ wooŋ me niŋ miŋ welaŋ maaneŋ dawi sipmakaŋ mintaguk u kaguk. ²Kaŋ mihiŋiyedi ninadigiŋ, “Hinale, me i kadakanŋ ne'walaŋdi be, be miŋbeu'walaŋdi tuguk kaŋ dawi sipmakaŋ mintaguk?”

³Ninadigiŋ kaŋ adibo yeniŋguk, “U adi nebek niŋ'walaŋ kadakanŋ doktiŋa mu mintaguk, hogok Bepaŋ'walaŋ saŋiniŋ u me dawi

sipmakan'walaŋ hatihatiŋiŋ gineŋ miŋgilanŋonŋ mintadakaledok yona unduŋ mintaguk. ⁴Indi hadapmogonŋ me napmeu bugut'walaŋ kwanai tiyaneem. Tigene mambip tubune nebek niŋdi kwanai tuwot mu tibaakneŋ.^r ⁵Nu kwetfoloŋ hatiliwene hautanedi metam kwetkwet hautahamulak.”

⁶Unduŋ yona maluluk kwetfoloŋ suwaanŋ miŋjobune dagik tuguk kaŋ uŋakoŋ moŋgola me dausipmik dawi foloŋ hafiyeeŋ indiŋ niŋguk, ⁷“Wooŋ Siloam imenŋgwaŋ gineŋ namandake youtelenŋ.” Siloam u inde'walaŋ mede gineŋ “Niŋkut” yoyam.

Kaŋ me u wooŋ namanda youtela daudiwediwe tuguk. ⁸Unduŋ tiŋa udaneŋ buune metam noliŋiye be nadimiŋ tagiŋ adi u kaŋ yogiŋ, “Me i fanŋonfanŋonŋ kweliŋgoŋ ilaŋa nanaŋedok nayo tilak, u bidak?”

⁹Yona nolidi indiŋ yogiŋ, “Wa negoŋ.” Yogiŋ kaŋ nolidi yogiŋ, “Moŋ, me u adi nabuŋgoŋ diwelak.”

Kaŋ me weŋ nebo yoguk, “Nu nagoŋ.”

¹⁰Unduŋ yobune ninadigiŋ, “Kaŋ dediŋ tiŋa du dauge tomuŋak?”

¹¹Ninadigiŋ kaŋ adibo yeniŋguk, “Me wou Jesu yoiŋ adi dagik youmiŋobuŋa moŋgola daune foloŋ hafiyeeŋ naniŋkulune wooŋ Siloam imenŋgwaŋ gineŋ namandatne youtelat. Kaŋ nai uŋaniŋgoŋ daune tomuŋak.”

¹²Yeniŋguk kaŋ adibo ninadigiŋ, “Kaŋ me u daŋ hatak?”

Ninadigiŋ kaŋ “Mu nadilat,” yeniŋguk.

Falisi hekidi me daudiwediwe tuguk diniŋ mebi nadidok kwanai tigiŋ

¹³Unduŋ tiŋa me dawi tombu diwediwe tuguk u nagila Falisi heki'walaŋ ugiŋ. ¹⁴Jesudi me u Sabat foloŋ dawi tubutomuŋguk ¹⁵doktiŋa Falisi hekidi indiŋ ninadigiŋ, “Du dediŋ tiŋa dauge tombu diwelanŋ?”

¹⁶Ninadiune yeniŋguk, “Adi dagik moŋgola daune foloŋ hafiyenŋak kaŋ namandatne youtela daudiwediwe tilat.”

Unduŋ yeniŋguk kaŋ Falisi nolidi yogiŋ, “Me u Yodoko Mede lahula Sabat foloŋ kwanai tilak doktiŋa adi Bepaŋ'walaaniŋ moŋ.”

Kaŋ nolidi indiŋ yogiŋ, “Me kadakanŋiŋ titiŋdi kwanai undiniŋ u tuwot mu tibek.” Unduŋ yona nehi uŋonŋ siwe tigiŋ.

¹⁷Tiŋa me u kotigoŋ indiŋ ninadigiŋ, “Du me u dauge tubutomuŋak aditok dediŋ nadilanŋ?”

Ninadigiŋ kaŋ adibo yoguk, “Adi yadi polofet.”

¹⁸Unduŋ yenimbune Judame talitimeŋ heki adi medeŋiŋ yalaŋ binek yolak yona miŋbeu yenimbune buune indiŋ yeninadigiŋ, ¹⁹“I hidi'walaŋ

^r 9:4 Metam nolidi mede yendok kiliki niŋ indiŋ nadiŋ: Hadapmogonŋ kwanai tiyaneem adi metam hogohogok kaipmuŋ hatiŋyam wendok kamekaŋ yolak. Eŋ mambip tubune Bepaŋ'walaŋ kwanai tuwot mu titiŋdok adi metam hogohogok indi kumuŋa nemenemek tuwot mu titiŋdok wondok kamekaŋ yolak.

mihihik dausipmakanj mintaguk injakonj be? Kanj adi deti daudiwediwe tilak?”

²⁰Unduj yeninadiginj kanj miñbeudibo yogumuk, “Me i indi mihinik dawi sipmakanj mintaguk u aganj nadiyamut, ²¹injonj dedinj tiña daudiwediwe tilak be neenji tubukedebanjak u indi mu nadiyamut. Adi aganj bedinaditomulak ale ne kedem ninadi kanenj.”

²²⁻²³Judame heki’walañ me wapuhidi yofafanje indinj tiginj, “Nebek niñdi Jesudok Kilisto yobaak adi kayonjbop gineneñ yeninjelektudok.” Unduj yoginj doktiña miñbeu adi munta tiña ne niñkakanjdok yogumuk.

²⁴Unduj yogumuk kanj me dawi sipmakanj mintaguk u kotigonj kutinimbu buune niñginj, “Bepanj dawi gineñ mede biyagonj yobenj. Indi me i kadakaninj titinj u aganj nadiyam kanj du dedinj nadilanj?”

²⁵Niñginj kanj adibo yoguk, “Nu me u kadakaninj titinj be dedinj u mu nadilat injonj nu adi daune sipmakanj hatigutdi daudiwediwe tilat u adi aganj nadihinakalat.”

²⁶Yeniñguk kanj kotigonj niñgigineen indinj ninadiginj, “Me u manjonj tiña gehitubu-kedebanjak be dedinj tigamuñak kanj daudiwediwe tilanj?”

²⁷Niñginj kanj yeniñguk, “Nu mede aganj haniñat injonj deti nadikabeleenj kotigonj hanimbit yonja naninadiinj? Be hidi maanj adi’walañ mihiniye mintane nadiinj? Be hidi maanj adi’walañ mihiniye mintane nadiinj?”

²⁸Unduj yenimbu adibo medehaki gibitanj niña indinj nintoginj, “Du yadi adi mihiniñ kuyonj, enj indi adi Moses’walañ mihiniye. ²⁹Bepanj ne Mosesdok mede niñguk u aganj nadiyam injonj me i denjaninj mintaanj buguk u indi mu nadiyam.”

³⁰Niñginj kanj me wondibo yeniñguk, “Me daune tubutomuñak adi denjaninj mintaanj buguk u mu nadiinj doktiña nu nadihambe unjoninj hinek tilak. ³¹Indi a nadiyam. Bepanj adi me kadakaninj titinj mu yehitubu-lodalak. Me nediyeñ gikiñonj timiña maninj tagimneinj adi hogok yehitubu-lodalak. ³²Kunum kwet tububihit tugukneñ nebek niñdi me dausipmik mintaguk undininj nemu tubukedebaguk nadiyam. ³³Unduj doktiña me i Bepanj’walañkade mu fowe tuguk binek adi kwanai indininj tuwot mu tuluwek.”

³⁴Unduj yenimbu niñginj, “Du danile kadakaninj gimingiminj unjonj dibek mintagunji indi-kube ninindidimewe tilanj?” Unduj niña silone tukukinj.

Me daudiwediwe tugukdi Jesu nadisukilitimijuk

³⁵Unduj tiginj kanj Jesudi kahat u nadiña me daudiwediwe tuguk u tubumintaanj indinj ninadiguk, “Du Me Kobumuñ nadisukilitimilanjbe, be moñ?”

³⁶Ninadiune yoguk, “Wapum, me u neeñ ale, nanimbune kanj kedem nadisukilitimimbit.”

³⁷Yobune Jesudi indin̄ ninguk, “Me u agan̄ kalan̄ en̄ dukut mede yonadi tamut nu in̄akoŋ.”

³⁸Yobune adibo ninguk, “Wapum, nu agan̄ nadisukilitigamulat.” Yon̄a Jesu kayon̄ folon̄ mulelem timiŋa niutumbaguk.

³⁹Unduŋ tuguk kan̄ Jesudi metam indin̄ yeninguk, “Nu kwetfolon̄ in̄on̄ me mebihik tubudakalewe fogut doktiŋa me dausipmik heki adi daudiwediwe tineen̄, kan̄ me dauhik kedehi adi dauhik sipmakahi tineen̄.”^s

⁴⁰Unduŋ yobu Falisi noli un̄on̄ yakin̄ adi mede u nadiŋa indin̄ nin̄gin̄, “Indi daunik sipmakahi moŋ!”

⁴¹Yogin̄ kan̄ Jesudibo yeninguk, “Hidi dausipmik hatiyaneŋ binek kadakanin̄ mu tanen̄, in̄gon̄ hidi dauhik kedem yoin̄ doktiŋa hidi kadakanin̄hinit.”

Dompa kadokome fofoon̄

10 ¹Tiŋa Jesudi mede noli indin̄ yeninguk, “Biyagon̄ hinek hanimbe nadineŋ, me dompa heki’walaŋ yeme gineŋ didimeningon̄ mu foon̄ gimbahan̄ mulolon̄ loon̄ folak adi yadi kubome. ²En̄ me yeme gineŋ didimeningon̄ folak adi yadi dompa yabudoko me. ³Ala me yeme kadokolak adi talik dilitomimbune foon̄ dompaŋiye wohiye kutiyenimbune maŋin̄ mede nadikiyondaan̄ keleŋ fowiin̄. ⁴Maŋin̄ mede agan̄ nadikiyondain̄ doktiŋa kutiyeniŋa koom uune mindan̄ keleŋ. ⁵Dompa heki adi me gitipmuŋ’walaŋ maŋin̄ mede mu nadikiyondain̄ doktiŋa mede yenimbune momoŋ tinetin̄it.” ⁶Jesu adi yoyout mede unduŋ yenimbune mu nadidakalegin̄.

Jesu ne adi dompa kadokome momoon̄

⁷Mede u mu nadidakalegin̄ doktiŋa tomboyoula indin̄ yeninguk, “Biyagon̄ hinek hanimbe nadineŋ. Nu adi dompa heki’walaŋ yeme, ⁸doktiŋa nu mu mintawe timeŋ mintaan̄ hatigin̄ adi yadi kubo tiŋa fana tigin̄. Unduŋ tigin̄ doktiŋa dompa hekidi medehik mu nadigin̄. ⁹Tiŋa nu adi yeme doktiŋa nebek nin̄di nu’walaŋkade bulak adi kadaka mu tibaak. Adi yadi un̄ambuŋat tiŋa nanaje duhuduhu momoon̄ tubumintalak. ¹⁰Kubome adi dompa kuboneen̄ yehitubu-kadakaan̄ widihikumun̄dok hogok yaulak. In̄gon̄ nu adi dompa heki adi kulemaŋon̄ hatibune hatihati fafaŋeniŋ tubumintayemdok yon̄a fogut.

¹¹“Nu adi dompa kadokome momoon̄. Dompa kadokome momoon̄ adi indin̄in̄: Adi hatihatiniŋ netok mu kahileen̄ dompa hekidok hogok nadilak. ¹²Tipilapilaye me adi dompa molom moŋ. Unduŋ doktiŋa adi kamo moihi

^s 9:39 een̄ 9:41 Mede kiliki indin̄: Me nadisukiliti timiin̄ adi welehiŋ diniŋ dawi u tubutomiyemulak.

buune yabuŋa ne folooŋdok nadiŋa dompa heki biyabuŋa momoune kamo moihidi fooŋ dompa yehitubu-pupuheneeŋ noli yehisikumunŋa naiŋ. ¹³Tipilapilaye me adi muneeŋdok hogok nadilak doktiŋa dompadok nadibedi mu tiŋa momoŋ tilak. ¹⁴⁻¹⁵Baŋdi nu nadinamulak kaŋ nu Baŋ nadimilat undugoŋ dompanyedi nu nadinamiŋ kaŋ nu maanŋ adi nadiyemulat. Nu dompa kadokome momooŋ doktiŋa hatihatine aditok yemulat. ¹⁶Tiŋa nu'walaŋ dompa noli gimbaŋaŋ gineŋ iŋgoŋ mu hatiŋ u maanŋ yahaŋewe buŋa bopneeŋ medene nadineeŋ. Kaŋ dompadi bop kubugoŋ minta hatibune yabudoko me kubugoŋdi yabudokoluwaak.

¹⁷“Nu hatihatine biŋa kotigoŋ kahilewaat doktiŋa Me Baŋ adi weleŋdi hinek nabukahile tilak. ¹⁸Nebek niŋdi hatihatine u mu nolomtibaak, unduŋ titiŋdok u na nadiŋa tibaat. Hatihatine bibiŋdok be hatihatine tomboyoula hatidok wendok saŋiniŋ hatnamulak. Me Baŋdi unduŋ titiŋdok nanindapmaguk.”

¹⁹Jesudi mede unduŋ yobune Judahi metam nehi uŋgoŋ siwe tigiŋ. ²⁰Tiŋa metam feedi indiŋ yogiŋ, “Me ya yabapdi fomimbune nadibubuye tiŋa mede undiniŋ yolak ale hidi dediŋ doktiŋa medeŋiŋ nadiŋ?”

²¹Unduŋ yogiŋ kaŋ metam nolidi indiŋ yogiŋ, “Me yabapnitdi mede indiniŋ kedembe yobek? Tiŋa undugoŋ me yabapnitdi dauhik sipmakahi deti yehitubu-tombek yo yoiŋ?”

Judahidi Jesu mik timiŋgiŋ

²²Bepaŋ'walaŋ Siloŋyot kameheune yakuk u kotigoŋ dilitomuŋa kahaŋ tigiŋ diniŋ gulet tuguk. ²³Nai uŋaniŋ sububa nai tubune Jesu adi Siloŋyot gagayeŋ Solomon'walaŋ walanda yoyagiŋneŋ uŋoŋ uŋambuŋat tubune ²⁴Judame hekidi kelemadi yaliŋa niŋgiŋ, “Du dediŋ doktiŋa mebige kamehebiune welelufom kisaŋ hinek tam. Biyagoŋ hinek, du Kilisto nobu kaŋ didimeŋgoŋ-ku niniliŋ.”

²⁵Unduŋ niŋgiŋ kaŋ Jesudibo yeniŋguk, “Nu mede agaŋ koom haniŋgut iŋgoŋ hidi nu mu nadisukilitinamiŋ. Nu kudi tilat woŋ adi Batne'walaŋ saŋiniŋ foloŋ tibe mebine uŋoŋ mintadakalelak ²⁶iŋgoŋ hidi nu'walaŋ dompa mu hatiŋ doktiŋa mu nadisukilitinamiŋ. ²⁷Nu'walaŋ dompanye adi agaŋ nadiyemulat kaŋ adi maanŋ nu'walaŋ medene nadiŋa nehikeleiŋ ²⁸doktiŋa nu hatihati fafaŋeniŋ yembe kumuliwe mu tineeŋ, moŋ hinek. Tiŋa undugoŋ nebek niŋdi kohone gineniŋ tuwot mu nolommoŋgolaak. ²⁹Baŋ adi nemenemek hogohogok yalakapme-dapmaŋ tilakdi metam u namguk doktiŋa nebek niŋdi Batne'walaŋ kohoŋ gineniŋ tuwot mu kibidali moŋgolaak. ³⁰Eŋ nu tiŋa Baŋ indi kubugoŋ.”

¹ 10:22 Koom mapme kadakaniniŋ niŋ hatiguk wou Antaiokas. Adi Judahi'walaŋ Siloŋyot tubukadaka tuguk. Unduŋ tubune Judame heki Siloŋyot kamehep tubu hogok yatuguk. Ala youtewalandaanŋ kotigoŋ dilitomuŋa kahaŋ tigiŋ.

³¹Unduŋ yenimbune Judahi metamdi kotigoŋ kawade moŋgola kula utne tigiŋ kaŋ yeninguk, ³²“Nu Batnedi nehitudu-lodaune kudi mebimebi momooŋ hogok tibe kaiŋ. Iŋgoŋ hidi kudi deŋak kau kadakaune kawadedi nutne tiŋ?”

³³Yenimbune yogiŋ, “Indi nemenemek momooŋ tilaŋ wondoktiŋa mu gutnetam. Du kwetfoloŋ medigoŋ Bepaŋ nintifo tiŋa da Bepaŋ yolaŋ wondoktiŋa gutnetam.”

³⁴Unduŋ niŋgiŋ kaŋ Jesudibo yeninguk, “Hidi hide’walaŋ Youkudip Mede gineŋ Bepaŋdi indiŋ yoguk kaŋ youkiŋ,

‘Indiŋ hanilat, “Hidi maan bepaŋ.”’

³⁵Youkudip Mede gineŋ mede hatak u tuwot mu tubufitdok, kaŋ koom Bepaŋdi medeŋiŋ Judahidok yemiŋa nai uŋaniŋgoŋ ‘Hidi maan bepaŋ’ yeninguk. ³⁶Unduŋ doktiŋa nu adi Baŋdi nehitudu-dakaleeŋ naniŋkulune kwetfoloŋ iŋoŋ fogut doktiŋa Bepaŋ’walaŋ mihiŋiŋ yolaŋ kaŋ hidi dedin doktiŋa Bepaŋ nintifo tilat naniŋiŋ? ³⁷Nu kwanai tilat u kaune Batnedi kwanai namguk nabugoŋ tilat kaŋ hidi kedem nadisukilitinamneŋ. Eŋ moŋ nobu kaŋ, moŋ. ³⁸Be kaune Batnedi tilak nabugoŋ tilat kaŋ medenedok hogok moŋ, adi kudi tilat be kwanai tilat u kadakaleeŋ Baŋdi nukut hatilak be nu Baŋdut hatilat u nadidakaleneŋ.”

³⁹Unduŋ yobune kotigoŋ honeeŋ utnim yo tigiŋ kaŋ uŋgoŋ wodimaan uguk.

⁴⁰Jesu adi unduŋ tiŋa momoŋ wooŋ Jodaŋ ime fokolok, Jondi koom Imeyout kwanai hati tugukneŋ uŋgoŋ wooŋ itouguk. ⁴¹Kaŋ metam feedi wooŋ kaŋ yogiŋ, “Jon Imeyoutme adi kudi nemu tuguk iŋgoŋ me yendok medeŋiŋ yoguk adi folooŋ mintalak.” ⁴²Unduŋ yoŋa metam fee kwet uŋoŋ ugiŋ adi nadisukilitimiŋgiŋ.

Lasalus kumunguk

11 ¹Heleniŋ Betani yokwet uŋoŋ me niŋ wou Lasalus adi yagit wapum tiŋa hakuk. Adi wiwiyat lufom Mata dut Maliya. ²Maliya adi koom ime munduŋ momooŋnitdi Jesu kayoŋ yougomuŋa ki hapmuŋdi tubusilidamiŋguk. ³Lasalus adi yagit wapum tiŋa hakuk doktiŋa wiwiyatdi Jesudok mede indiŋ kamegumuk, “Wapum, noke yagit tiŋa hatak.”

⁴Mede unduŋ kamemimbune Jesu adi nadiŋa yoguk, “Yagit i mintalak adi kumuŋ folooŋ titiŋdok mokoŋ. Woŋadi Bepaŋ mihiŋiŋ’walaŋ mebi mintadakaleune metamdi kudi u kaŋ Bepaŋ nintiloneeŋdok mintalak.”

⁵Jesu adi welenŋi Lasalus hekiwit yabukahile hinek tuluguk ⁶iŋgoŋ yagit diniŋ medenai u nadiŋa pilap mu uguk. Adi helebufa lufom uŋgoŋ hatiguk. ⁷Hatiŋa mihiŋiye indiŋ yeninguk, “Kotigoŋ Judiya kwetneŋ unim.”

⁸Unduŋ yenimbu mihiŋiyedi niŋgiŋ, “Hinale, sisa-kabe iŋgoŋ metam uŋahidi kawade moŋgola gutne tigiŋ kaŋ dedin doktiŋa kotigoŋ uŋoŋ uuŋdok yo yolaŋ?”

⁹Ninginj kaŋ adibo yeninguk, “Hele kubugoŋ maanerj nai wapum hatak doktiŋa me niŋ adi hauta ginerj hati yaulune nemek niŋdi tuwot mu youletik. Adi hauta ginerj nemek kedem kadakalewetik. ¹⁰Eŋ nebek niŋ adi timiŋ hautanit mokit uŋa kedem mauletik.” ¹¹Unduŋ yeniŋa tomboyoula indiŋ yeninguk, “Notnik Lasalus adi damo deitak iŋgoŋ nu wooŋ talamsukulewit.”

¹²Yeninguk kaŋ mihiŋiye adi indiŋ yogiŋ, “Wapum, damo deitak u agaŋ kedem pilalek ale.” ¹³Jesu adi kumuŋ tuguk wondok damo deitak yeninguk kaŋ mihiŋiye adi damo biyagoŋ binek deitak yo nadigiŋ.

¹⁴Unduŋ doktiŋa Jesudi miŋgoŋ indiŋ yenindakaleguk, “Lasalus adi agaŋ kumuŋguk, ¹⁵kaŋ nu uŋoŋ mu we kumuŋguk doktiŋa hiditok nadifo tilat. U hidi nadisukiliti foloŋ tinerdok mintajaŋ ale wooŋ kanim.”

¹⁶Unduŋ yoguk kaŋ Tomas (wou niŋ Katap)^u adi mewoi noli indiŋ yeninguk, “Fiit! Indi wanaŋ wooŋ adut noŋgoŋ kumunim.”

Kumuŋ gineniŋ pilapilat eŋ hatihati u Jesu negoŋ

¹⁷Lasalus agaŋ weneŋ hatibune helebufa lufolufom dapmaune Jesudi Betani wosuweguk. ¹⁸Betani yokwet adi Jelusalem yamaŋgoŋ ¹⁹doktiŋa Judahi metam feedi wooŋ Mata yadeleŋnit yehitubu-kilitiŋila hakiŋ. ²⁰Kaŋ Matadi Jesu talipmeŋ bulak yobu nadiŋa Maliya yopmaŋ uŋgoŋ bikabuŋa Jesu kaweguk. ²¹Wooŋ Jesu kaŋ niŋguk, “Wapum, du iŋgoŋ hale tuguŋ binek adi witne tuwot mu kumumba tuguk. ²²Tiŋa nai indidegoŋ du agaŋ nadigamulat, doktiŋa du nemek niŋdok Bepaŋ ninadiwe tiŋaŋ kaŋ kedem gambetik.”

²³Unduŋ niŋguk kaŋ Jesudibo yoguk, “Wife kotigoŋ kaikaŋ pilali hatibaak.”

²⁴Niŋguk kaŋ Matadibo yoguk, “Kougoŋ nai wapum foloŋ pilalaak u agaŋ nadilat.”

²⁵Unduŋ yoguk kaŋ Jesudibo niŋguk, “Pilapilat tiŋa hatihati u nagoŋ. Ale nebek niŋdi nu nadisukilitinamuŋa kumumbaak adi kumuŋ kabeleerj hatibaak, ²⁶eŋ nebek niŋdi kaipmuŋ hatiŋila nadisukilitinambaak adi kumuŋ mu tibaak. Du medene i nadisukilitilaŋ be dediŋ?”

²⁷Niŋguk kaŋ Matadibo yoguk, “Eeŋ, Wapum, nu wenedigoŋ hinek du Kilisto, Bepaŋ Mihiŋiŋ kwetfoloŋ iŋoŋ foguŋ u agaŋ nadisukilitilat.”

Lasalus doktiŋa Jesu maan makat kokuk

²⁸Mata adi unduŋ yoŋa kotigoŋ yopmande wooŋ Maliya kutinimbu buune mede hamahamap ginerj indiŋ niŋguk, “Hinale buŋa hali wooŋ kawerj ganilak.” ²⁹Unduŋ nimbune Maliya adi mede u nadiŋa pilap hinek kawene uguk.

^u 11:16 Nehi'walaŋ mede “Didimo” yoyagiŋ. U mebi katap.

³⁰ Jesu adi yokwet maaney mu foon Matadut mede yonadi tugumukneŋ ungoŋ yali mede kameguk. ³¹ Kaŋ Maliya adi pilap hinek pilali uune Judahi metam adigut yehitubu-kilitiŋa hakiŋ adi u kaŋ wiwi sitiŋiŋ gineŋ binek wooŋ makat kole ulak yo kelegiŋ.

³² Kaŋ Maliya adi pilap hinek wooŋ Jesu hakukneŋ wosuwaan kayon foloŋ maan halija ninguk, “Wapum, du ingoŋ hale tugun binek adi witne tuwot mu kumumbe tuguk.”

³³ Unduŋ niŋa kolune Juda metam nongoŋ ugiŋ adi maan tubulodaan kokiŋ, kolune Jesudi u yabuŋa weleŋ goloune dau gabugabuŋ tiŋa yeniŋguk, ³⁴ “Lasalus dan wenegiŋ?”

Yeniŋguk kaŋ niŋiŋ, “Wapum, buŋa kawej.”

Niŋa nagila ugiŋ, unjale unjale ³⁵ Jesu maan makat kokuk. ³⁶ Kaŋ metamdi kaŋ yogiŋ, “U kaiŋ. Lasalusdok mohinek hati nadimilak.”

³⁷ Yogiŋ kaŋ metam nolidi yogiŋ, “Me dawi sipmakaŋ tubutomiŋgukdi deti noliŋiŋ mu tubukedebaune kumuŋguk?”

Jesudi Lasalus kumuŋ gineniŋ kutinimbu kaikaan pilakuk

³⁸ Jesu adi weleŋ kotigoŋ goloune wooŋ sitiŋiŋ gagayen yakuk. Dabaŋ adi kawade ginaneŋ kameeŋ kawade niŋdi tehegiŋ. ³⁹ Ala Jesudi yeniŋguk, “Kawade i dakaleneŋ.”

Yenimbune Matadi yoguk, “Wapum, kameeŋ hatinene helebufa lufolufom agaŋ dapmalak, kaŋ agaŋ munduŋ kutak.”

⁴⁰ Unduŋ yobune Jesudibo niŋguk, “Nu koom agaŋ ganiŋat. Du nadisukiliti tiŋa Wapum’walaŋ saŋiniŋ kawen ganiŋat u mube nadilaŋ?”

⁴¹ Unduŋ nimbu wabiŋa metamdi wooŋ kawade dakaleune Jesu kunum gineŋ diweeŋ indiŋ niutumbaguk, “Me Baŋ, du yonadine nadilaŋ doktiŋa ganiutumbalat. ⁴² Tiŋa du yonadine helemahemaŋ nadinamulaŋ u agaŋ nadilat ingoŋ metam i yakiŋiŋ adi du napmeune bugut u nadisukilitineŋdok nadiŋa yolat.”

⁴³ Unduŋ yoŋa indiŋ kutiguk, “Lasalus, pilali beŋ!” ⁴⁴ Unduŋ kutibune Lasalus adi kayon kohon be namanda hauledi ulobuŋa kamegiŋ unduŋ bumbut foon yalune Jesudi kaŋ yeniŋguk, “Kwihikulimineŋ!”

Talitimeŋ hekidi Jesu uutdok yohebet tigiŋ

(Matiyu 26:1-5; Mak 14:1-2; Luk 22:1-2)

⁴⁵ Judahi metam Maliya kane bugiŋ adi Jesudi Bepaŋ kunumneniŋ’walaŋ kudi u tubune kaŋ feedi nadisukilitimiŋgiŋ.

⁴⁶ Kaŋ metam noli adi udaneŋ wooŋ Jesudi kudi tuguk u Falisi heki yenimbihikiŋ.

⁴⁷ Yenimbihilune Falisi heki eŋ Silonyot diniŋ talitimeŋ wapuhi adi u nadiŋa me wapuhi wanakaŋ yehihamaneu buŋa bophik yotneŋ bopneŋ yogiŋ, “Indi me u dediŋ timinim? Kudi mebimebi tilak u kanenŋ.

⁴⁸Indi me u kakabeleer hatine undur hogok tibaak kar metam feedi nadisukilitimiņa adi'walaņkade woņ galineer, kar woņ adi Lomahidi indi nindihiņa Siloņyotnik nilomtiņa metamiņye maar yanagitneener.”^v

⁴⁹Me bop u tiņa hakiņneniņ, me niņ wou Kaifa. Nai uņaniņ adi Siloņyot diniņ Talitimeņ Wapum hatiluguk. Ala adi me noliniņye indin yeniņguk, “Hidi kaulehi be? ⁵⁰Be hidi mu nadidakaleiņ? Metam hogohogok kadaka tineemner doktiņa me kubugon niņdi metamdok kibikon tiņa kumumbaak wendi indi maar nihitubu-lodawaak.”

⁵¹Kaifa adi nai uņaniņ Siloņyot diniņ Talitimeņ Wapum hatiguk doktiņa mede u ne nadinadiņinde mu yoguk. Adi kigili mede biyagon hinek yoguk. U mebi indin: Jesu adi biyagon hinek Judahi metamdok kumumbaak. Tiņa undugon aditok hogok mu kumumbaak. ⁵²Adi kwetkwet Bepar'walaņ wapmihiniņye hatiņ u yehibopneune bop kubugon titiņdok kumumbaak.

⁵³Nai uņaniņgon talitimeņ hekidi Jesu uutdok yohebet tigiņ. ⁵⁴Undur doktiņa Jesu adi Judahi dauhik gineņ mingilaņgon mu hatiguk. Adi mihiņye yahaneer momon woņ kwet fiileņ yokwet niņ wou Efeleim uņon hatigin.

⁵⁵Aņelodi Yabukiyondaar Yalakapmeguk diniņ hinamuni nai dulaune metam yokwet kuyaniņ kuyaniņ maar Bepar niutumba titiņdok tiulidoko tine Jelusalemde ugiņ. ⁵⁶Tiņa Siloņyotner uņon Jesu lohiņa nehi indin yonadigin, “Hidi dediņ nadiiņ? Adi hinamunide bek be dediņ?”

⁵⁷Tiņa talitimeņ er Falisi heki adi mede yofafaje tiņa indin yogiņ, “Nebek niņdi Jesu dambek halune kar buņa ninimbihilune woņ nagitnim.”

Maliyadi Jesu kumumbune weneneņdok tiulidokoguk
(*Matiyu 26:6-13; Mak 14:3-9*)

12 ¹Aņelodi Yabukiyondaar Yalakapmegukdok hinamuni titiņdok helebufa 6 hogok hatune Jesu Betanide uguk. Jesudi yokwet uņon Lasalus kumuņ gineniņ tubupilakuk. ²Ala Jesudi uņon uune metam nanaje noņgon nanaņdok tiulidokogiņ u Matadi kidiyembu Lasalus maar noņgon ila nagiņ. ³Ila nalune Maliyadi ime mundur momoon hinek, tuwanin loloņnit^w u tiņa woņ Jesu kayon folon yougomuņa ki hapmuņdi tubusilidaminguk. Undur tubune yotmaar hahat tigiņ u mundur momoonđi kiliņa hakuk.

^v **11:48** Metam feedi Jesu mapmehik kambiyatdok nadigin. Er Falisi hekidi indin nadigin: Metam undur nobu tineer adi Lomahidi kwihitaar Bepar'walaņ Siloņyot be metam be kwet u yehitubu-kadakadapmaneer. ^w **12:3** Ime mundur momoon u wou “nat” yoyagin. Maliyadi ime kap lufomuk wondok tuwot tiņa woņ kudi u tuguk. Bombongi mede gineņ haf lita yoin.

⁴Karj Jesu mihinjiye adi'walaaniņ niņ wou Judas Kaliotniņ, me ukuyen Jesu memik kohohik foloņ kamewaak adi indin joguk, ⁵“Ime munduņ momooņ i 1 tausen kinadi tuwaune muneer u moņgolaņa metam fiyewakahi yemdok i deti tububi tilak?” ⁶Mede u metam fiyewakahidok mu nadiņa joguk, adi nehi'walaņ muneer u kadokooņ kabup moņgotuguk wendoktiņa muneer u netok moņgole nadiņa joguk.

⁷Unduņ joguk karj Jesudibo joguk, “Bikabune tibek, adi yadi ime munduņ momooņ u nu foloone gomnamdegoņ yo kamehatilak u kumuņ tibene nehaweneer wendok nehitiulidokolak. ⁸Me fiyewakahi adi helemahelman hidut iņgoņ hatiyaneer, er nu adi hidigut yagigi mu hatibaat.”

Talitimeņ heki adi Lasalus maan ulukumuņdok yohebet tigiņ

⁹Judame fee adi Jesu Betani uņoņ hatak nadiņa ugiņ. U Jesu kakaņdok hogok mu nadiņa ugiņ, adi Jesudi Lasalus kumuņ gineniņ tubupilakuk u maan kane nadiņa ugiņ. ¹⁰⁻¹¹Jesudi Lasalus kumuņ gineniņ tubupilakuk karj Judahi metam feedi Jesu nadisukilitimiņa Siloņyot diniņ talitimeņ wapuhi biyabugiņ doktiņa talitimeņ hekidi bopneer Lasalus maan ulukumuņdok yoņa yohebet tigiņ.

Jesu Jelusalemde uune nintilogiņ

(Matiyu 21:1-11; Mak 11:1-11; Luk 19:28-40)

¹²Heleune metam bop wapumdi Jelusalem uņoņ hinamuni tine bugiņ adi mede indin nadigiņ, Jesu agaņ talipmeņ bulak. ¹³Mede u nadiņa kudihahak wobu moņgola indin kakaliņa Jesu kane ugiņ,

“Nintilonim!

Me i Wapum wou gineņ bulak,

Bepaņdi kahaņ timimbek!

Adi Isilaehi'walaņ mapme!”

¹⁴Unduņ kutiņa tubune Jesu adi doņki mihiniņ niņ tubumintaan uņgoņ looņ ila uguk, u kigili mededi indin yolak wondok tuwot tuguk,

¹⁵“Saiyonhi metam, hidi munta mu tineņ! Mapmehik doņki mihiniņ foloņ ila bulak.”

¹⁶Unduņ tubune Jesu mihinjiye adi nemek u karj mu nadidakalegiņ ala kougoņ kumuņ gineniņ kaikaan pilali kunum hautanit mintadakaleune mihinjiyedi nadidakalegiņ. Youkudip Mede gineņ Jesudok mede youkiņ undugoņ timiņgiņ u nadidakalegiņ.

¹⁷Metam Jesudi Lasalus kumuņ gineniņ tubupilalu kagiņ adi buņa kudi mintaguk u yohautagiņ. ¹⁸Yohautaune metam feedi kudi tuguk u nadiņa wooņ talipmeņ tubumintagiņ. ¹⁹Karj Falisi heki adi u karj nadiu tuwot mu tubune nehi uņgoņ indin yonadigiņ, “U kaneņ, indi kwanainik folooņnit mokit tilak karj metam hogohogok adi Jesu keleiņ.”

Gilikme nolidi Jesu kakaᅇdok yonadigin

²⁰Gilikme kubugonkubugon adi Judahi metam'walaᅇ hinamuni nai gineᅇ Bepaᅇ niutumbane Jelusalemde ugin adi'walaᅇ baᅇamhik gineᅇ uᅇgon nongon hatiᅇa Bepaᅇ niutumbagin. ²¹Tiᅇa Filip adi Galiliniᅇ eᅇ yolikweli Besaida ala adi'walaᅇ wooᅇ mintamiᅇa ningin, "Me wapum, indi Jesu kane nadiyam."

²²Niᅇgin kaᅇ Filipdi wooᅇ Endulu niᅇa wooᅇ Jesu kane yogin u ningumuk. ²³Wooᅇ ningumuk kaᅇ adibo yoguk, "Me Kobumuᅇ adi kudiᅇin uᅇgonin hinek mintadakedok nai agaᅇ tilak. ²⁴Biyagoᅇ hinek hanimbe nadineᅇ, haᅇgom yopmaᅇ hakiᅇin adi folooᅇ fee mu tiᅇin. Ala kiliki kubugon niᅇ tiᅇa wooᅇ kwet gineᅇ kameune kubugon wendiᅇon kumumbu yeuli kadoᅇa looᅇ folooᅇ fee mintawetik. ²⁵Unduᅇ doktiᅇa nebek niᅇ adi ne'walaᅇ hatihatiniᅇdok nadinadi wapum tilak adi hatihatiniᅇ fiit tibaak. Eᅇ nebek niᅇdi kwet yendiniᅇ nemenemekdok nadiune wapum mu tilak adi hatihati fafaᅇneᅇin kahilewaak. ²⁶Nebek niᅇ adi nu'walaᅇ kwanai-me mintawene kaᅇ nu nehikelewaak. Tiᅇa nu hatibaatneᅇ uᅇgon kwanai-mene maᅇn nongon hatidemeet. Kaᅇ Batnedi nintilowaak."

Bepaᅇ wougigitᅇin Jesudi tubuhautaguk

²⁷Unduᅇ yoᅇa tomboyoula indiᅇ yeniᅇguk, "I welene agaᅇ pitpit tubune hehele nadilat ale dediᅇ tibit? Me Baᅇ, nai kadakanin i nolomtibeᅇ, u kedem nimbit inᅇon u tuwot moᅇ. Nu wondegoᅇ bugutneᅇ u deti unduᅇ nimbit? ²⁸Unduᅇ doktiᅇa Me Baᅇ du yobeᅇ kaᅇ wohogegigit miᅇgilangoᅇ mintadakalewek."

Unduᅇ yobune kunum gineᅇin mede niᅇ indiᅇ foguk, "Nu wotnenegigit tubuhautagutdi kotigoᅇ tubuhautawit."

²⁹Unduᅇ yobune metam uᅇon yaᅇin adi mede u nadiᅇa nolidi "muᅇkulap" yogin, kaᅇ nolibeᅇ "Aᅇelodi mede niᅇak," yogin.

³⁰Kaᅇ Jesudibo yeniᅇguk, "Mede u nutok tiᅇa mu yolak, adi hiditok tiᅇa yolak. ³¹Tiᅇa metam yehidanedok nai agaᅇ dulalak eᅇ kwet yendiniᅇ maᅇme u udakapmaᅇdok. ³²Nu nehiloneeᅇ nai uᅇaniᅇ metam hogohogok yanagile nu'walaᅇkade buneeᅇ." ³³U kumuᅇ dediᅇ tibaak wondok nadiᅇa yoyout mede unduᅇ yoguk.

³⁴Unduᅇ yobune metamdibo niᅇgin, "Indi Youkudip Medenikdi Kilisto adi kumuᅇ mu tibaak yolak, kaᅇ du dediᅇ doktiᅇa Me Kobumuᅇ tiloneeᅇ yolaᅇ? Me Kobumuᅇ u neeᅇ doktiᅇa unduᅇ yolaᅇ?"

³⁵Kaᅇ Jesudi mede indiᅇ tubu-udaneyemguk. "Hauta adi leᅇinᅇonhik gineᅇ nai muniᅇon-kabe hautawaak. Tiyaᅇge mambipdi hehikufulawaakneᅇ doktiᅇa hauta hahambune hatiyaneeᅇ. Niᅇ adi mambip gineᅇ yaᅇa talik tuwot mu kadakaleeᅇ yaufit tibetik. ³⁶Unduᅇ

doktiņa hauta hidut iņgoņ hatilakneņgoņ nadisukilitiminenĵ. Unduņ tiņa hidi hauta wendiniņ metam tineņ.”

Jesu adi mede unduņ yeniņa wooņ hebi hatiguk.

Judahi feedi Jesu mu nadisukilitimiņiņ

³⁷Kaņ metam adi Jesudi kudi mebimebi tuguk u dauhikdi agaņ kagiņ iņgoņ mu nadisukilitimiņiņ. ³⁸U polofet Aisaiyadi mede indinĵ youkuk u folooņ mintadok yoņa unduņ tigiņ. Adi indinĵ youkuk,

“Wapum, indi medege yogumun u metam lufom kabedi nadisukilitiņ. Eņ du’walaņ saņiņinge u maañ metam lufom kabedi kaņ nadidakaleiņ.”

³⁹Unduņ doktiņa metamdi Jesu tuwot mu nadisukilitimineeņ u Aisaiya’walaņ mede niņ hatak uņakoņ takaliņa tigiņ. Adi indinĵ youkuk,

⁴⁰“Bepaņdi dauhik yehitubu-sipmakaaņ nadinadihik be welehiķ teheyemguk, tigenē dauhikdi nemenemek kanadidakaleneeneņ be naditomuneeneņ. Unduņ tiņa welehiķ tubutakaleune yehitubu-kedebawaatneņ.”

⁴¹Aisaiya adi Jesu’walaņ saņiniņ eņ wougigit u koom agaņ kaguk doktiņa mede unduņ yoguk.^x

⁴²Kaņ Judame heki’walaņ me wapuhi noli Jesu nadisukilitimiņiņ, iņgoņ yobihilune Falisi hekidi Judahi’walaņ Bopyothik hogohogok gineņ, maaneņ fofoņdok kamehep tiyemneeneņ yoņa mu yobihikiņ.

⁴³Tiņa undugoņ Bepaņ dawi gineņ wohiye loloņnit titiņdok nadiģiņ iņgoņ metam yabuņa nadiune fofoņnit tibaakneņ yoņa nadibedi tiņa nadisukilitihik kamehebi tigiņ.

Jesu gut beu adi kubugoņ

⁴⁴Jesudi mede wapum indinĵ yoguk, “Nebek niņ nu nadisukilitinamulak adi nu hogok mu nadisukilitinamulak, me napmeu fogut adi maañ nadisukilitimilak. ⁴⁵Eņ neeņdi nu nabulak adi me napmeu fogut u maañ kalak. ⁴⁶Nu hautadi kwetfoloņ fogut doktiņa metam nu nadisukilitinamneeņ adi mambip gineņ mu hatineeņ. ⁴⁷Nebek niņdi medene nadiņa mu keleeņ hatibaak, adi yadi medeņiņ mu yodapmawaat, tiņa nu mede yodapmandapmaņdok mu fogut, nu adi metam yehitubulodawe fogut. ⁴⁸Nebek niņ adi nu sigilulum tinamuņa medene mu keleeņ hatibaak adi yadi nebek niņdi medeņiņ mu yodapmawaak. Mede yolat yendiģoņ nai wapum foloņ udanemimbaak. ⁴⁹Nu mede u na nadinadinede mu yolat, Me Baņ napmeune fogutdi unduņ yobeņ yolak kaņ wondok tuwot yolat. ⁵⁰Tiņa nu agaņ nadilat, adi’walaņ maņiņ

^x 12:41 Polofet Aisaiya adi koomkwaha hatiņa kwanai tuguk. Kaņ Bepaņdi Kilisto’walaņ wougigit be saņiniņ u nimbu kaguk.

mededi hatihati fafaŋeniŋ tubumintalak, doktiŋa mede yolat u Baŋdi naniŋdidimelak wondok tuwot yolat.”

Jesudi mihiniye'walaŋ kayohik youteyemguk

13 ¹Aŋelodi Yabukiyondaŋ Yalakapmeguk wendiniŋ hinamuni titiŋdok nai dulaune Jesu adi netok indiiŋ nadiguk. Nu kwet i biŋa Baŋ'walaŋkade udaneŋ lowaatdok naine maŋ agaaŋ dulalak. Unduŋ nadiŋa welenŋdi hinek metamniye yabukahileeŋ ungoniŋ hinek nadiyemtauyeŋ kumuŋguk.

²Timiŋ Jesu adi mihiniye dut nanaŋe ila nalune me kadakaniiŋ adi Jesu bolik timiŋdok nadinadi u Saimon mihiniŋ Judas Kaliotniŋ, adi'walaŋ welenŋ gineŋ agaaŋ kameguk. ³Kaaŋ Jesu adi Beudi saŋiniŋ hogohogok miŋguk u agaaŋ nadiguk, eeŋ adi Bepaaŋ'walaŋkade buguk ala kotigoŋ Bepaaŋ'walaŋkade waak u maŋ agaaŋ nadiguk. ⁴Unduŋ nadiŋa pilali dahidahi wahiniŋ u kwihikameeŋ kwaliukut tiŋa gadiŋiŋ gineŋ ibidokooŋ ⁵ime tiŋa maliŋ foloŋ ugoloŋ mihiniye kayohik youtela kwaliukut gadiŋiŋ gineŋ ibidokoguk woŋgoŋ tiŋa kayohik ukuyemguk.

⁶Unduŋ titabuŋa Saimon Pita'walaŋ busuwaguk kaaŋ Saimon Pitadi niŋguk, “Wapum, du nu aindiniŋ kayone youtetnambendoŋ tuwot moŋ.”

⁷Unduŋ nimbune Jesudibo niŋguk, “Du nemek tilat i indidegoŋ mu nadidakalelaŋ, ala kougoŋ nadidakalewaaŋ.”

⁸Nimbune Pitadibo yoguk, “Moŋ, du nu'walaŋ kayone mu youteleŋ hinek yolat.”

Unduŋ yobune Jesudibo niŋguk, “Nu kayoge mu youtelit adi du welegedi nukut tomboyoutnit mu hatibaaŋ.”

⁹Unduŋ yobune Saimon Pitadibo yoguk, “Wapum, unduŋ yokaŋ kayone hogok mu youteleŋ, kohone kine maŋ youtetnambeeŋ.”

¹⁰Yobune Jesudibo indiiŋ niŋguk, “Nebek niŋ adi ime agaaŋ gomdapmaaŋ mindaŋ kayoŋ hogok youtelune folooŋ hogohogok wanaŋ walandadapmalak. Doktiŋa hidi wanaŋ agaaŋ walandadapmagiiŋ. Ingoŋ hidi hogohogok walandadapmaaŋ mu tigiŋ.” ¹¹(Jesu adi me neeŋdi memik kohohik foloŋ kamewaak u agaaŋ nadiguk doktiŋa mede u yoguk.)

¹²Jesu adi mihiniye'walaŋ kayohik youtedapmaaŋ dahidahiŋiŋ wahiniŋ u kotigoŋ tiŋa dahiŋa iitŋiŋ gineŋ fo ikuk. Fo ila mihiniye indiiŋ yeniŋguk, “Hidi nu nemek tilat u mebi maŋbe kaaŋ nadidakaleiŋ? ¹³Nu hinale tiŋa wapumhik doktiŋa hidi Hinale be Wapum naniŋ u biyagoŋ. ¹⁴Nu hidi'walaŋ hinale tiŋa wapumhikdi kobuk kayohik youtetat, ala hidi hidebo undugoŋ kibikibi youtela hatiyaneŋ. ¹⁵Nu kudi i tilat i hidi hehititiŋenewe hatihatihik gineŋ wendigoŋ fek tihambune kaaŋ titiŋdok yoŋa tilat. ¹⁶Nu biyagoŋ hinek hanimbe nadineŋ. Tipilapilaye me adi wapumniŋ kalakapme mu tilak, be me mede moŋgo yaulak adi me mede nilak kalakapme mu tilak. ¹⁷Kaaŋ hidi mede u nadihinakaŋ wondok tuwot keleeŋ hatineŋ kaaŋ nu habunadifo tibaat.

¹⁸“Nu hidi hogohogokdok mu yolat, nu adi me yehidane tugutdok hogok yolat, iŋgoŋ Youkudip Mededi indiŋ yolak u folooŋ mintawaak, ‘Me nanaje nonŋoŋ nayamut adi udaneen mik tinambaak.’ ¹⁹Mede i timen yolat ala folooŋ kougoŋ mintaune kaŋ nu Wapumdi agaŋ nadidakaleen yogut u nadisukilitineen. ²⁰Nu biyagoŋ hinek hanimbe nadineŋ. Nebek niŋ adi hidi habudokoŋ momooŋ tihambaak, adi nutok maan tinambaak, tiŋa me napmeune fogut adi maan timimbaak.”

Jesu memik kohohik foloŋ kameŋdok me mintadakaleguk
(*Matiyu 26:20-25; Mak 14:17-21; Luk 22:21-23*)

²¹Unduŋ yeniŋa weleŋ maaneŋ nadiune tuwot mu tubune miŋgoŋ hinek indiŋ yeniŋguk, “Nu biyagoŋ hinek hanilat. Hidi’walaaniŋ me niŋdi nu memik heki kohohik foloŋ napmewek.”

²²Unduŋ yenimbune mihiŋiye adi boho tiŋa mede u neeŋdok yolak yoŋa nehi uŋgoŋ kikakika tigiŋ. ²³Tiŋa mihiŋiŋ niŋ Jesu ne aditok mohinek nadimiluguk^Ƴ adi Jesu dut haŋgalaŋ ikumuk. ²⁴Doktiŋa Saimon Pita adi kohoŋdi welewele tiŋa niŋguk, “Nebekdok yolak u ninadikaweŋ.”

²⁵Unduŋ nimbune mihiŋiŋ wendi uyeŋ ninadiguk, “Wapum, u neditok yolaŋ?”

²⁶Ninadiguk kaŋ Jesudibo niŋguk, “Belet ime kudut gineŋ kapmaan mimbe nawek adikuyoŋ.”

Unduŋ yoŋa belet faki tiŋa ime kudut gineŋ kapman tiŋa Judas Kaliotniŋ, Saimon mihiŋiŋdok miŋguk. ²⁷Unduŋ tubune nai uŋaniŋgoŋ Sadaŋdi Judas fomimbune Jesudi niŋguk, “Nemek tibe nadilaru u pilap hinek tibeŋ.”

²⁸Jesudi mede u yobune mihiŋiye noli nonŋoŋ ikiŋ adi mede u maŋgoŋde yoguk u nadidakale mu tigiŋ. ²⁹Tiŋa mihiŋiye noli adi indiŋ nadigiŋ, Judas adi muneenŋnik kadokolak doktiŋa nanaje wooŋ tuwaan buune hinamuni tiulodokodok be fiyewakahi yemdok nilak yoŋa nadigiŋ.

Jesudi mihiŋiyedok yodoko mede gitipmuŋ yemguk

³⁰Jesudi mede unduŋ nimbune Judas adi belet u tiŋa naan foulune nai uŋaniŋgoŋ mambip tuguk.

³¹Judas fooŋ uluguk kaŋ Jesu adi mihiŋiye noli indiŋ yeniŋguk, “Me Kobumuŋ’walaŋ wougigitiŋ agaŋ mintawe tilak. Eŋ Bepaŋ’walaŋ wougigit u maan titiŋiŋ gineŋ mintadakalewe tilak. ³²Me Kobumuŋ adi Bepaŋ’walaŋ wougigit tubuhautalak doktiŋa Bepaŋdibo Me Kobumuŋ’walaŋ wougigitiŋ undugoŋ tubuhautawaak. Nemek u nai mu kweheyelune pilap mintawaak.

³³“Mihineye, nu hidigut iŋoŋ yagigi mu hatibaat, kaŋ nolohi tineen. Doktiŋa Judahi’walaŋ me wapuhi yeniŋgut undugoŋ kamiŋ hidibo hanimbit. Hidi nu waatneŋ uŋoŋ mu uneen.

^Ƴ 13:23 Jon adi netok nadiune fofonŋit tuguk dokti wou mu yohautaguk.

³⁴“Nu kamiŋ yodoko mede kobuli niŋ hanimbit. Nu hiditok uŋgoniŋ hinek nadilat undugonj hidi maanŋ nohiyedok uŋgoniŋ hinek nadiyemaneej. ³⁵Hidi undugonj hinek tiŋa hatineej kaŋ metam nolidi habunadiune hidi nu’walaŋ mihineye hinek tiluwaak.”

Pitadi Jesu dut malabumuŋ nonŋonj hekidok yogigine tuguk
(*Matiyu 26:31-35; Mak 14:27-31; Luk 22:31-34*)

³⁶Unduŋ yenimbune Saimon Pitadibo niŋguk, “Wapum, du daŋ waan ale?”

Ninadiune Jesudibo yoguk, “Du kobuk indidegonj nu waatneŋ u tuwot mu nehikeleerŋ waan, iŋgonj kougonj adi kedem nehikelewaan.”

³⁷Yobune Pitadibo kotigonj indiŋ niŋguk, “Wapum, nu adi dutok tiŋa kedem kumumbit nadilat, kaŋ du maŋgonde mu gehikelewit yo nanilaŋ?”

³⁸Unduŋ yobune Jesudibo niŋguk, “Du biyakube nutok tiŋa kumumbe yolaŋ? Biyagonj hinek ganimbe nadiweŋ. Pupup mu kutilune du nu mu nadinamulaŋ nai lufomkulitniŋ yobeŋ.”

Jesu adi kunum diniŋ talik

14 ¹Jesudi mihiniye indiŋ yeniŋguk, “Hidi bulaningonj tiŋa nadibedi mu tineŋ. Bepaŋ nadisukilitimiŋa nu maanŋ nadisukilitinamneŋ. ²Nu Batne yolinerŋ yotmaanŋ fee hakiŋ ala nu woŋ hiditok kwet tiulidokohambaat. U mu hatuwek binek adi mu hanilit. ³Ale nu woŋ kwethik tiulidokooŋ kotigonj udaneerŋ buŋa hanagila woŋ na hatibaatneŋ uŋgonj nonŋonj hatineem. ⁴Hidi talik dediŋ woŋ nu waatneŋ wosuwalak u agaŋ nadiiŋ.”

⁵Unduŋ yoguk kaŋ Tomasdibo yoguk “Wapum, indi du dambek waan u mu nadiyam doktiŋa talik deti nadinim?”

⁶Unduŋ yobune Jesudibo yeniŋguk, “Talik eŋ Mede Biyagonj eŋ Hatihati u nagonj, doktiŋa nebek niŋdi nu nalakapmeerŋ Me Baŋ’walaŋkade tuwot mu wosuwawaak. ⁷Hidi koom nu nabukiyondane tigiŋ binek adi Baŋ maanŋ kakiyondane tigiŋ. Hidi agaŋ nadinamiŋ doktiŋa kobuk indidegonj Baŋ maanŋ agaŋ kaŋ nadimiŋ.”

⁸Unduŋ yobu Filipdi niŋguk, “Wapum, du Baŋ hogok ninimbu kaŋ nadine dapmawek.”

⁹Yobune Jesudibo yoguk, “Nu hidigut nai kweheyeniŋ hinek hatilat kaŋ Filip du deti mu nadinamulaŋ? Nebek niŋdi nu nabulak adi Me Baŋ maanŋ agaŋ kalak. Ale du maŋgonde Me Baŋ hanimbe kanerŋ yo nanilaŋ? ¹⁰Baŋdi welene maanerŋ hatilak undugonj nu maanŋ Baŋ weleŋ maanerŋ hatilat u mube nadidakalelaŋ?

“Baŋ welene maanerŋ hatilakdi kwanaiŋiŋ tilak doktiŋa nu mede hanilat adi nu’walaŋ hogok moŋ. Adi’walaaniŋ tiŋa yolat. ¹¹Ale Me Baŋ adi welene maanerŋ hatilak kaŋ nu adi weleŋ maanerŋ hatilat, mede u yobe

nadisukilitiune folooŋ hinek tibek. Be manedi yobe tuwot mu tilak kaŋ Bepaŋ kunumneniŋ'walaŋ kudi titiŋne u kaŋ nadisukiliti tineeŋ. ¹²Biyagoŋ hinek hanimbe nadiŋeŋ, nebek niŋdi nu nadisukilitinamuluwaak adi yadi nu nemenemek tilat u kedem tibaak. Tiŋa u hogok moŋ. Nu Baŋ'walaŋkade waat doktiŋa adi nu kedem nalakapmeŋ tiŋa nemek wapum hinek tibaak. ¹³Kaŋ hidi nu'walaŋ wotnene kamehatiŋa naninadiŋeeŋ kaŋ wondok tuwot nadihambaat. U Baŋ'walaŋkade youtumba mintadok nadiŋa unduŋ tibaat. ¹⁴Unduŋ doktiŋa hidi nu wotnene kamehatiŋa nemek niŋdok naninadiŋeeŋ kaŋ kedem nadihambaat.”

Jesudi Uŋgoŋiŋ Munabuli kameu fofoŋdok yoguk

¹⁵“Hidi welehiŋdi hinek nabukahileiŋ kaŋ nu mede hanilat u keleeŋ taneeŋ. ¹⁶Kaŋ nu Baŋ ninadiwene adi miŋ-ikilitihik niŋ kameu foŋ hidigut hatiŋa woŋ hatibaak fafaŋeniŋ. ¹⁷Adi yadi mede biyagoŋ diniŋ Munabuli. Metam mu nadimiŋiŋ be mu kaiŋ adi tuwot mu kahileneeŋ. Eŋ adi hidigut hatilak doktiŋa hidi agaŋ nadimiŋiŋ. Tiŋa hidi welehiŋdi maaneŋ hatibaak.

¹⁸“Nu bihabu waat kaŋ hidi kondiŋahi wele mu hatineeŋ. Nu kotigoŋ bu habaat. ¹⁹Nai muniniŋ-kabe hatak u dapmaune metam nadisukilitihiniŋ mokit adi tuwot mu nabuneŋeŋ iŋgoŋ hidi adi a nabuneŋeŋ tiŋa nu kaipmuŋ hatibaat doktiŋa hidi maŋ kaipmuŋ hatineeŋ. ²⁰Nai uŋaniŋ indiŋ nadidakaleneeŋ. Nu Baŋ welen maaneŋ hatilat, kaŋ hidi nu welene maaneŋ hatiŋiŋ kaŋ nu hidi'walaŋ welehiŋdi maaneŋ hatilat.

²¹“Tiŋa nebek niŋdi nu'walaŋ mane mede nadiŋa keleeŋ hatilak adi weleniŋdi nabukahile hinek tilak. Kaŋ nediyeŋ weleniŋdi nu nabukahile hinek tilak, u Batnedi maŋ weleniŋdi me u kahile hinek tilak. Tiŋa na maŋ me u welenedi hinek kahileŋ mebine nindakaleluwaat.”

²²Unduŋ yobune Judas, Kaliot yokwetneŋniŋ u moŋ, adi Judas nolidi indiŋ niŋguk, “Wapum, du dediŋ doktiŋa mebige u metam nolidik kamehebi tiŋa inditok hogok tubumintanimbe yolaŋ?”

²³Unduŋ ninadiguk kaŋ Jesudibo indiŋ tubu-udaneŋeŋ niŋguk, “Nebek niŋ weleniŋdi hinek nabukahile tibaak adi mede yolat u keleeŋ tibaak, kaŋ Baŋdi maŋ weleniŋdi hinek kahile tibaak, kaŋ Baŋ indi buŋa adigut noŋgoŋ ipilat tademeet. ²⁴Eŋ nebek niŋ adi weleniŋdi hinek mu nabukahilelak adi medene mu kelelak. Tiŋa nu mede hanilat uyadi na'walaŋ mede moŋ, uyadi Me Baŋ napmeune bugut'walaaniŋ.

²⁵“Nu hidigut iŋgoŋ hatiŋa mede i hanindidimetabulat. ²⁶Iŋgoŋ hidi'walaŋ miŋ-ikilitihik, Uŋgoŋiŋ Munabuli u Baŋdi nu'walaŋ wotnene gineŋ kamehambu foŋ nemenemek hogohogok hanindidime tibaak. Unduŋ tubune nu nemenemek haningut u kedem naditomneeŋ.

²⁷“Nu'walaŋ fekne adi welekulema hamulat. Welekulema u kwetfoloŋ me'walaŋ moŋ, uyadi na'walaŋ welekulema hinek hamulat. Unduŋ doktiŋa munta mu taneŋeŋ be bulaniŋgoŋ tiŋa nadibedi mu taneŋeŋ.

28 “Nu bihabu wit, wooj hatigene kotigoj bu habaat, u agaj hanimbe nadij. Bañ adi nalakapme tilak doktiña hidi welehikdi nabukahile hinek tanerj binek adi Bañ’walañkade uundok yobene nadifo tanerj.

29 “Nemek folooj mu mintaune timenjdegoj hanilat ala kougoj hatigene folooj mintaune kañ nadisukilitihik tubukilitineerj. 30 Kwet yendiniñ mapme agaj bulak doktiña nu mede kotigoj kweheyeniñgoj mu hanimbit. Adi nemek niñ tinamdok sañiniññiñ nemu halimilak 31 iñgoj nu wenedi hinek Me Bañ kahileerj kwanai naniñguk u tilat u metamdi kañ nadidakaleneerj, ale pilalu une.”

Jesu adi wain mebi

15 1 “Nu adi bem wain diniñ mebi hinek kañ Bañ adi dinina wendiniñ molom. 2 Ala tañeniñne dendi folooj mu tiñj u yadi Me Bañdi fidoko moñgoyakut tilak. Tiña folooj tiñj u dobututumbaune folooj wapum mintadok kwanaiñiñ tilak. 3 Hidi mede hanimbe nadij wendi agaj hehitubu-walandalak. 4 Ale hidi nukut kadiña hatibune nu mañ hidut kadiña hatiluwaat. Wain tañeniñ niñ adi mebi gineñ mu youdihilak adi folooj tuwot mu tilak, eñ mebi gineñ youdihilak adi folooj kedem tilak. Undugoj hinek hidi mañ nukut mu kadineerj uyadi foloojhinit mokit tineerj.

5 “Nu adi wain mebi hinek kañ hidi adi tañeniñneye. Unduñ doktiña hidi nu mokit hatiña nemek niñ tinenjdok tuwot mu hatak. Eñ nebek niñdi nu’walañkade kadiña hatilak kañ nu mañ adut kadiña hatilat adi folooj wapum tubumintalak. 6 Nebek niñ nukut mu kadiña hatilak adi indiniñ; wain tañeniñ dobune sigene tiñj u moñgo bopneerj wooj kudup gineñ heu dalak. Undugoj hinek timindok. 7 Hidi nukut kadiña nu’walañ medene kame hatiña nemek niñdok ninadiune wondok tuwot Bañdi hamuluwaak.

8 “Hidi folooj wapumhinit tiña mihineye hinek mintadakaleerj hatibu Batne’walañ wougigitñiñ mintawaak. 9 Bañ adi welenđi hinek nabukahilelak undugoj nu mañ wenedi hinek habukahilelat, ale hidi nu’walañ welesiloñ gineñ uñgoj hatiyaneerj. 10 Nu Bañ’walañ medeniñ nadiña keleerj adi’walañ welesiloññiñ gineñ hatilat undugoj hinek hidi mañ nu’walañ medene keleerj hatineerj adi nu’walañ welesiloñne gineñ hatineerj.

11 “Nu’walañ welenadifodi hidi’walañ welehiñ gineñ fotokooñ hahatdok nadiña mede i hanilat. Tiña nadifo hidi’walañ hatak wendi tuwot kilidapmañ hatuwaak. 12 Nu yofafaje medene niñ indinñ hanilat. Nu hiditok welesiloñ tihamulat undugoj hidi hidegoj welesiloñ titiñ tiña hatiyaneerj. 13 Nebek niñdi noliñye yehitubu-lodadok nadiña kumulak wendi welesiloñ noli hogohogok u yalakapmedapmalak. 14 Tiña nu kwanai hanilat i tineerj wondok hidi nu notneye hatineerj. 15 Nu

kotigoj hidi tipilapilaye mihineye mu hanilat. Tipilapilaye me adi me wapumņij'walaņ welaņ maaneņ mede hatak u mu nadilak iņgoj nu adi Batnedi'walaaniņ mede nadigut hogohogok u agaņ hanindapmaañ habene notneye hinek tiij. ¹⁶Tiņa hidi nu mu nehikahilegiņ, adi tobo nu hidi hehikahileeņ kwanai gineņ hapmewene wooņ kwanai tubune folooņ hinek minta hautaañ hali wooņ halaak. Wendegoj tiņa hehikahilegut. Unduņ tiņa hidi nemek niņdok nadiņa kaņ nu wotnene gineņ Baņ ninadiune adi kedem hamuluwaak. ¹⁷Nu yodoko medene indij hanilat. Hidi hide ungoņ welekubugoņ tiņa not momooņ tiņa hatiyaaneeņ."

Jesudi mihiniye mede yenikiliti tuguk

¹⁸"Metamdi habuņa guliniņgoņ tubune kaņ indij nadiineeņ, Wapumnik koom undugoņ timiņgiņ. ¹⁹Metam nadisukilitihinit mokit dut tomboyoula hatiyaaneņ binek adi not tihamaaneņ. Nu adi'walaņ lekiņgoņhik gineņiņ hanagile hidi titiņhik u sigilulum timiņgiņ doktiņa metamdi habuguliniņgoņ tiij. ²⁰Mede indij haniņgut u naditomneeņ, tipilapilaye-me adi wapumņij kalakapmeņ mu tilak. Unduņ doktiņa metamdi nemek nutok tinamgiņ u hiditok maañ tihamneeņ. Adi mik tinamgiņ kaņ hidi maañ mik tihamneeņ. Be nu'walaņ mede nadidahi tigiņ adi hidi'walaņ mede maañ nadidahi tineeņ. ²¹Metam adi me napmeune fogut u mu kakiyondaiņ doktiņa nutok tiņa unduņ tihamneeņ. ²²Nu adi kwetfoloņ mu fooņ mebi mu yodakalewe tugut adi metam kadakanihinit mokit hatiyaaneņ. Iņgoņ agaņ buņa tugut doktiņa metam mu nadinamiij adi'walaņ kadakanihik adi hali wooņ halaak. ²³Nebek niņdi nu nabuņa guliniņgoņ tilak adi Batne maañ undugoņ kaņ guliniņgoņ tilak. ²⁴Nu lekiņgoņhik gineņ Bepaņ kunumneniņ'walaņ kudi mebimebi u mu tilit binek adi metam kadakanihinit mokit hatiyaaneņ. Yoņ adi agaņ tubudapmawe kakabeleeņ nu be Baņ indi guliniņgoņ hogok tinimiij. ²⁵Youkudip mede gineņ mede niņ indij hatak u fafaņelak, 'Adi mebinit mokit guliniņgoņ u hogok-ku tinamfit tigiņ.'

²⁶"Miņ-ikilitihik u kamewe fooņ nu'walaņ mebine yohautawaak. Adi mede biyagoņ diniņ Munabuli, Baņ dut hatilak. ²⁷Tiņa hidi kwanai tububihikutneņgoņ nukut hatitabugiņ doktiņa hidi maañ mebine u youhautaneeņ."

Jesudi mindaņkade malabumuņ mintawaak u mihiniye yenimbihikuk

16 ¹"Nu mede i hanilat adi metamdi nemek tihambune nadisukilitihik gweheyewaakneņ doktiņa yolat. ²Nai niņ dulaune Judahi'walaņ bopyothik hogohogok kamehep tihamuņa fidihikumuņa Bepaņ'walaņ kwanai tam yoneeņ. ³Metam adi Baņ be nu, indi mu nibukiyondaiņ doktiņa unduņ tineeņ. ⁴Tiņa mede i folooņ mu mintaune timenđegoņ hanilat, ala kougoņ folooņ mintaune naditomuņa yoneeņ,

‘Mede koom nininguk u agar foloon mintalak.’ Mede u koom hidut noŋgoŋ hatigumun doktiŋa pilap mu haningut.”

**Jesu ne’walaŋ kwelikon titindok u Uŋgoniŋ
Munabulidi kameu fowaak yoguk**

⁵“Nu adi me napmeune fogut’walaŋkade agar lowe tilat ingon hidi’walaaniŋ nebek niŋdi daŋ we tilat unduŋ-kabe nemu naninadilak. ⁶Ale mede i hanimbe bulaningonŋdi welehik maaneŋ fotokolak. ⁷Nu biyagon hinek hanimbe nadiŋeŋ. Nu udaneŋ lowaat adi hidi’walaŋkade foloon wapum momoon mintadok lowaat. Nu mu lolit binek adi miŋ-ikilitihik mu kamehamulit. Ingon agar lowaat doktiŋa kamehambene baik. ⁸Kamehambene foon kadakanŋ be titiŋ didimeniŋ diniŋ mebi eŋ kibikon diniŋ mede yodapmandapmaŋ hatak wondiniŋ mebi hanimbune nadidakaleneŋ. ⁹Ala kadakanŋ diniŋ mebi adi indiŋ: Meeniŋdi nu mu nadisukilitinamiŋ. ¹⁰Kaŋ titiŋ didimeniŋ diniŋ mebi adi indiŋ: Nu udaneŋ Baŋ’walaŋkade lowaat kaŋ mu nabuneŋ.^z ¹¹Eŋ kibikon diniŋ mede yodapmandapmaŋ wendiniŋ mebi adi indiŋ: Kwetfolon diniŋ mapme adi mede gineŋ yayatdok agar niŋdapmagiŋ.

¹²“Mede haniŋdok fee hatak ingon nai indide hanimbe tuwot mu moŋgodapmaneeneŋ. ¹³Mede biyagon diniŋ Munabuli adi foon nadinadihik tubudakaleune mede biyagon hogohogok nadidakaleneŋ. Tiŋa ne’walaŋ nadinadiŋiŋ gineŋ mede mu hanimbaak, adi Bepaŋdi nimbu nadiŋa uŋakon hanimbaak. Tiŋa nemek kougon mintawaak wendok maŋ hanimbihilaak. ¹⁴Tiŋa undugon nu’walaaniŋ mede u tiŋa foon hanihautane wondi nu’walaŋ wotnenegigit miŋgilangon mintawaak.

¹⁵“Baŋ’walaaniŋ nemenemek hogohogok hatak u molom nu tilat, wondoktiŋa indiŋ yolat. Munabulidi nu’walaŋ mede hatak u tiŋa foon hanihautawaak.”

Jesudi welemulap eŋ nadifo diniŋ mede yoguk

¹⁶“Nai muniniŋ hatak u dapmaune kotigon mu nabuneŋ, ala nai muniniŋ hatak u dapmaune nai uŋaniŋ kotigon nabuneŋ.”

¹⁷Unduŋ yobune mihiŋiye noli adi nehi uŋgon mede kiyonadi tiŋa indiŋ yogiŋ, “Mede u mebi dediŋ doktiŋa unduŋ yolak? Nai muniniŋ hatak u dapmaune kotigon mu nabuneŋ, ala nai muniniŋ hatak u dapmaune nai uŋaniŋ kotigon nabuneŋ. Tiŋa noli indiŋ yolak, nu udaneŋ Baŋ’walaŋkade lowaat.”

¹⁸Unduŋ tiŋa nehi uŋgon gineŋeŋ yogiŋ, “nai muniniŋ hatak u mebi dediŋ doktiŋa yolak u indi mu nadidakaleyam.”

^z 16:10 Jesudi biyagon hinek kaikaŋ pilali Bepaŋ’walaŋkade loguk. Kaŋ wendi didimeniŋ diniŋ foloon miŋgilangon mintadakaleguk.

¹⁹Unduŋ ninadinim yoŋa hatulune Jesudi agaŋ yabukiyondaan yeniŋguk, “Nai muniniŋ hatak u dapmaune mu nabuneen ala nai muniniŋ hatak u dapmaune uŋaniŋ kotigoŋ nabuneen. Hidi nu mede unduŋ haniŋat wendok-kube tiŋa yonadi tiŋi? ²⁰Biyagoŋ hinek hanimbe nadineŋ. Hidi makat kobulabulaye tineen kaŋ kwetfoloŋ metam adi nadifo tineen, be hidi bulanigoŋ tineen iŋgoŋ bulanigoŋhik wondi udaneen nadifo tubumintahambaak. ²¹Tam niŋ adi wapmihi nagitdok naiŋiŋ tubune folofigita kisaŋ nadiwetik, unduŋ tiŋa folofigita dapmaune eyaŋŋiŋ mintanŋak u kaŋ nadifo tilak. ²²Doktiŋa nai indidegoŋ hidi wele figitahinit hatineen ala kotigoŋ udaneen baatneŋ uŋaniŋ hidi nadifo wapum hinek tineen, kaŋ hidi’walaŋ welenadifoŋhik u nebek niŋdi holomtibaakdok tuwot moŋ. ²³Tiŋa nai uŋaniŋ nemek niŋdok tuwot mu naninadineen. Biyagoŋ hinek hanimbe nadineŋ, hidi nemek niŋdok nadiŋa nu wotnene gineŋ Baŋ ninadiyaneen kaŋ adi hamuluwaak. ²⁴I hatitalabugumuneŋ hidi nemek niŋdok nu wotnene gineŋ nemu yonadigiŋ. Yoŋ adi naninadiŋa moŋgolu welenadifoŋhikdi wapum mintaanŋ hahambaak.”

Jesudi kwet yendiniŋ saŋiniŋ agaŋ ulatifoguk

²⁵“Mede haniŋtabulugut u yoyout gineŋ hogok kameen hanilugut, ala nai niŋ dulalak uŋaniŋ adi mede undihi kotigoŋ mu hanimbaat. Nai uŋaniŋ adi Batne’walaŋ mebi u miŋgilangoŋ yodakalewaat. ²⁶Nai uŋaniŋ wotnene kame hatiŋa ninadiune nu hidi yahep tihamuŋa Baŋ nininiŋ u mu tibaat. ²⁷Nu Baŋ’walaŋkade fogut, mede u agaŋ nadidakaleen nadisukilitiŋa welesiloŋ tinamiŋiŋ, doktiŋa Baŋ adi maanŋ hiditok welesiloŋ tihamulak. ²⁸Tiŋa nu Baŋ bikabuŋa kwetfoloŋ fogut ala kotigoŋ kwet i bikabuŋa Baŋ’walaŋkade lowaat.”

²⁹Unduŋ yobune mihiniyedibo indiiŋ niŋŋiŋ, “Kei! Kobuk mede ninilaŋ yoŋ adi yoyout gineŋ mu kamekaanŋ miŋgilangoŋ hinek ninindakalelaŋ. ³⁰Unduŋ doktiŋa du nemenemek hogohogok nadidapmalaŋ u indi agaŋ nadiyam, tiŋa nebek niŋdi du ganinadi titiŋdok tuwot moŋ. Unduŋ doktiŋa indi du Baŋ’walaaniŋ buguŋ u biyagoŋ hinek nadisukilitiyam.”

³¹Unduŋ yobune Jesudibo yeniŋguk, “Hidi kamiŋ biyakube nadisukiliti tiŋi? ³²Nai niŋ hatak u agaŋ dulaune hidi binabuŋa pupuheneen yothik undugoŋ tuwot adapmaneen. Hidi binabudapmaanŋ uneen iŋgoŋ nu na hogok hinek mu hatibaat, Baŋ adi nukut hatilak doktiŋa na hogok hinek mu hatibaat. ³³Hidi kwetfoloŋ iŋoŋ goliŋgoliŋ gineŋ hatineen iŋgoŋ welekulemanedi hidigut halaakdok nadiŋa mede i hanilat. Biyagoŋ hinek, nu kwet yendiniŋ saŋiniŋ agaŋ ulatifolat doktiŋa nadibedi mu tineen.”

Jesudi beu ninadiguk

17 ¹Jesu adi mede unduŋ yodapmaanŋ kunum gineŋ diween Bepaŋ indiiŋ ninadiguk, “Baŋ, nai agaŋ tilak ale mihige’walaŋ wougigit

tubuhautawej kanj mihigedibo du'walaŋ wohogegigit tubuhautawek. ²Du kwet wapum yendiniŋ kadoko wapum adi uŋakoŋ kameguŋ tiŋa metam adi'walaŋkade yapmedapmaanj adi hogohogok hatihati fafaŋej tubumintayemdok nindapmaguŋ. ³Tiŋa hatihati fafaŋej diniŋ mebi adi indij; du Bepaŋ folooŋ hinek eŋ dagoŋ Jesu Kilisto kameu foguk. Metamdi unduŋ nadidakalenimbune hatihati fafaŋej mintayembaak. ⁴Tiŋa kwanai namguŋ hogohogok u agaŋ tubudapmawene kwetfoloŋ iŋoŋ wohogegigit mintalak. ⁵O Baŋ, kwet mu mintalune nu dukut kunum hautanenit hatigut uŋakoŋ koti tubu-udanenambune kame hatibaat.

⁶“Mebop wapum'walaŋ lekiŋgoŋhik gineniŋ yehidaneguŋ adi medege yenihautatalabulat. Adi dutok gigit hatibune nutok yenindapmaguŋ doktiŋa du'walaŋ mede nadiŋa kahileune adi gut hatak. ⁷Eŋ nemenemek nutok namguŋ u du'walaŋkade bugiŋ u agaŋ nadidakaleiŋ. ⁸Nu mede namguŋ u yenimbe agaŋ nadiŋa moŋgokiŋ. Tiŋa adi nu du'walaŋkade bugut u biyagoŋ hinek nadihinakaanj kwanai i dagoŋ namguŋ yoŋa nadisukilitiŋ. ⁹Nu aditok tiŋa ganinadilat. Metam nadisukilitihinit mokit aditok mu ganinadilat. Nu adi metam nutok namguŋ u du'walaŋ metam doktiŋa aditok ganinadilat. ¹⁰Eŋ nemenemek nu'walaŋ u duniŋ eŋ du'walaŋ u nu'niŋ, tiŋa nu'walaŋ wotnenegigitdi adi'walaŋ welehik maaneŋ mintadakalelak. ¹¹Nu kwetfoloŋ iŋoŋ hatihatine nai agaŋ dapmaune du'walaŋkade lowe tilat, kanj adi kwetfoloŋ iŋgoŋ tomboyoula hatineej. O Batne uŋgoŋiŋ, du wohoge diniŋ saŋiniŋ namguŋdi gimbahaŋ tiyembune hatiyaneej. Unduŋ tubune indi welekubugoŋ tiŋa hatiyamut undugoŋ adi maanj welekubugoŋ tiŋa hatiyaneej. ¹²Tiŋa nu adigut hatitalabugut uŋaniŋ da saŋiŋge namguŋ wondigoŋ gimbahaŋ tiyembene maaneŋ hatigiŋ. Unduŋ tiyembene nebek niŋ nemu fiikuk. Iŋgoŋ Youkudip tigiŋ wendi folooŋ mintadok me hamdok gigit tuguk adi kubugoŋdi kadakalak.

¹³“Nu agaŋ du'walaŋkade we tilat doktiŋa nu'walaŋ welenadifonedi welehik gineŋ tokiune hatiyaneej yoŋa kwetfoloŋ noŋgoŋ hatiŋila i yeniŋkilitilat. ¹⁴Nu kwetfoloŋniŋ moŋ doktiŋa adi maanj kwetfoloŋhi moŋ. Unduŋ doktiŋa medege yenimbe kame hatibune kwetfoloŋ metam adi yabuŋa gulidaŋgoŋ hogok tiyemiŋ. ¹⁵Du kwetfoloŋ iŋoŋ yahajedapmanj titiŋdok mu ganinadilat. Adi tobo me kadakanijdi yehitubu-kadakawaakneŋ doktiŋa yabudoko titiŋdok yoŋa ganinadilat. ¹⁶Nu kwetfoloŋniŋ moŋ doktiŋa adi maanj kwetfoloŋhi moŋ. ¹⁷Du'walaŋ mede biyagoŋ hinek wendi welehik gineŋ kametokoyembune uŋgoŋiŋ hatiyaneej. ¹⁸Tiŋa du naniŋkulune kwetfoloŋ fooŋ kwanai tugut undugoŋ nubo yeniŋkule adibo kwetkwet wooŋ kwanai tineej. ¹⁹Nu adi yehitubu-lodadok tiŋa hatihatine wanakaŋ kunilit hinek dutok gamdapmalat, unduŋ doktiŋa biyagoŋ hinek adi datok hinek tiŋa uŋgoŋiŋ hatiyaneej.

²⁰“Nu aditok hogok mu ganinadilat, adi gigitmede yenimbune nadisukilitinamneej aditok maanj nadiña ganinadilat. ²¹Tiña adi welekubugon tiña hatidok yonja ganilat. Bañ, du nukut welekubugon tiña hatiyamut undugon adi maanj welekubugon tiña hatiyaneej. Adi unduj tiña indut welekubugon tiña hatiyaneene kwetfolonj metam adi du napmeune fogut u nadihinakaneej. ²²Tiña indi maanj welekubugon hatiyamut undugon adi maanj welekubugon tiña hatiyaneej yonja wotnenegigit namgunj u yemulat. ²³Tiña indij maanj ganinadilat. Du nukut welekubugon tiña hatiyamut undugon nu maanj metam nadisukilitinamneej adut welekubugon tiña hatiyaneem. Adi kifolok ej bop kubugon tiña hatiyaneej. Unduj tubu metam hogohogokdi indij nadineej, Biyagonj hinek du napmeune fogut. Tiña indij nadisukilitineej, nu nehikahilelaj undugonj adi maanj yehikahilelaj.

²⁴“Bañ, metam nutok namgunj adi nu hatibaatnej unjonj hatineejdok yonja yolat. Kañ kwet mu mintalune welegedi hinek nabukahileguj doktiña wotnenegigit namgunj unjakoñ nukut hatinja kaneej. ²⁵Bañ, didimenej molom, kwetfolonj metam adi mu nadidakalegamiij, injonj nu adi aganj nadidakalegamulat kañ kayonjbopneye adi u maanj du napmeune fogut u aganj nadihinakaij. ²⁶Nu medege yenindakaleej hatitalabugut undugonj yenindakaletawaat. Unduj tibene du welegedi hinek nabukahilelaj u adi maanj nadineej, tiña nu adi walañ welehek maanej hatiluwaaat.”

Jesu memikñiye hekidi Jesu honene ugiñ
(*Matiyu 26:47-56; Mak 14:43-50; Luk 22:47-53*)

18 ¹Jesu adi ninadi kwanai tubudapmaanj mihiniye yanagila Kidolon ime meñeña bem gimij kwanai nij fokolok hatuguknej unjonj ugiñ. ²Jesu adi mihiniyedut fanjonj fanjonj kwet unjonj bopneyagiñ doktiña Judas Jesu mikme kohohik ginej kameñdok adi maanj kwet u aganj nadiluguk. ³Ala unjonj hatune Judas adi wooñ mikme ej Falisi tiña talitimenj wapuhi heki walañ kwanai-mehiye yanagila mik bombonj mongola kamañ gali bem tiña ugiñ. ⁴Jesu adi nemenemek timinej u aganj nadidapmaguk doktiña wo yeninguk, “Hidi nedigonj lohiij?”

⁵Yeninadiguk kañ niñgiñ, “Indi Jesu Nasaletniñ lohiyam.”

Yogiñ kañ yeninguk, “Nu adikuyonj.”

Nai unjanij Judas adi maanj nonjonj unjonj yakij. ⁶Ala Jesudi, “Nu adikuyonj” yeninguk kañ hake sigisigi wooñ kwetfolonj maanj hakiñ.

⁷Kañ Jesudi kotigonj yeninadiguk, “Hidi nedigonj lohiij?”

Yeninguk kañ niñgiñ, “Jesu Nasaletniñ lohiyam.”

⁸Yogiñ kañ Jesudibo yeninguk, “Nu mede aganj haniñat. Nu adikuyonj ale hidi nu nobu nolohiyanej kañ me noli i biyabuneej.” ⁹(Unduj tubune mede koom yoguk wondi foloonj titiñdok yo yoguk, “Bañ, me namgunj u nebek nemu filak.”)

¹⁰Unduŋ ya yolu Saimon Pita adi miknoŋŋiŋ tamali tiŋa Siloŋyot diniŋ Talitimeŋ Wapum'walaŋ tipilapilaye-meniŋ magi didimeniŋneŋkade filodiguk. Me u wou Malikus. ¹¹Kaŋ Jesudi Pita niŋguk, "Miknoŋ u koti yolineŋ dahiweŋ. Du nu Baŋdi folofigita nadiwit yoguk u kamehep-kube tibe tilaŋ."

Jesu honeeŋ nagila Anas'walaŋ ugiŋ
(*Matiyu 26:57-58; Mak 14:53-54; Luk 22:54*)

¹²⁻¹³Unduŋ tubune mikme heki eŋ talitimeŋhik eŋ Judame heki'walaŋ sigiyakadihiye adi Jesu honegiŋ. Honeeŋ ibidihiŋa Anas'walaŋ nagila ugiŋ. Nai uŋaniŋ Kaifa adi Siloŋyot diniŋ Talitimeŋ Wapum hatiguk. Adi Anas'walaŋ waabiŋiŋ nagikuk. ¹⁴Nai uŋaniŋ Kaifadi Judame heki'walaŋ me wapuhi indiŋ yeniŋguk, "Metam hogohogok indi kadaka-dapmaneemneŋ doktiŋa me kubogoŋ niŋdi kumuŋa nihitubu-lodawaak u kedem."

Jesu honeeŋ nagila ulune mihiŋiyat lufomdi keletaugumuk
(*Matiyu 26:69-70; Mak 14:66-68; Luk 22:55-57*)

¹⁵Saimon Pita dut Jesu mihiŋiŋ niŋ adi Jesu nagila ulune mindaŋ keletaugumuk. Ala Siloŋyot diniŋ Talitimeŋ Wapum adi mihi niŋ u agaŋ nadimiluguk doktiŋa adi Jesu keleeŋ gimbahaŋ maaneŋ noŋgoŋ fogiŋ ¹⁶kaŋ Pita adi fakaŋ uŋgoŋ woom hakuk. Wom hatu Jesu mihiŋiŋ niŋ adi kotigoŋ foŋ waabi niŋ yeme kadoko tuguk u nimbune yeme dilitombune Pita maŋ maaneŋ foguk. ¹⁷Kaŋ yeme kadoko waabi wondi Pita kaŋ ninadiguk, "Me wondiniŋ mihiŋiŋ niŋ du kube?"

Ninadiguk kaŋ Pitadibo yoguk, "Nu moŋ."

¹⁸Kwet sububa tuguk kaŋ tipilapilaye-metam eŋ mikme heki adi kudup heeŋ hekobu yaŋiŋ. Kaŋ Pita adi maŋ lekiŋgoŋhik gineŋ uŋgoŋ yali kudup hokom yatuguk.

Siloŋyot diniŋ Talitimeŋ Wapumdi Jesu ninadiguk
(*Matiyu 26:59-66; Mak 14:55-64; Luk 22:66-71*)

¹⁹Jesu nagi logiŋ kaŋ Siloŋyot diniŋ Talitimeŋ Wapumdi^a Jesu ninadiguk, "Mihigeŋe tiŋa metam mede dedeŋ hinek yenindidimelaŋ?"

²⁰Kaŋ Jesudibo niŋguk, "Nu nemek kabup nemu yolugut, nu adi Siloŋyotneŋ be bopyotneŋ metam fee bopneyagiŋ kaŋ mede yenilugut. ²¹Ale du maŋgoŋde nu naninadilaŋ? Tobo metam uŋak yeninadiweŋ kaŋ nu nemek yenimbe nadiyagiŋ u kedem ganineŋ."

²²Unduŋ yobune mikme uŋoŋ yaŋiŋneŋiŋ niŋdi Jesu fawi foloŋ utawatukula niŋguk, "Du Siloŋyot diniŋ Talitimeŋ Wapum mede undiniŋ maŋgoŋde nilaŋ?"

^a **18:19** Nai uŋaniŋ Judahi'walaŋ Siloŋyot diniŋ Talitimeŋ Wapum lufom hatigumuk.

²³Unduŋ nimbune Jesudi indinŋ yoguk, “Nemek yobe kadakanŋak kaŋ mebi nanimbu nadiwit, eŋ nemek talii foloŋgoŋ nobu yobit kaŋ maŋgoŋde nutaŋ?” ²⁴Unduŋ yobune Anasdi Jesu kohonŋ folokenenit undinŋgoŋ kameune Siloŋyot dininŋ Talitimeŋ Wapum^b Kaifa’walaŋ nagila ugiŋ.

Pitadi Jesu sigilulum timiŋguk

(Matiyu 26:71-75; Mak 14:69-72; Luk 22:58-62)

²⁵Jesu unduŋ timilune Pita adi yakukneŋ uŋgoŋ yali kudup-hokom yatuguk. Kaŋ me noŋgoŋ yaŋinŋi niŋgiŋ, “Me wondiniŋ mihinŋi niŋ du-ku be?”

Ningiŋ kaŋ Pitadibo kamehebiŋa yeniŋguk, “Nu moŋ.”

²⁶Unduŋ yoluguk kaŋ Siloŋyot dininŋ Talitimeŋ Wapum dininŋ tipilapilaye-me Pitadi magi udokoguk’walaŋ dikiŋiŋ niŋ adi noŋgoŋ yaŋinŋ, ala Pita kaŋ niŋguk, “Bem giminiŋ kwanai gineŋ dugonŋ bidak noŋgoŋ yalinŋiŋ kaŋ gabuŋat aŋ?”

²⁷Nimbu Pitadi yoguk, “Nu moŋ.” Yalaŋ kotigoŋ unduŋ ya yolune nai uŋaniŋgoŋ pupup kutiguk.

Jesu nagila Pailat’walaŋ ugiŋ

(Matiyu 27:1-2, 11-14; Mak 15:1-5; Luk 23:1-5)

²⁸Helehautaune haniŋ Jesu Kaifa yolineŋ hakukneniŋ nagila Pailat’walaŋ ugiŋ. Pailat adi Lomahi’walaŋ me wapum.

Kaŋ Judame heki’walaŋ me wapuhi adi Aŋelodi Yabukiyondaanŋ Yalakapmegukdok hinamuni tiŋa nanaŋdok nai doktiŋa walaŋiŋgoŋ hali nanim yoŋa maaneŋ mu fogiŋ. ²⁹Unduŋ doktiŋa Pailatdi fakaŋ foonŋ yeninadiguk, “Hidi me i maŋgoŋ yom tiŋak kaŋ honeeŋ nagi buŋit?”

³⁰Unduŋ yeninadiguk kaŋ niŋgiŋ, “Indi me i kadakanŋiŋ titiŋ moŋ binek adi du’walaŋkade tuwot mu nagi bunetumun.”

³¹Yogiŋ kaŋ Pailatdibo indinŋ yeniŋguk, “Unduŋ ale hidi hide nagi wooŋ Yodoko Medehik hatak undugoŋ keleeŋ nindapmaneŋ.”

Yenimbune Judame hekidi yogiŋ, “Indi me niŋ nindapmane kumundok tuwot moŋ.” ³²(Unduŋ tigiŋ kaŋ Jesudi koom kumuŋ dediniŋ kumundok yoguk wendiniŋ foloŋ mintaguk.)^c

³³Unduŋ yobune Pailat adi kotigoŋ udaneŋ wooŋ kwelineŋ yali Jesu nihamaneu buune niŋguk, “Judahi’walaŋ me mapme du-kube?”

³⁴Ninadiguk kaŋ yoguk, “Mede i da be nadiŋa bu nanilaŋ be me nolidi ganiŋit?”

^b 18:24 Nai uŋaniŋ Judahi’walaŋ Siloŋyot dininŋ Talitimeŋ Wapum lufom hatigumuk.

^c 18:32 Jesudi koom nehitaloneŋ yoguk wendiniŋ foloŋ mintaguk. Doktiŋa Lomahi’walaŋ titiŋhik keleeŋ kolondabek foloŋ me kadakahi widikumuyagiŋ undugoŋ adi maanŋ kolondabek foloŋ ukambiyakiŋ.

³⁵Unduŋ yoguk kaŋ Pailatdibo tubu-udaneenŋ yoguk, “Be nu Judame nadilaŋ? Du yadi da metamgeye eŋ talitimenŋgeye nehigoŋ ganagila buŋa kohone foloŋ gapmeŋit. Maŋgoŋ tugoŋ kaŋ ganagi buŋa gapmeŋit?”

³⁶Ninadiune Jesudi yoguk, “Nu adi kwet yendiniŋ mapme moŋ, nu kwet yendiniŋ mapme hatilit binek adi mikmeneyedi Judame talitimenŋ heki nanagitne tiŋit undineŋ kibikibi mindobune tiŋit. Unduŋ doktiŋa nu adi kwet yendiniŋ mapme moŋ.”

³⁷Unduŋ yobune Pailatdi niŋguk, “Unduŋ yolaŋ ale yobeŋ. Du mapme iŋgoŋ be?”

Yobune Jesudibo yoguk, “Da yolaŋ uŋakoŋ, nu adi mapme. Nu mede biyagoŋ yohautawene kwetfoloŋ fooŋ mintagut. Ale nebek niŋ adi mede biyagoŋ kamehatilak adi medene not timilak.”

³⁸Unduŋ yobu Pailatdi niŋguk, “Ka mede biyagoŋ u maŋgoŋ!” Unduŋ yoŋa fakaŋ fooŋ buŋa Judahi metam indinŋ yeniŋguk, “Nu me i kadakaniŋniŋ lohi tilat.”

Pailatdi Jesu bikabune uuŋdok yeninadiguk
(*Matiyu 27:15-31; Mak 15:6-20; Luk 23:13-25*)

³⁹“Tiŋa hide’walaŋ titiŋhik niŋ indinŋ hatak. Aŋelodi Yabukiyondaanŋ Yalakapmeguk diniŋ nai foloŋ gulet indigoŋ me niŋ yot fafaŋeniŋneŋ hogok yeniŋkulene wiinŋ. Unduŋ doktiŋa hidi dedinŋ nadiinŋ. Judahi’walaŋ mapme i niŋkule fooŋ wek be nadiinŋ?”

⁴⁰Unduŋ yobune kutifiyeenŋ niŋgiŋ, “Moŋ, adi moŋ, adi Balabas bikabunimbeŋ.” (Balabas adi gapman dut mik tiŋa me niŋ ulukumunŋguk.)

Pailatdi Jesu koloŋdabek foloŋ loloŋdok yodapmaguk

19 ¹Unduŋ togiŋ kaŋ Pailatdi mikme heki yenindapmaune kiyegelep dendemnitdi Jesu utubukadakagiŋ. ²Utubukadakaanŋ mundendem gwaikemadiŋa mapme kuluŋ welewele tiŋa mebi foloŋ mokomiŋa mapme diniŋ tinahukut giminiŋdi tinahukulimiŋgiŋ. ³Tiŋa hebeŋ gineŋ wooŋ yali indinŋ niŋgiŋ, “O! Judame heki’walaŋ mapme! Ganintiloŋam!” Unduŋ yoŋa fawi foloŋ utawatukukiŋ.

⁴Kaŋ Pailat adi Judame heki’walaŋkade kotigoŋ udaneenŋ fooŋ yoguk, “I kanenŋ. Nu kadakaniŋniŋ moŋ hinek lohikalat ale nagila bene hidi hide mebiŋiŋ kanenŋ.”

⁵Unduŋ yoŋa Jesu ki foloŋ mundendemdi mokomiŋgiŋ eŋ haule giminiŋdi tinahukulimiŋgiŋ u bumbut nagi fakaŋ fooŋ buune Pailatdi yeniŋguk, “I kaiŋ, me yukuyoŋ.”

⁶Nagi fooŋ kameune mikme Siloŋyot kadoko tagiŋ eŋ me talitimenŋ wapuhi adi kaŋ indinŋ kutigiŋ, “Koloŋdabek foloŋ kumumbek! Koloŋdabek foloŋ kumumbek!”

Unduŋ yogiŋ kaŋ Pailatdi yeniŋguk, “Nu kadakaniŋniŋ nemu tubumintaŋat ale hide nagi wooŋ koloŋdabek foloŋ ulukumunenŋ.”

⁷Unduŋ yenimbune metamdi yogiŋ, “Me i ne Bepaŋ mihiŋiŋ yolak doktiŋa Youkudip Medenikdi me undihi u widihikumunŋ titiŋdok hatak doktiŋa u keleenŋ ulukumundok.”

⁸Unduŋ yobune Pailatdi nadiŋa munta kisaŋ tiŋa ⁹kotigonŋ Jesu nagila yot maaneŋ foonŋ kwelineŋ yalaŋa Jesu indiŋ ninguk, “Du deŋaniŋ hinek?” Unduŋ ninadiguk kaŋ Jesu mede nemu tubu-udanemiŋa hogok yakuk. ¹⁰Unduŋ tubune Pailatdi indiŋ ninguk, “Dediŋ doktiŋa medene mu tubu-udanenamulaŋ. Nu mede yodapmandapmaŋ diniŋ saŋiniŋ hatnamulak doktiŋa nu yobe hatibeŋ be nu yobe kumumbeŋ u mube nadilaŋ?”

¹¹Unduŋ yobu Jesudi ninguk, “Hogok binek du nu’walaŋ mede tuwot mu yodapmaliweŋ. Nu’walaŋ mede yodapmaŋdok saŋiniŋ u Bepaŋdi ganguk doktiŋa yolaŋ. Ale nu me nediyenŋ du kohoge gineŋ napmeŋak adi’walaŋ kadakaninŋiŋdi du’walaŋ kadakaninŋ u kalakapmeŋ tilak.”^d

¹²Unduŋ yobune Pailat adi mede u nadiŋa Jesu bikabune uuŋdok yobune metamdi kutifiyeenŋ yogiŋ, “Jesu adi netok me mapme yoŋa Lomahi hidi’walaŋ Mapme Wapum Sisa mik timilak. Ale du me i bikabu wek adi du Sisa’walaŋ me noliŋiŋ mu tibeŋ.”

¹³Pailat adi mede u nadiŋa yobune Jesu nagi founne ne mede yodapmandapmaŋ kwetŋiŋ gineŋ foonŋ ikuk. Kwet u wou ‘kawadedi boigata tigiŋ’ doktiŋa kwet wou nehi’walaŋ mede gineŋ Gabata yoyagiŋ.

¹⁴Mele nai u Aŋelodi Yabukiyondaŋ Yalakapmegukdok tiulidoko kwanai tulune mele lekiŋgoŋ tuguk. Uŋaniŋgoŋ Pailatdi Judahi metam mede indiŋ yeniŋguk, “Hidi’walaŋ mapmehik i kanenŋ.”

¹⁵Unduŋ yobune metam gibita kakaliŋa kutigiŋ, “Kelekulu fowek! Koloŋdabek foloŋ kumumbek!”

Kaŋ Pailatdi indiŋ tubu-udaneenŋ yeniŋguk, “Mapmehik deti koloŋdabek foloŋ ulukumundok yo naniŋ?”

Kaŋ Siloŋyot diniŋ talitimenŋ hekidibo tubu-udaneenŋ ningiŋ, “Indi mapmenik Sisa hogok hatilak. Noli nemoŋ.”

¹⁶Unduŋ yogiŋ kaŋ Pailatdi Jesu koloŋdabek foloŋ kumundok yodapmaŋ mikme heki kohohik foloŋ kameguk.

Jesu koloŋdabek foloŋ ukiŋ

(Matiyu 27:32-44; Mak 15:21-32; Luk 23:26-43)

Kaŋ mikme hekidi Jesu kadokoune ¹⁷koloŋdabekŋiŋ ne bemŋa wooŋ kwet wou niŋ, “Me Mebi Kitili” yoyagiŋneŋ wosuwaŋguk. (Judahi’walaŋ mede foloŋ Golgata yoŋiŋ.) ¹⁸Wosuwaŋ Jesu lekiŋgoŋ ukambiyakiŋ eŋ kadakaninŋ titiŋ meyat lufom adi fukufukuŋ widihiyambiyakiŋ. ¹⁹Unduŋ

^d **19:11** Kaifa tiŋa talitimenŋ wapuhidi Jesu kumundok yodapmaŋ Pailat kohonŋ gineŋ kamegiŋ doktiŋa Jesudi mede i Kaifadok nadiŋa yoguk.

tigin kaŋ Pailatdi kudi niŋ indin youlune tiŋa wooŋ Jesu koloŋdabekniŋ ki foloŋ ukiŋ, “Jesu Nasaletniŋ, Judahi’walaŋ Mapme.”

²⁰Kwet u Jelusalem yamaŋgoŋ doktiŋa Judame feedi uŋambuŋat tiŋa kudi u kunakiŋ. Tiŋa kudi u Judahi’walaŋ mede eŋ Gilikhi’walaŋ mede eŋ Lomahi’walaŋ mede gineŋ youkiŋ.

²¹Kaŋ Judame heki’walaŋ talitimenŋ wapuhidi niŋgiŋ, “ ‘Judame heki’walaŋ mapme’ mu youleŋ. Adi ‘Ne indin yoguk,’ unduŋ youleŋ, ‘Nu Judame heki’walaŋ mapme.’ ”

²²Unduŋ yobune Pailatdi koti indin yoguk, “Nu dedin youlat u undugon halek.”

²³Mikme heki adi unduŋ tiŋa Jesu koloŋdabek foloŋ ulaŋa dahidahiniŋ moŋgola daneŋ bop lufolufom tiŋa moŋgokiŋ. Inŋon dahidahiniŋ wahiniŋ adi foloŋ wendok tuwot kunilit tibinegiŋ ²⁴doktiŋa nehi uŋgoŋ indin yonadigiŋ, “I tububulagine mu tinim. Tobo kat kulaŋa neŋdi tibek u kanim.” U Youkudip Mededi indin yolak wondi foloŋ mintagak.

“Adi bomboŋne daneŋ moŋgola dahidahinedok kat kutneŋ.” Unduŋ doktiŋa mikme hekidi unduŋ uŋakoŋ tigin.

²⁵Mikme hekidi unduŋ tulune Jesu miŋ eŋ miŋ diniŋ deleŋ eŋ Kelopa tamniŋ Maliya eŋ Maliya Madalaninŋ adi Jesu’walaŋ koloŋdabek mebineŋ yakiniŋ. ²⁶⁻²⁷Kaŋ Jesu adi mihiniŋ niŋ aditok momooŋ nadimiluguk adi Jesu miŋ dut noŋgoŋ yalune yabuŋa yeninguk, “Tam, du’walaŋ mihige woŋ. Mihi, du’walaŋ maŋge woŋ. Du nagi wooŋ kadokoluwaŋ.” Unduŋ yobune nai uŋaniŋgoŋ mihi wendi tam u yolineŋ nagi wooŋ kadokoluguk.

Jesu kumuŋguk

(*Matiyu 27:45-56; Mak 15:33-41; Luk 23:44-49*)

²⁸Jesu adi nemenemek agaŋ dapmalak nadiŋa Youkudip Mede gineŋ indin yolak u foloŋ mintadok nadiŋa yoguk, “Nu mane galiune imedok nadilat.”

²⁹Unduŋ yobune imenŋgwaŋ yage wou “spans”^e tiŋa wain buukaŋ gineŋ kupmaŋ tiŋa kusek^f diki foloŋ ibikilitiŋa sumulune looŋ mami foloŋ kameu ³⁰naŋ yoguk, “Agaŋ dapmalak.” Yoŋa boboli fambekeneune kumuŋguk.

Youkudip gineŋ mede hali labuguk u foloŋ mintagak

³¹U hinamuni tiulidoko nai foloŋ tigin ala helenŋ adi Sabat doktiŋa me dabahi koloŋdabek foloŋ uŋoŋ mu yayatdok yoŋa Pailatdi nadiyembune

^e 19:29 “Spans” woŋ adi imenŋgwaŋ maaneŋ yage ikiŋ diniŋ wou. Ala yage u mateles dabugoŋ kulakulayehi doktiŋa ime gineŋ fulaune ime yage wendok gineŋ sininta tilak. ^f 19:29 Kusek u wou hisop. Koom Isip kwetneŋ Aŋelodi Isilaehi yabukiyondaŋ yalakapmeguk, nai uŋaniŋ Isilaehi hisop kusekdi dompa mihiniŋ’walaŋ naŋgat gineŋ kapmaŋ tiŋa yeme foloŋ hafiyegiŋ.

kayohik ugoloune pilap hinek kumumbu yehiwenegidibadok nadiņa woon niņgiņ.⁸ ³²Kaņ mikme hekidi woon meyat Jesu dut widihigiņ u kayohik ugologiņ. ³³Tiņa Jesu kagiņ e agaņ kumuņguk doktiņa kayoņ mu ugologiņ. ³⁴Adi mikme niņdi bohomiņiņ tiņa Jesu gaga foloņ youtombune naņgat dut ime kwatnegumuk. ³⁵(Me dawidigoņ hinek kagukdi mede i yodakaleeņ nadiune biyagoņ hinek tilak. Unduņ doktiņa hidi maāņ nadisukilitineņ.)

³⁶Uyadi Youkudip Mede gineņ adi kitiliņiņ nemu ugoloneeņ yolak doktiņa undugoņ folooņ mintaguk. ³⁷Tiņa undugoņ Youkudip Mede gineņ mede niņ indij yolak,

“Metam nehi me bohomdi youkiņ u kaneeņ.”

Jesu sigiņ gitnem bemņa woon bom gineņ kamegumuk

(*Matiyu 27:57-61; Mak 15:42-47; Luk 23:50-56*)

³⁸Josep adi Alimatiya yokwetneņiņ. Adi Jesu mihiniņ iņgoņ adi Judame talitimeņ hekidok munta tiņa hebihebi tiņa keleyauluguk. Ala me adigoņ Pailat’walaņ woon Jesu’walaņ dabaāņ tiņa woon weneņdok ninadiguk. Kaņ Pailatdi nadimimbu woon Jesu’walaņ dabaāņiņ diliteleguk. ³⁹Eņ Nikodimas, koom timiņ woon Jesu kaņ mede yonadi tugumuk, adi maāņ woon Josep tubulodaguk. Nikodimas adi haguwo munduņhinit lufom tuwaāņ moņgo woon^h ⁴⁰Josep tubulodaāņ Jesu dabaāņiņ yougomuņa haule fafaudi ulobuņa tiņa woon kamegumuk. Meyat adi Judahidi titiņ dedij tiņa me dabahi yehiweneyagiņ wondok tuwot takaliņa tugumuk. ⁴¹Jesu ukiņneņ uņoņ dinina niņ hakuk ala uņoņ bom niņ kawade gineņ wamukiņ, uņoņ koom me dabaņ nemu kamegiņ. ⁴²Heleune Judame heki’walaņ Sabat doktiņa Jesu dabaāņiņ tiņa woon uņgoņ kamegumuk.ⁱ

Jesu kumuņ gineniņ kaikaāņ pilali Maliya Madalanij mintaminguk

(*Matiyu 28:1-10; Mak 16:1-8; Luk 24:1-12*)

20 ¹Sonda haniņ helehauta mu tulune Maliya Madalanij adi Jesu bomniņ gineņ woon kalune kawade wapum agaņ dekeleune bom mami hamap yakuk. ²U kaņ kiyaneeņ woon Saimon Pita dut Jesu mihiniņ niņ Jesudi weneņdi hinek kahileluguk u indij yeniņguk, “Wapum dabaāņiņ agaņ dambek bemņa uņit.”

³Unduņ yenimbu Pita dut mihiniņ noli adi kiyaneeņ bom gineņ ugumuk. ⁴Meyat lufomnikoņ kiyane tugumuk ala Pita adi baigoņ

⁸ **19:31** Judahidi Sabat nai nadiune uņgoniņ hinek tuguk doktiņa dabahi Sabat nai foloņ koloņdabek gineņ uņgoņ yali Sabat tubukadakaneeneņ yoņa moņ yogiņ. ^h **19:39** Haguwo munduņhinit lufom u wouhiyat “alo” tiņa “mel”. U Nikodimasdi 30 kilo wondok tuwot tuwaguk. ⁱ **19:42** Judahidi Sabat nai nadiune uņgoniņ hinek tuguk doktiņa Sabat nai foloņ dabaņ wehemitdok kamehep hatuguk. Unduņ doktiņa meyatdi Jesu sigiņ gitnem timengoņ pilap hinek tiņa woon kamegumuk.

hatilune me noliņij adi timen kiyaneen wooņ bom gineņ wosuwaguk. ⁵Wosuwaan bom gineņ heweņa kaune haule fafau hogok ilu yabuguk, iņgoņ maaneņ mu foguk. ⁶Kaņ Saimon Pita adi mindaņ wosuwaan dapmaan bom gineņ fooņ haule fafau ⁷tiņa haule Jesu ki yaunegin hogok halu yabuguk. Haule Jesu ki yaunegin u ne hogok molomgoņ wobunit halu kaguk. ⁸Kaņ Jesu mihiniņ niņ timen uguk adi maan bom maaneņ fooņ u kaņ nadisukilitiguk. ⁹(Unduņ tiņa Youkudip Mededi kotigoņ kaikaan pilalaak yolak u mu nadidakalegumuk.) ¹⁰Unduņ tiņa meyat u kotigoņ yopmande ugumuk.

Jesudi Maliya Madalanij mintaminguk

(Mak 16:9-11)

¹¹Maliya adi bom gagayen uņgoņ yali makat kolinila duwokeneen bom gineņ diweeņ yabulune aņelo lufom haule fafadi tinahukula ¹²Jesu kamegiņneņ uņgoņ ikumuk, noliyen kayoņ hakukneņkade eņ noliyen mebi hakukneņkade ikumuk. ¹³Yabune aņelo yakatdi indin niņkulemagumuk, “Tam, du makat maņgoņde kotaņ?”

Ninadigumuk kaņ yeniņguk, “Wapumne’walaņ dabaanņiņ agaņ tiņa wooņ kwet dambekniņ kameņit u mu nadilat doktiņa kotat.” ¹⁴Unduņ yoņa udaneen kalu Jesu uņgoņ yakuk iņgoņ adi u Jesudi yatak unduņ mu yo nadiguk.

¹⁵Kaņ Jesudi niņkulemaan niņguk, “Tam, du makat maņgoņde kotaņ? Du neeņ lohilaņ?”

Unduņ nimbune Maliya adi me u dinina wondiniņ kadokome bidaak yoņa niņguk, “Du nobu dambek bemņa wooņ kameweņ kaņ nanimbune wooņ kait.”

¹⁶Yobune Jesudibo niņguk, “Maliya!”

Nimbune fambekeneen kakiyondaan Judahi’walaņ mede foloņ “Laboni!” yoguk. (Mede u mebi ‘hinale’.)

¹⁷Yoguk kaņ Jesudi niņguk, “Nu Me Baņ’walaņkade mu uņatneņ ale nohone mu tibeņ. Tobo wooņ kwayaneye indin yenimber, ‘Nu kotigoņ udaneen kunum gineņ Baņ Bepaņ’walaņkade ulat. Adi yadi nu’walaņ Bepaņne ala u hidi’walaņ Bepaņhik maan. Eņ nu’walaņ Batne ala u hidi’walaņ Behik maan.’”

¹⁸Unduņ nimbune Maliya Madalanij adi udaneen wooņ Jesu mihiniye Wapum agaņ kaguk u yeniņa mede niņguk u yeniņguk.

Jesudi mihiniye mintayemguk

(Matiyu 28:16-20; Mak 16:14-18; Luk 24:36-49)

¹⁹Sonda wondegoņ mambip tulune Jesu mihiniye adi Judame fiyen yoņa muntaan taliyemehik tubukilitidapmaan hakiņ. Kaņ Jesu adi lekiņgoņhik foloņ uņgoņ mintaan yali yeniņguk, “Kulema hidigut halek.”

²⁰Unduŋ yeniŋa kohonyat nilidi ukiŋ eŋ gaga foloŋ bohomdi youkiŋ u yenimbu yabugiŋ. U yabuŋa Wapum agaŋ kayam yo nadifo tigiŋ.

²¹Kaŋ Jesudi kotigoŋ yeniŋguk, “Kulema hidigut halek. Baŋdi napmeune fogut, undugoŋ nubo hapmewe uneeŋ.” ²²Unduŋ yeniŋa munabuliŋiŋ fedidahiyeŋa yeniŋguk, “Uŋgoniŋ Munabuli kahileneŋ. ²³Hidi metam’walaŋ kadakanihhiye tumolokuyembune kaŋ kedem kadakanihhi u dapmayemuluwaak, eŋ mu tumolokuyembune woŋadi kadakanihhi u uŋgoŋ hayemuluwaak.”

Tomasi Jesu kaguk

²⁴Jesu mihiŋiye 12’walaaniŋ me niŋ wou Tomas (wou niŋ Katap)^j adi Jesudi mintayemguk nai uŋaniŋ uŋoŋ mu hakuk. ²⁵Ala mewoi nolidi niŋgiŋ, “Indi Wapum agaŋ kamun.”

Unduŋ niŋgiŋ kaŋ adibo yeniŋguk, “Nu kohoŋ foloŋ nilidi ukiŋ diniŋ bit u mu kaŋ, be kohonedi fek u wehemit mu tiŋa kaŋ be kohonedi gaga foloŋ mu honeeŋ kaŋ adi tuwot mu nadisukilitibaat, moŋ hinek.”

²⁶Ala Sonda niŋ dapmaune Tomas tiŋa mihiŋiye noli adi taliyemehik youkilitiŋa yot maaneŋ bopneeŋ hakiŋ kaŋ Jesu koti lekiŋgoŋhik foloŋ uŋgoŋ mintayemiŋa yeniŋguk, “Kulema hidut halek,” ²⁷yoŋa Tomas indiiŋ niŋguk, “Kohoge tiŋa buŋa kohone foloŋ iŋgoŋ kameeŋ kaweeŋ eŋ kohoge kihiwali gagatne honeeŋ kaweeŋ. Tiŋa kotigoŋ welelufom mu tiŋa nadisukilitinambeŋ.”

²⁸Unduŋ nimbune Tomasi yoguk, “O Wapumne tiŋa Bepaŋne!”

²⁹Unduŋ yobune Jesudi niŋguk, “Du daugedi nabuŋa wondok-kube tiŋa nadisukilitinamulaŋ? Me mu nabuŋa nadisukilitinamiŋiŋ adi Bepaŋdi kahaŋ tiyembune nadifo tineeŋ.”

Pepa i youkuk diniŋ mebi

³⁰Jesu adi mihiŋiye namandahik foloŋ Bepaŋ kunumneniŋ’walaŋ kudi fee tuguk iŋgoŋ wanakaŋ pepa yendok foloŋ mu youdapmaŋat. ³¹I adi hidi Jesu u Kilisto, Bepaŋ mihiŋiŋ u nadisukilitineŋdok youlat. Ala u nadisukilitiŋa adi wou foloŋ hatihati kahiledok.

Jesudi mihiŋiye koti imenŋwaŋ gagayeŋ mintayemguk

21 ¹Jesu adi Taibiliya Imenŋwaŋneŋ mihiŋiye kotigoŋ mintayemguk. ²U indiiŋ tigiŋ. Saimon Pita, Tomas (wou niŋ Katap), Nataniyel adi Kananiŋ agaŋ Sebedi mihiŋiyat, agaŋ Jesu mihiŋiyat noli adi noŋgoŋ hakiŋ. ³Ala Saimon Pitadi yeniŋguk, “Nu pisi hegi wit.”

Unduŋ yobune mewoidi “indi noŋgoŋ unim” yoŋa wooŋ muwage foloŋ looŋ ugiŋ, wooŋ timiŋ pisi kaliŋ tigiŋ iŋgoŋ nemu moŋgokiŋ. ⁴Ala

^j 20:24 Nehi’walaŋ mede “Didimo” yoyagiŋ. U mebi katap.

heleune mele labuguk kaŋ Jesu adi wooŋ imenŋwaŋ fawinerŋ kiŋ foloŋ yalune mihiniye adi kagiŋ iŋgoŋ mu kakiyondagiŋ.

⁵Kaŋ Jesudi yeniŋguk, “Mekuyahi, hidi pisi neeŋbe beŋit?”

Yeninadiguk kaŋ niŋgiŋ, “Moŋ hinek. Kubugoŋ-kabe nemu kamun.”

⁶Unduŋ niŋgiŋ kaŋ yeniŋguk, “Unduŋale umbenhik kohohik didimeniŋneŋkade kapmaanŋ neeŋ moŋgotneŋ.” Yenimbune umbenhik kapmaune pisi fee mumuyenŋoŋ founne hamanti bubuŋdok kwanaimiŋ tiŋa muwage ginerŋ mu kamegiŋ.

⁷Tiŋa Jesu mihiniŋ niŋ welenŋi hinek kahileluguk adi Pita niŋguk, “Ya Wapum kuyoŋ.” Unduŋ yobune Pita adi tinahukut wahiniŋ kwihikula hogok hatiguk doktiŋa dahidahiniŋ wahiniŋ u tiŋa dahiŋa ime ginerŋ tatakula fooŋ mopneŋ wooŋ kiŋ foloŋ losuwaguk. ⁸Mekuyahi adi kweetniŋ hinek mu wooŋ umben kapmagiŋ, doktiŋa umbenhik kalenit wanakaŋ hamanti-buune buŋa kiŋ foloŋ busuwagiŋ. ⁹Buŋa kiŋ foloŋ busuwaŋ kaune maginerŋ uŋoŋ kudup niŋ daune pisi kudup foloŋ hadaguk eŋ belet maŋ uŋgoŋ hakiŋ.

¹⁰Kaŋ Jesudi yeniŋguk, “Pisi kobuk moŋgoliŋit u neeŋ moŋgo bunenŋ.”

¹¹Unduŋ yobune Pitadi wooŋ muwage foloŋ looŋ umben pisi wapuhidi fotokogiŋ u hamanti uguk. Pisi yokunathik 153. Yokunat wapum hinek moŋgokiŋ iŋgoŋ umben u mu bulagineguk. ¹²Jesudi mihiniye “Buŋa nanaŋe nanenŋ” yeniŋguk. Kaŋ mihiniye adi me u Wapum u agaŋ nadigiŋ doktiŋa nebek niŋdi “Du neeŋ” mu ninadigiŋ. ¹³Kaŋ Jesu adi belet moŋgo yemiŋa pisibo tiŋa yemguk.

¹⁴Yoŋ adi Jesu kumuŋ ginenerŋ pilali mihiniye mintayembune nai lufomkulitniŋ agaŋ tilak.

Jesudi Pita kwanai-mede niŋguk

¹⁵Nanaŋe nadapmaanŋ Jesudi Saimon Pita niŋguk, “Saimon Pita, Jon mihiniŋ, du mehinek nolidi nutok nadinamiŋiŋ u yalakapmeenŋ welegedi nu nabukahile hinekbe tilaŋ?”

Ninadiune yoguk, “Eeŋ, Wapum, nu welenedi du gabukahile hinek tilat u agaŋ nadilaŋ.”

Unduŋ yobune Jesudi niŋguk, “Dompaneye kuyahi yemtoi tuluwaanŋ.”

¹⁶Unduŋ niŋa kotigoŋ niŋguk, “Saimon, Jon mihiniŋ, du welegedi nabukahile hinek maŋbe tilaŋ?”

Yobune Saimondi yoguk, “Eeŋ, Wapum, nu dutok uŋgoŋ hati-nadigamulat u agaŋ nadilaŋ.”

Yobune Jesudi niŋguk, “Dompaneye yabu-ulidoko tuluwaanŋ.”

¹⁷Niŋa kotigoŋ niŋguk, “Saimon, Jon mihiniŋ, du nutok maŋbe hati-nadilaŋ?”

Ninadiune Saimondi maŋgoŋde nai lufomkulitniŋ hinek naninadilak yoŋa welemulap tiŋa yoguk, “Wapum, du nemenemek agaŋ nadidapmalaŋdi nu welenedi hinek du gabukahile tilat u agaŋ nadilaŋ.”

Yobune Jesudi yoguk, “Dompaneye yemtoi tuluwaan.”

¹⁸Niņa tomboyoula yoguk, “Biyagoŋ hinek ganimbe nadiweŋ. Mekuya yatilugunŋeŋ daŋ we nadiņa da kiyegelepge youkilitiņa hogok ufit tulugun, iŋgoŋ gawada tibaaneŋ du kohoge kwehene-tiloune nebek niŋdi kiyegelep youkilitigamuņa kwet mu uuŋdok nadiwaanŋeŋ uŋoŋ ganagiwaak.”

¹⁹(Jesudi mede u yoguk adi kougoŋ Pitadi dedin kumumbune Bepaŋ’walaŋ wougigitdi saŋiniŋnit tibaakdok yoguk.) Unduŋ yoŋa Jesudi Pita indin iŋguk, “Nu nehikeleweŋ.”

Mekuya Jesudi kahile hinek tuluguk’walaŋ mede

²⁰Pita adi udaneŋ mekuya niŋ Jesudi welenŋdi hinek kahileluguk eŋ timin nanaje nagiŋneŋ mekuya u mebi Jesu hebeŋ foloŋ hinek sumula Jesu indin ninadiguk, “Wapum, du neeŋdi memik kohohik foloŋ gapmewek?” ²¹Pitadi me u kaŋ Jesu ninadiguk, “Wapum, kaŋ me i dedin tibaak?”

²²Unduŋ yonadiguk kaŋ Jesudi indin iŋguk, “Adi hogok hatilune nu kotigoŋ udaneŋ baat, unduŋ nobu nadimilit kaŋ du aditok maŋgoŋde naninadilaŋ. Ale du buŋa nehikeleweŋ.”

²³Unduŋ tubu kahat wendi metam Jesu keleyagiŋ heki’walaŋ uune indin nadigiŋ: me u kumuŋ mu tibaak. Iŋgoŋ Jesu adi kumuŋ mu tibaak mu yoguk. Adi yadi indin yoguk, “Adi hogok hatilune nu kotigoŋ udaneŋ baat, unduŋ nobu nadimilit kaŋ du aditok maŋgoŋde naninadilaŋ.”

²⁴Mihi adikuyeŋdi nemenemek kanadi tuguk indigoŋ tuwot yotubuhautaaŋ pepa foloŋ i youtak. Kaŋ indi adi’walaŋ mede nadine biyagoŋ hinek tilak.

Yodapmaŋ mede

²⁵Jesu adi nemenemek fee tuguk. Ale nemenemek tuguk hogohogok kubugoŋ kubugoŋ kunali youtnim adi pepa fee hinek tubune kwet boidok baŋam moŋ tibek.